




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.507/a







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.507/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.507/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.507/a



1.6.507













1-6-507



1.6. 507

1 N.6







*Handwritten text, likely a title or signature, in a cursive script.*





1.6.507

OMNIBONI  
FERRARI

MEDICI AC PHILOSOPHI  
DE ARTE MEDICA

INFANTIVM,  
LIBRI QVATVOR.

QVORVM DVO PRIORES DE  
*tuenda eorum sanitate, posteriores de cu-  
randis Morbis agunt.*

AD EXCELLENTISSIMVM CELEBERRIMVMQVE  
*Philosophorum ac Medicorum Veronensium  
Collegium.*



B R I X I A E,

*Apud Franciscum, & Pet. Mariam fratres, de Marchettis.*

M. D. LXXVII.



OMNIBUS

FERRARI

MEDICI AC PHILOSOPHI

DE ARTE MEDICA

INFANTIVM

LIBRI QVARTVS

QVORVM DVO PRIORES DE


causis morborum infantum, posterior de ca-

usis morborum infantum.

AD EXCELLENTISSIMVM CLEBERIVM MOVA

Philosophum ac Medicum Perneptem

Colligum.



BRILLIAT

apud Franciscum & Pet. Marianum Fideles, de Medicinis.

M. D. LXXVII





# EXCELLENTISSIMO

## CELEBERRIMOQ. MEDICORVM

AC PHILOSOPHORVM VERONEN-

SIVM COLLEGIO

OMNIBONVS FERRARIIVS MEDICVS,

ET PHILOSOPHVS

S. P. D.



**Q**UO Cuiq; Viri excellentissimi, duo po-  
tissimum in omni vita debent esse propo-  
sita. Primum, vt cum se natum ad agen-  
dum semper aliquid nobilitate hominis di-  
gnum intelligat, inertiam vitet, ne otio sese  
tradens marcescat, vitamq; silentio transeat. Alterum,  
vt de se benemeritis gratum se, ac memorem præbeat,  
cumq; ab aliis hominibus, qui vel adhuc viuunt, vel na-  
turæ iam concesserunt, innumerabilia acceperit beneficia,  
ipse quoque ad humani generis vtilitatem, aliquid, quod  
& præsentibus, & futuris prodesse queat, in medium pro-  
ferat. Cum igitur animaduertentem veteres, qui ad hunc  
vsque diem de tuenda infantium sanitate scripserunt, de  
morbis nutritis, re admodum infantium valetudini neces-  
saria, nihil, aut certe parum scripsisse, neque de morbis sin-  
gulis, qui illi ætati solent euenire, plenè, aut methodicè  
curationem propriam tradidisse. Inter recentiores autem,

✠ 2



etſi quidam nonnulla tetigerunt, multa tamen, quæ vel  
ad nutricem, vel ad infantium curam, & morbos per-  
tinent, prætermiſiſſe, aut modicè, aut laconicè, potius  
de illis locutos fuiſſe, operepretium me facturum exiſti-  
maui, ſi munus hoc diligentius ipſe pertractarem. Itaque  
quatuor libris à me ſummis vigilis, laboribusq; & quàm  
maxima potui, diligentia conſcriptis, hanc medicinæ par-  
tem totam complexus ſum. Quos quidem libros cum in  
lucem ad communem omnium uſum, & commodum ef-  
ſem editurus, meminiſſemq; me ſeptimum iam annum in  
hac illuſtri, ac celeberrima patria veſtra commorantem,  
multa à vobis, cum ſingulis, tum vniuerſis beneuolentiæ,  
atque humanitatis officia percepiſſe, eos vobis, & excellen-  
tiſſimo Collegio veſtro dicare conſtitui, vt & grati animi,  
& ſingularis meæ ergà vos obſeruantia in perpetuum ef-  
ſent teſtes; atque eiſdem Collegii, cui nullum aliud in to-  
ta Europa, vel nobilitate, vel eruditione, vel priuilegiis,  
atque iccirco etiam auctoritate eſt anteponendum, præ-  
ſidio muniti, tutiores, & grauiorẽs in manus hominum  
prodirent. Nunc igitur, viri clariſſimi, & præſantiſſimi,  
pro ſumma humanitate, quàm ſemper in vno quoque  
veſtrum expertus ſum, lucubrationes hæc noſtras benignè,  
vt ſoliti eſtis, ſuſcipite, & in exiguo munere magnum er-  
gà vos largientis amorem, ac beneuolentiam complecti-  
mini, Valete. Veronæ Kal. Martii. 1577.



# OMNIBONVS FERRARIVS

MEDICVS, ET PHILOSOPHVS

CANDIDIS LECTORIBVS.

S. D.



**V**M FIERI plerunque soleat, ut quæ in una-  
quaque arte scripta quotidie in publicum pro-  
deant, ea non ab eius peritis modo, sed à quam-  
plurimis etiam aliarum studiosis interdum legan-  
tur. Nos in hoc opere nostro scribendo, in quo  
artem medicam infantium tradere sumus conati, quo ea facilius  
ab omnibus percipi posset, dedimus operam ut tritis hodie, &  
apud medicos usitatis uocabulis, ac dicendi formis in loco utere-  
mur, nè medicum professi inanem potius nobis cultæ latinæ lin-  
guæ plausum, quam solidum alijs utilis ad uitam scientiæ nostræ  
fructum quærere uoluisset uideremur. Quo quidem factum est, ut  
ad maiorem etiamnum quorumuis cognitionem, qui in horum li-  
brorum lectionem inciderent, auctorum nomina, libros, eorumque  
capita, undè maxima ex parte hæc mutuati sumus, quòd ea in  
margine, propter eius angustias commodè integra perscribi non po-  
tuerant, in tabella quadam seorsum adiuncta explicata haberi uo-  
luerimus. Quòd si hunc laborem nostrum uobis aliqua ex parte  
satisfecisse, & profuisse senserimus, D. O. M. concedente, metho-  
dum de tuenda senum ualetudine, & curandis eorum affectibus,  
quam præ manibus habemus, alacriori animo absolucmus. Valete  
nostri memores.



# ABBREVIATA SIC VIM LEGITO

<i>Aet. lib. 4. cap. 7.</i>	<i>Aetius libro quarto capite septimo.</i>
<i>Gal. lib. de causis morborum cap. 7.</i>	<i>Galenus libro de causis morborum capite septimo.</i>
<i>Gal. 1. de sanit. tuen. cap. 7.</i>	<i>Galenus libro primo de sanitate tuenda capite septimo.</i>
<i>Gal. quod ani. mor. temp. corporis sequant.</i>	<i>Galenus quod animi mores corporis temperaturam sequantur.</i>
<i>Gal. 5. de simpl. med. fac. cap. 21.</i>	<i>Galenus libro quinto de simplicium medicamentorum facultate ca. uigesimo primo.</i>
<i>Aul. Gel. lib. 12.</i>	<i>Aulus Celsus libro duodecimo.</i>
<i>Virg. lib. 4. Aeneid.</i>	<i>Virgilius libro quarto Aeneidos.</i>
<i>Auic. 1. F. 1. doc. 1. cap. 2.</i>	<i>Auicenna libro primo Fen. tertia doctrina prima capite secundo.</i>
<i>Paul. 4. cap. 2.</i>	<i>Paulus Aegineta libro 4. capite secundo.</i>
<i>Gal. 6. de anat. adminis. cap. 1.</i>	<i>Galenus libro sexto de anatomicis administrationibus capite primo.</i>
<i>Gal. 1. de semine cap. 7.</i>	<i>Galenus libro primo de semine capite septimo.</i>
<i>Gal. lib. 3. de alim. fac. ca. 15.</i>	<i>Galenus libro tertio de alimentorum facultate capite decimo quinto.</i>
<i>Gal. de succor. bon. &amp; uit. cap. 8.</i>	<i>Galenus de succorum bonitate, &amp; uitio capite octauo.</i>
<i>Gal. 6. de morb. uulg. com. 5.</i>	<i>Galenus libro sexto de morbis uulgaribus commentario quinto.</i>
<i>Hip. 6. de morb. uulg. com. 4.</i>	<i>Hippocrates libro sexto de morbis uulgaribus commentario quarto.</i>
<i>Gal. de uena sectione ad Eras. cap. 5.</i>	<i>Galenus de uena sectione ad Erasistratum capite quinto.</i>
<i>Auic. 3. F. 20. tract. 1. cap. 11.</i>	<i>Auicenna libro tertio Fen. uigesima tractatu primo cap. undecimo.</i>
<i>Orib. lib. 5. cap. 3.</i>	<i>Oribasius libro quinto capite tertio.</i>
<i>Hip. 1. aphor. 20.</i>	<i>Hippocrates libro primo aphorismorum aphorismo uigesimo.</i>



- Gal. 1. ad Glauc. cap. 14.* Galenus libro primo ad Glauconem capite quartodecimo.
- Gal. de par. pilæ exer. cap. 1.* Galenus de parue pilæ exercitatione capite primo.
- Hip. 2. de uiff. rat. acut.* Hippocrates libro secundo de uiffus ratione in morbis acutis.
- Auic. trac. 2. de remcd. noc. acci. ex aere cap. prop.* Auicenna tractatu secundo de remedijs nocumentorum accidentium ex aere capite proprio.
- Marf. Fici. lib. 2. de uita cap. 11.* Marsilius Ficinus libro secundo de uita capite undecimo.
- Cicero 2. de diuin. cir. m.* Cicero libro secundo de diuinatione circa medium.
- Gal. lib. 11. de usu part. cap. 8.* Galenus libro undecimo de usu partium capite octauo.
- Gal. lib. 8. met. med. cap. 91.* Galenus libro octauo methodi medendi capite nonagesimo primo.
- Gal. lib. 1. de comp. med. sec. loc. cap. 9.* Galenus libro primo de cōpositione medicamentorū secundū locos cap. nono.
- Plinius lib. 20. cap. 3.* Plinius libro uigesimo, capite tertio.
- Albertus magnus de mineralibus, lib. 2. tract. 2. cap. 17.* Albertus magnus de mineralibus libro secundo, tractatu secundo capite decimo septimo.
- Gal. lib. de atra bile cap. 5.* Galenus libro de atra bile capite quinto circa finem.
- Gal. lib. prorrhbet. 3. com. 69.* Galenus libro prorrhbetici Hippocratis tertio commentario 69.
- Gal. lib. 3. prognost. com. 34.* Galenus libro tertio prognosticorū Hipp. commentario trigesimo quarto.
- Gal. lib. 4. aphor. 57. in com.* Galenus libro quarto aphorismorū aphorismo. 57. in commento.
- Hip. lib. 5. prognost. tex. 15.* Hippocrates libro tertio prognosticorū textu decimo quinto.
- Gal. lib. 2. de sympt. caus. cap. 4.* Galenus libro secundo de symptomatum causis capite quarto.



*Auic. lib. 3. F. 10. cap. de Auicenna libro tertio Fen. x capite de  
sign. asthm. signis asthmatis.*

*Gal. lib. 1. de loc. affec. Galenus libro primo de locis affectis ca  
cap. 4. capite quarto.*

*Gal. 3. de natur. fac. cap. 15. Galenus libro tertio de naturalibus fa-  
cultatibus capite decimo quinto.*

*Gal. lib. finit. med. Galenus finitionis medicae.*

*Alexander tral. lib. 9. cap. 2. Alexander tralianus libro nono capite  
secundo.*

*Arist. lib. 5. de nat. animi Aristoteles libro quinto de natura ani-  
cap. 19. malium capite decimo nono.*

*Gal. lib. 2. de natu. huma. Galenus libro secundo de natura huma-  
tex. 13. na textu tertio decimo.*

*Gal. lib. de tum. præter nat. Galenus libro de tumoribus præter na-  
cap. 17. & 18. turam capite 17. & 18.*

*Cor. Cels. lib. 6. cap. 18. Cornelius Celsus libro sexto capite de-  
cimo octavo.*





# INDEX OMNIUM

## Capitulum

### QVAE IN HISCE QVATVOR

Libris de Morbis infantium

tractantur.

Capita

Page

I	<b>D</b> E electione nutricis	2
II	De lacte nutricis	5
III	De uictus ratione nutricis	6
IIII	De cibo, & potu nutricis	8
V	De somno, & uigilia nutricis	10
VI	De coitu nutricis uitando	11
VII	De exercitatione nutricis	12
VIII	De curatione morborum nutricis	13
IX	De tumefactione, et dolore mamaru ob lactis redudatiā.	14
X	De rimis papillarum nutricis	16
XI	De lacte nimis crasso	18
XII	De lacte nimis aquoso	18
XIII	De paucio uel diminuto lacte nutricis	22
XIIII	De lacte imminuto a qualitate calida	23
XV	De diminutione lactis a qualitate frigida	25
XVI	De lacte imminuto propter nimiam lubricitatem alui	27
XVII	De imminutione lactis ob penuriam	30
XVIII	De lacte ob aliquem terrorem deperdito, uel imminuto	31
XIX	De coagulatione lactis in casei substantiam	32
XX	De coagulatione lactis in grumos	34
XXI	De suppuratione mammarum	36
XXII	De ratione siccandi lac post ablactationem infantis	37

### CAPITA SECVNDI LIBRI.

I	<b>D</b> E electione aeris	40
II	De infantium aere, qui non habent optimum temperamentum	42
III	De incisione umbilici	43
IIII	De nutritione infantis	ead.
V	De cibo infantis	44
VI	De frictione inunctioneue infantis	46





# INDEX.

VII	De balneo infantis	47
VIII	De fasciando infante	48
IX	De modo cubandi infantis	50
X	De somno ex ploratu infantis conciliando	53
XI	De nutritione seu cibo infantis ab initio dentium produ- ctionis usque ad biennium.	55
XII	De lactis, & cibi infantis mutatione	56
XIII	De regimine infantis a dentium productione, usque ad la- ctis remotionem.	58
XIII	De remotione infantis a lacte	61
XV	De ijs quæ pertinent tam ad animi mores, quam ad tuen- dam sanitatem infantis.	63
CAP. TERTII LIBRI.		
I	DE natura infantium	66
II	De lactea crusta	69
III	De erysipelate	70
III	De herpete exquisita	74
IV	De herpete exedente	76
VI	De herpete miliari	78
VII	De achoribus	81
VIII	De fauis	84
IX	De tinea	85
X	De siriase	87
XI	De inflatione capitis ab aqua extra cranium.	88
XII	De inflatione capitis ab aqua intra cranium	91
XIII	De inflatione capitis a flatu	93
XIII	De terribili somno	94
XV	De uigilijs	95
XVI	De epilepsia	97
XVII	De paralyfi	100
XVIII	De convulsione	101
XIX	De oculorum infusione	105
XX	De strabismo	107
XXI	De palpebrarum crassitie, & pilorum casu	109
XXII	De prurigine palpebrarum	110
XXIII	De dolore aurium	112
XXIII	De auribus uermiosis	114
XXV	De sternutatione	115



# INDEX.

XXVI	De destillatione, & catarrho	117
XXVII	De rimis labiorum	119
XXVIII	De gingivarum pruriginē ex dentium productione	120
XIX	De gingivarum abscessibus ex dentium productione	122
XXX	De superflua carne ex dentitione orta	123
XXXI	De uesiculis gingivarum	124
XXXII	De dolore dentis	125
XXXIII	De aphthis	127
XXXIII	De incisione filetti sub lingua infantis	130
XXXV	De ranunculo	131

## CAPITULA QUARTI LIBRI.

I	De tonsillarum Columellæque inflammatione	134
II	De tussi ex destillatione	137
III	De asthmate	141
IIII	De stomachi debilitate	143
V	De uomitu	145
VI	De singultu	147
VII	De colico sine uentris dolore	151
VIII	De fluxu uentris	152
IX	De dysenteria	155
X	De tenesmo	158
XI	De alui constrictione	160
XII	De inflatione uentris	161
XIII	De lunbricis	164
XIIII	De inflammatione umbelici	170
XV	De tumore seu eminentia umbelici	172
XVI	De calculo uesicæ	174
XVII	De urine incontinentia	176
XVIII	De retentione urine	178
XIX	De hernia, siue tumore inguinis.	181
XX	De procidentia ani	182
XXI	De intertrigine coxarum	184
XXII	De papulis siue uariolis	187
XXIII	De scabie	189
XXIIII	De febre	193
XXV	De ambustis	194

FINIS.



ANTONII GROTTAE.

PRAEMIA summa sibi Venus, & Lucina petebant,

Quod primæ humani causâ forent generis:

At Natura inquit, meruit FERRARIUS illa,

Quo sine quid prosunt munia vestra mihi?

PHOEBE tuas habuit semper rarissimas artes;

Dic precor, hoc nostro tempore numquis habet?

OMNIBONI numeros, medicas atque inspicie chartas;

Tu tibi iam poteris dicere, si quis habet.







OMNIBONI FERRARI  
MEDICI AC PHILOSOPHI  
DE ARTE MEDICA  
INFANTIVM.

LIBER PRIMVS.

P R A E F A T I O.



**S**CRIPTVRVS Artis medicæ par-  
tem, quæ infantium curam habet, &  
quam Græci pædotrophichin uocant,  
eam in duas præcipuas partes diuiden-  
dam putavi, unam scilicet, quæ ad  
tuendam sanitatem, & alteram,  
quæ ad curationes morborum perti-  
net; Quæ ad tuendam sanitatem attinet, in duos libros  
diuisa est; quorum primus erit prò ipsius tuenda infantis  
sanitate, de electione, uictus ratione, & curatione morbo-  
rum nutricis, cum multi morbi, tam in intemperie, quàm  
in solutione continuitatis, infantibus eueniant, tum pro-  
pter earum ægriudines, tum etiam propter malam ui-  
ctus rationem, ex qua lac corrumpitur, & generantur

ca in



Aetius lib. 4.  
cap. 7.

Gal. de cau-  
sa morb. c. 7

Gal. lib. 1. de  
sanit. tuen.  
cap. 7.

in ipsis infantibus uarij morbi: Quandoquidem pleraq; nu-  
trices ineptis utentes cibis, uitiosum lac efficiunt; & ex hoc  
diuersis morbis infantes, qui etiam optimam structuram  
adepti sunt, obijciunt, cum enim infantium corpora mollia  
sint, ac penè fluxibilia facile inuertuntur; cum & in exitu  
matricis utero, non rectè ab obstetricibus excipiuntur, & non  
commodè fascijs inuoluuntur, ac deinceps à nutricibus sine  
modo, aut attolluntur, aut reponuntur, & dùm lactantur, &  
& dùm lauuntur, & dùm fascijs alligantur. Secundus erit  
pro ipsa tuenda sanitate, de uictus ratione, & educatione in-  
fantis: Etenim ex malo regimine alteratur substantia, & de-  
prauatur figura; sed ratione uictus, & tuenda sanitatis me-  
thodo adhibita, hoc facile euitari poterit, & huiusmodi homo,  
qui arti sanitatis tuendae traditur educandus, fortunatus utiq;  
erit, si statim editus in lucem ei committatur; Alteram  
uerò partem in duos alios pariter diuisilibros, qui ambo  
erunt de medendis ipsis morbis particularibus, qui solent ip-  
sis infantibus contingere, uniuscuiusq; uerò sigillatim ex  
rationali methodo curationem apponam.

## DE ELECTIONE NUTRICIS.

### CAP. I.

**C**' M satis compertum sit aegritudines corporis tem-  
peraturam sequi, alijs enim pituitosi, alijs biliosi, alijs  
sanguinei, & alijs melancholici morbis corripiuntur, &  
cūm



cum animi etiam mores eandem temperaturam sequi Galenus doceat; propterea semper mater nutricibus praefenda est, nisi ex lactis defectu, aut corruptione, aut aegritudine, aut malis moribus hoc prohibeatur. Etenim unusquisque sibi persuadet laudabilioribus moribus ornata esse matrem, quam nutricem; Qui matris lacte pueri aluntur, ij iam non solum consueti, verum etiam maxime proprio utuntur alimento. Lac. n. purioris sanguinis menstrui parti, ex qua fetus in utero alitur, affine est, & nimis inhumanum, & monstrosum esse uidetur in uisceribus genuisse, & aluisse filium, postea eum alieno lacte nutricandum tradere. Infans enim a nutritione, & materna custodia separatus, non facile sustinet ea, quae necessario accidunt eius uictui, sicuti plantae, dum in eodem loco, in quo natae sunt persistunt, aeris ambientis iniurias facile ferunt, sed alio translatae, radicibus nondum bene firmatis facile exarescunt; uel ut haedi lacte ouillo, nutriti pilum gignunt teneriorem; Et agni lacte caprarum aliti lanam ferunt duriorum, eodem modo filij aliquando cum alieno lacte aluntur, magis amant nutricem, quam matrem; prout exemplo Cornelij Scipionis patet, qui cum anno ab urbe condita D. I I. ex bello contra Antiochum uictor Romam redisset (ut scriptum legimus) decem strenuos suos milites ex causa uestalium morte condemnauit, unde a Scipione Africano eius fratre pro mitiore sententia assidue frustra cum deprecatus fuisset, ac clementer postea precibus unius filiae suae Nutricis condemnatis pepercisset, a nonnullis interro-

Gal. quod  
ani. morb.

Gal. 1. de sa-  
nit. tuen. c. 7.

Gal. 5. de  
simpl. med.  
fac. cap. 22.

A 2 gatus,



*Cornelii  
Scipionis*

Aul. Gell. lib.  
12.

Virg. lib. 4.  
Aeneid.

Auic. 1. F. 3.  
doc. 1. c. 1.  
Paul<sup>9</sup> A Egi  
neta lib. 4.  
cap. 2.

Gal. 6. de  
anat. admin.  
cap. 1.  
Gal. arte  
med. cap. 1. 1.

gatus, quare gratiam ipsam potius suae nutricis filiae, quam intuitu Scipionis Africani matris filij concessisset; sic respondisse fertur: Ego magis mihi iudico esse matrem quae, etsi non me peperit, per triennium me nutrit, quam quae me peperit, & postea dereliquit. Ex Aulo Gellio etiam sumitur Phauorinus Philosophus, cum audisset à matre cuiusdam nobilis puerperae parcendum esse ei, & adhibendas puero nutrices, nè ad dolores, quos in enitendo tulisset, munus quoque, nutritionis graue ac difficile accederet, dixisse, oro te mulier sine eam totam, integram esse matrem filij sui, quod est enim hoc contra naturam imperfectum, atque dimidiatum matris genus; peperisse, ac statim ab se se abiecisse: immanissimae etiam feræ filios suos alunt, unde Virgilius, Hyrcanaeque admorunt ubera tigres. Verum si mater erit aliqua legitima de causa impedita, tunc ad electionem nutricis erit properandum, quae debet habere has conditiones: Primum ut sit iuuenis, in qua aetate, si erit ab annis 25. usque ad 35. melius erit, quoniam ea est salubrior, & fortior alijs; deinde boni coloris, qui indicat sanitatem? figurae satis concinnae; Etenim figura exterior significat semper compositionem interiorem; si enim concinna est, semper bonum est signum, pectoris, lati, fortis, musculosi, & carnosi, non adipe abundantis, ut facile possit abundare lacte, & sustinere ea incommoda, quae lactantibus solent accidere, & eligenda omni studio, & diligentia est; quae iam bis peperit masculum, & non feminam, & non abortit, & semel saltem lactauit, quia sic in ea lac facile non corrumpitur, & magis assueta est in similibus. Postremo debet esse bonis moribus praedita, non iracunda, non melancholica, non plena



plena mœrore, aut tristitia, non stolidi, passiones enim, & qualitates istæ corrumpunt, & permutant temperamentum lactentis, lac autem eius erit explorandum, eo modo, quo in sequenti capite, declaratur.

## D E L A C T E N U T R I C I S.

## C A P. I I.

**L**AC optimum, & prestantissimum est, quod gustanti, olfacienti, suaue, intuenti candidum, æquabile, ac liquidum, crassum, medium, apparebit; quod uitiosum est, è diuerso, aut crassum, aut caseosum, aut liquidum, & serosum, ac liuidum, tum consistentia ipsa, colore, inæquabile uidebitur, idem gustantibus amarorem, aut salsedinem, aut qualitatem quampiam extraneam exhibebit; tale uerò, nec olfacienti, suaue erit; Lac etiam probari potest hoc pacto, lacte in uas uitreum infuso coaguli portio misceatur, digitis, agitur, atque ita permittatur, donec cogatur, deinde inspiciatur, utrum minor sit pars, quæ in caseum concreuit, quàm ea, quæ in serum abiit, quod si sit utile erit lac, si contrà erit concoctu difficile, quod uerò æquam utriusque portionem habebit, id erit probatissimum: illud etiam commendatur, quod in unguem pollicis stillatum, & in lucem spectatum, ungue inclinato, nec citò, nec tardè defluit. Præterea inter bonitates, & optimas partes, lactis copia est necessaria prò nutritione infantis; si igitur una tantum nutrix lacte abundauerit, multò salubrius infans unius naturæ lacte nutrietur, quam diuersarum; nam si non abundauerit plures conueniant nutrices.

Gal. 1. de nat. tuen. c. 9.

Orib. lib. 5. cap. 3.

D E



## DE VICTVS RATIONE NUTRICIS.

## CAP. III.

**S**IC facta electione nutricis, quantum equorum equites, crurum, & manuum, brachiorum uel sagittarij curam habere quotidie uideantur. tantam saltem ipsi nutrici, cerebri, cordis, & iecinoris rationem habere conuenit, imò tanto maiorem, quanto nobiliora, & magis ad uitam necessaria hac membra, quàm illa sunt, & his frequentius, quàm illis utuntur, & maius beneficium afferunt; Etenim sanguis efficitur à naturali uirtute, quæ in iecinore uiget, cuius tenuissima pars in cordis uirtutem uitalem fluit, et exinde spiritus lucidissimi orti ad cerebri arcem, & animalis facultatem ascendunt, & sic per tres earum uirtutes tribus inferuentibus truncis in quolibet ipso principali membro, uno scilicet ex aorta arteria in corde, ex caua uena in iecore, & dorsi medulla in cerebro uniuersum corpus regitur, & nutritur, & calor innatus, ac spiritus ipsi, ex quibus efficitur, digeritur, expurgatur, & dilacidatur sanguis, qui postea, si bonus est, conuertitur in optimum lac, si uero uitiosus in pessimum, qualis enim est sanguis, tales sunt spiritus, & tale uerò est lac, qualis est sanguis. Propterea in primis caput eius quotidie exonerato uentre, & nare mane à pituita expurgata pectat, & fricet, adeò ut sordes à cute abstergantur, abluat caput eius, etiam saltem semel in hebdomada, illud attendens, ut a lotione ipsa diligenter exsiccet caput, & in lixiuio si cerebrum ualde humidum habet ebulliendum curet chamæmeli, baccharæ, maioranæ, rosarum, stæchados an. M. I. agarici in lineo panniculo ligati



3. I. Et prohibendum est omni ingenio, ne aeris frigiditas, & humiditas lædat caput ipsum, & præcipuè in die ablutionis; stomachus etiam si frigidus sit calidus arte, cum pannis ex optima, & molli lana contextis, & purpureo colore tinctis, uel leporina pelle, aut uulturis custodiat. Cor autem, iecur, thorax, pedes, & ut breuiter omnia dicam, totum corpus semper calidum conseruandum est, nisi à maxima caliditate iecoris, & cordis, uel à nimia caliditate ambientis; Aliud indicetur; diligentissimèq; prouidendum est. ut optimæ fiant concoctiones, nutrimentuè, neq; ab aromatibus, neq; ab alijs qualitatibus adeò sit calidum, aut frigidum, ut adurat, uel infrigidet sanguinem, uel inducat aliquam obstructionem in ipsis membris; Et cum surgit mane à lectulo, expurget thora- cem, per palatum à pituita, & caput, prout dictum est, per na- res, & omnia alia corporis excrementa. Operæ pretium est autem cauere, ne lac in grumos, uel in congelatam, uel nimis spissam substantiam conuertatur ut euitet, tum in cibo, & potu, tum in alijs rebus, ea, quæ augent, & generant pituitam; Ac etiam ne augeatur atra bilis, caueat à cibis in sequenti ca- pitulo declarandis, & ab ira, à timore, à dolore, à tenebris, & à similibus, quoniam si sanguis efficitur melancholicus, & lac sibi simile gignit, & facile in mammis generat ulcera can- crofa, & apostemata perniciofa, & multa alia sæua in infan- tibus accidentia.

DE



Gal. 1. de sa-  
nit. tuen. c. 9.

**I**N primis de nutrice ipsa non parùm solliciti esse debemus; quid edat, quid bibat, quo pacto in somno, uenere, exercitatione uè se habeat; propterea in primis statim diebus, quibus lactare incipit, si infans de recenti natus sit, cibum leuem, boni succi, & facilis concoctionis accipiat, ueluti sunt carnes uitulorum, hedorum, agnorum, ueruecum, & pullorum galinaceorum, & auium terrestrium. Comedat panem benè fermentatum, elaboratumq̃, & satis coctum. Bibat ius prædictarum carniū, uel aquam cum seminibus coriandrorum decoctam; Euitet uinum, nè lac nimis spissum ex ipsa potatione uinifacium, cum difficultate in mox natis infantibus descendat per angustas partes gutturis, & prouocet distillationem à capite; Euitet omnia olera, & præcipuè syluestria, etenim nullum boni succi est, ne lacte deprauato incidat in aliquam egritudinem simul cum infantulo, prout liquet ex Galeno, hoc pulcherrimo exemplo, dicente; nam lac quidem, quod uitiosi est succi, non adeò succum probum gignit; cui rei argumento fuit is infans, qui cum priore nutrice mortua, alterius prauis succi lac suxisset, totum corpus multis ulceribus habuit refertum, utebatur autem secunda hac nutrix in agro syluestribus oleribus propter annonæ caritatem quæ ueris tempore acciderat. Postea transactis primis diebus inter olera comedere poterit lactucam, mentam, fœniculum, spinachiā, atriplicem, boraginem, saluiam, & petroselinum, quippè eorum qualitate adiuuat generationem lactis. cum autem pau-  
cis

Gal. lib. 3. de  
alim. fac. c.  
15.



eis diebus peractis infans fortior, & solidior fit, solidiorem, &  
 fortiorem cibum, moderate tamen, nutrix comedere incipiat;  
 & cibus saltem bis in die sumendus est, adeo ut famem cibus,  
 & sitim potus expectet, fastidium, & nimiam saturitatem  
 fugiat, & cibos nimis crassos, uiscosos, & frigidos, ne augeatur  
 sanguis pituitosus; Nec non ut pariter melancholicus sanguis  
 non augeatur, hortor ut diligentissime caueat à cibus nimis du-  
 ris, siccis, salsis, acerbis, acutis, ueteribus, ustis, assatis, & fri-  
 ctis, à pane non bene fermentato, azimo, à carnibus bouinis  
 ceruinis, leporinis, caseis ueteribus, leguminibus, ab eruca, à  
 brassica, ab alijs, à cæpis, à porris, & à uino nigro spisso, turbi-  
 do, & crasso, cum enim sanguis melancholicus superabundaue-  
 rit facile in diuersas ægitudines diurnas, & perniciosas in-  
 curret. Inter fructus autem euitet fugaces, quoniam facile pu-  
 trescent, & comedat æstatis tempore nuces, auellanas, amyg-  
 dalas, & cucurbitas; Autumno uuas, & ficus, præsertim cum  
 exactam maturitatem fuerint adeptæ. Hyberno autem tem-  
 pore mala cydonea, pyra, & poma cocta, & etiam castaneas  
 coctas, sunt enim ex his, quorum arbores ferunt, ferè succi ma-  
 li exceptis castaneis, glandibus, quas uocant, quæ si rectè eas  
 conficiat uenterculus, alibiles fiunt, ac crassi succi, minimè tamè  
 mali; Et in uere comedere inter olera etiam lupulos, & aspara-  
 gos poterit; Bibat uerò uinum non fumosum, satis maturum,  
 & colore rubrum, & adeo temperatum, ne in cruditatem, aut  
 ebrietatem incidat; nam infans ex ipsa ebrietate, aut crudita-  
 te facillime ægrotabit, & præcipue ijs morbis, qui à materia  
 cruda petunt caput.

Gal. de sue-  
 corū bon. &  
 uit. cap. 8.



**I**N somno autem oportet, ut nutrix sit temperata, ita tamē, ut possit facere bonas concoctiones, caueat somnum diurnū post cibum, replet enim caput uaporibus crudis à cibo eleuatis, & prouocat destillationem à capite, dormiat noctu saltem per horas septem, & si oportuerit nocturno tempore, ob infantis uigilantiam, uigilare, mane stomacho ieiuno, dormiente alumno, dormiat, usq; ad digestionem, idq; si fieri poterit ante solis ortum, quoniam oriente sole alteratur, & agitur aer, & sic alterantur etiam, & agitantur humores nostri, & præcipue sanguis, ex qua alteratione, & agitatione, secundum humorum prædominium facilius in somno propter caloris concentrationem generantur diuersæ ægritudines: sed omni studio, & diligentia euitet uigilias noctis, & præcipue post cænam, Etenim in nocte melancholia, & pituita quæ frigidissima, & crasse sunt dominantur, At in uigilia naturali calido ad cutem profuso, uiscera frigidiora euadunt, & sic augentur per ipsas uigilias humores ipsi frigidissimi. Per somnum autem ad centrum reuocatur calor naturalis. Evidenter enim uigilans calidior exterius; interius autem frigidior, dormiens & contrario, scilicet (ueluti dictum est) calor ad centrum reuocatus, & adeo ut in nocte per ipsam proprietatem caloris innati iuuatur comestorum concoctio. & sit diminutio generationis pituitæ, & melancholiæ, quæ duo horribilia monstra sunt in corporibus nostris, & præcipue in nutrice permixta, ueluti nauigantibus Scylla, & Charybdis omni assiduitate uitanda

Gal. 6. de  
morbis vulg.  
com. 5.

Hipp. 6. de  
morbis vulg.  
com. 4.



da; Dormire igitur à cœna conuenit saltem per horam, & in diluculo electulo surgere; Etenim in aurora mouetur (ut dictum est) aer per ipsum solis ortum, & sic pariter per aerem humores. Propterea in uigiliarum tempore per motum ad ipsas uigilias pertinentem, magis attenuantur, & clariores fiunt spiritus; spiritus uero clarum efficiunt sanguinem, ac proinde ipsum lac, & ut uno uerbo dicam, dies uigilijs, & nox somno tribuatur.

## DE COITU NUTRICIS VITANDO.

## CAP. VI.

**M**VSAS Poetae uirgines esse uolunt, etenim coitus rationi, & ingenio, quo diuinæ utuntur, aduersatur, euacuat enim de substantia spirituum, propterea debilitat cerebrum, & nè dicam ueluti dixit Epicurus, uenereorum nullus est usus salubris, cum est superfluum (prout dicitur semper in nutrice) renes, hepar, stomachum, & præcordia ledit, adeo ut membra ipsa labefactata sanguine, & nutrimentum per uenas aquosum, nimisq; serosum transmittant; quo nutrici, & infanti præcipue, nihil perniciosius esse potest; Consulo igitur, ut ipsa nutrix à coitu omnino se abstineat, & a consuetudine uiri, & ab omnibus cibis bellarijs, quoniam ipsi uenerem, & menses prouocant, & per fluxionem ipsorum mensum sæpe deprauatur lac; Menses enim uiri consuetudine prouocantur, & lac odoris gratiam in deterius mutat; Quin etiam aliquæ (scilicet nutrices) in utero concipiunt, quo nocentius puello adhuc lactenti nihil est; Interim

B 2 enim

Gal. 1. de san-  
nit. tuon. c. 9.Gal de uen-  
se & ad Brat  
cap. 5.



Anic. 3. F. 20  
arac. 1. c. 11.

Anic. ibid.

enim quicquid sanguinis est optimum in fœtu, et coitu absumitur, & Avicenna coitum similem comitiali morbo iudicavit, & quandoq; superat in ipso coitu cholera, & melancholia, & accidit ei uertigo à debilitate, & in illis in quorum corpore sunt humores mali cholerici, mouetur post coitum horripilatio.

## DE EXERCITATIONE NUTRICIS.

### CAP. VII.

Orib. lib. 5.  
cap. 3.

Gal. 5. de fa-  
nit. tuen. c. 3.

**N**UTRIX Otium tanquam horribile monstrum, ex quo pituita, & humores frigidissimi augentur, et generantur, omni cura, & cogitatione fugiat nisi maior urgeat necessitas, et exonerato uentre, si fieri possit, antequàm lactet infan-tem, exerceat se bis in die, mane, & uesperis antecibum, cum ea exercitatione, quæ ad mulieres pertinet, & præcipuè ut infans meliori chymo alatur cum partibus supernis, etenim lac facilius eo modo expurgatur, & digeritur, ueluti texendo, molendo pannos, uel inuolucra infantis abluendo mundando uestes, uel cubiculum à sordibus expurgando, uel panem elaborando, coquendoq; uel gestando infantem si trimestris, uel quadrimestris est, uel manibus ad conciliandum somnum, in cunis infantem ipsum agitando, mouendoq; uel etiam deambulando domi parumper; Exercitatio enim ipsa mirum in modum confert; nam exercitatione inferiorum iuuantur partes pectoris.

DE



## DE CURATIONE MORBORUM NUTRICIS.

## CAP. VIII.

## P R A E F A T I O.

**P**RIVS QVAM De curatione morborum nutricis uerba faciam, pauca, ad faciliorem cognitionem huiusce artis declaranda per necessaria mihi uidentur; Ac primum nostri instituti esse de morbis tantummodò scribere, qui etsi nutrici contingunt, tamen non sunt diuturni, nec eo tempore imminet periculum mortis. Secundò de his, qui dùm afficiunt nutricem, nihilominus ipsa nutrix, uellactat infantem, sine multo eius nocumento, uellactatura est infrà paucos dies. Tertiò de ijs morbis, qui sola uictus ratione, ex arte bene instituta facile, uel paucis localibus adhibitis, curandi sunt. Quartò de his, qui pertinet ad tuendā sanitatē infantis. Quintò & ultimò de his, qui nō indigent ad eorum curationem, neq̃ missione sanguinis, neq̃ medicamentis ualdè exiccantibus, & calefacientibus; Etenim ex ijs remedijs facile extinguitur, uel exterminatur lac; sed tantummodo de ijs pertractare, qui facile sanantur medicinis benedictis in primo, uel secundo gradu, quæ leniter euacuant, sine nocumento, ueluti est casia fistula, manna, syrupus ex pluribus infusionibus rosarum, uel uiolarum, uel florum persicarum, diaprūnum, electuarium lenitiuum, diasena, agaricus, & reubarbarus. Verū in ijs affectionibus, quibus, uel missio sanguinis, uel remedia à caliditate, aut à frigidityate ualdè exiccantia conueniunt, tū quoniam his oblatiis occasionibus propter periculum defectus lactis, et periculum mortis, necesse est eligere aliam nutricem, tū etiam, quia ab alijs

Gal. 5. de  
simpl. med.  
fac. cap. 22.

Gal. de uene  
sect. ad Bras.  
cap. 5.



alijs clarissimis uiris fusus, & separatim de omnibus ijs mor-  
bis pertractatum, & scriptum est; propterea de ijs tanquam  
superfluis in hoc opere nihil dicam.

DE TUMEFACTIONE, ET DOLORE MAMMARUM  
OB LACTIS REDUNDANTIAM.  
CAP. VIII.

DEFINI  
TIO MOR  
BI CAU-  
SAE SI-  
GNA.

Auic. 3. Fen.  
11. cap. 3.  
[PROGNO  
STICA.

VICTVS  
RATIO.

**A**FFECTIO Hæc in matre, uel nutrice contingere so-  
let, ut plurimum post partum, quæ nihil aliud est, quàm  
a multiplicatione sanguinis, copiosa conuersio lactis, ex qua  
in ipsis mammis fit tumor, & tensio dolorosa, tum propter ci-  
bi in sueti abundantiam, tum propter sanguineum cor-  
poris temperamentum, & signa manifesta sunt, & per-  
cipi poterunt tum uisu, & tactu, tum etiam ipsius nu-  
triciæ sermone; propterea quantum ad partem progno-  
sticam prædicere conuenit, lac quando superfluit pluri-  
mum nocet, & apostemata gignit, & affert etiam alias  
egritudines; igitur in primis, secundum ipsam indicationem,  
debet nutrix parumper de suo cibo subtrahere, ut lactis exube-  
rantia minuatur, & comedere cibos tum minus alentes, tum  
etiam in minore quantitate, & qui sint facili concoctionis, &  
boni succi, et bibere aquam coctâ cum seminibus coriandrorum,  
uel iura carniū pullorum, uel uitulorum, & quotidie aluum  
exonerare fecibus, uel sponte, uel arte clysterijs communibus, al-  
ternis diebus positis, & hoc modo paratis, R. bliti, maluarum,  
mercurialis matrum uiolearum, fursurum, an. M. I. bulliant  
omnia simul in s. q. a. postea colentur, & s. a. fiat decoctio, de  
qua decoctione R. libram unam, & uncias duas, olei oliuarum

com



communis unc. 3. uitelli unius oui. salis q.s. misce, & fiat clyster, postea parum se exerceat, & precipue deambulando dormi, ieiuno, stomacho, quoniam exercitatione inferiorum iuuantur magis partes, quae circa thoracē sunt, & aeris caliditatem, & frigiditatem fugiat: sed quia in primis debemus sedare dolorem; dolor. n. ipse dissoluit uirtutem, & prohibet mēbra à suis operationibus naturalibus: Quapropter ad māmillas fiāt infra scriptae fomentationes pro sedatione doloris R. uini rubri, lib. s. olei rosati omphacini, aceti an. unc. 3. aquae fontis lib. I. misce, & lento igne in uase aeneo parum omnia calefiant, postea cum spongia infusa & benè compressa stomacho ieiuno s. a. fiant fomentationes ad mammillas bis in die per horam unā, antè cibum: Aut lentes aqua marina, uel muria, coquito, & cum ipsa decoctione calida mammas abluito, & postea lentes ipsas contusas, & in formam emplastei redactas, apponito, & si dolor etiam non sedabitur, tunc R. daetylorum contusorum, numero 10. pul. florum chamemeli rosarū rubrarū. an. M. I. olei rosati completi unc. 2. sapae q. s. ad incorporandū misce, & fiat emplastrū, & calidum apponatur, & perseverante dolore, neq. ab adultis, neq. ab infante emulgere conuenit mammas dolentes nutricis: Nā ex ipsa emulsione plus materiae attrahitur ad locū affectū. Postea si abundantia lactis cōstringere uolueris emplastrū infra descriptū, ad māmās appone, R. aluminis unc. 4. psyllij coriadrōrū an. unc. I. s. portulacae M. I. cōterēda cōteratur, deinde cū oleo ros. omphacino, & aceto an. partes aequales q. s. ad incorporandū misce, et s. a. fiat emplastrū, & apponatur, uel alio modo, R. lapidis pyritis cōtriti lib. s. aceti fortis olei ros. omphacini an. unc. 3. misce, et apponatur, et si his peractis, tumor,

Gal. de san.  
tuen. cap. 3.

Anic. 1. Fen.  
2. doct. 3. c.  
22.

MEDICA-  
MENTO -  
RVM RA  
TIO.

Aetius 4. c. 6

Paul<sup>9</sup> agin.  
lib. 3 cap 31  
ex auth. sera  
ni.



tumor, uel durities mammarū non tollatur, (abundantia enim lactis, hac uictus ratione seruata, statim primo, uel in secundo die diminui solet) cataplasma infra notatum appone, R. summitatum petroselini, fœniculi, mentæ, foliorum caulium an. M. S. incidatur omnia parumper, deinde in mortario cum medulla unius panis frumentacei, optimè contendantur, & adde pinguedinis anseris recentis ꝑnc. 4. mellis q. s. ad incorporandum misce, & fiat cataplasma, & calidum apponatur. Verum post sedationem doloris à peritis mulieribus, uel à semetipsa quotidie mammae nutricis leniter exugantur. Postea etsi expedit hoc in morbo, sectionem uenæ adhibere, ea tamen in nutrice, quæ lactare uult, prohibenda est, quia ex-terminat lac.

Aetius lib.  
26. cap. 34.

#### DE RIMIS PAPILLARVM NUTRICIS.

##### CAP. X.

DEFINI-  
TIO MOR-  
BI.

CAUSA.

SIGNA.

**I**NTER Morbos, qui ualde papillas mammaram nutri-  
cis infestant, sunt rimæ, quæ nihil aliud sunt, quàm parue  
scissuræ ipsarum papillarum, & ægrotatio ipsa, græco nomine  
diaphia dicitur, & ut plurimum in muliere, quæ paulò ante  
peperit, & lactare incipit, generatur. Et sæpè causam, &  
originem trahit ab exiccante acrimonia, & mordacitate hu-  
morum contentorum in ipso lacte, uel à mala complexione  
sicca totius corporis, & hoc rarò euenit, nihilominus si à mala  
complexione totius sicca proueniant ipsæ rimæ, macies per  
uniuersum corpus apparebit, & tunc, cum ipse morbus indi-  
cet diuturnitatem, & indigeat humectatione, & tempus hu-  
mectan



meētandi sit longum, & ipsa complexio in hæcticam facile  
 conuertatur, hic de ipso pertractare non opus est, sed alia nutrix  
 lactet infantem. Si uerò ex ipsa humorum acrimonia fiant,  
 apparebunt fissuræ ipsæ, sinè tumore, & tensione ab ipsa tan-  
 tummodo qualitate sicca humorum ortæ; causa enim omniū  
 fissurarum est siccitas, in cute adeò donec scindatur, & illa sic-  
 citas, aut propter complexionem singularem, aut propter  
 malitiam humorum mittentium materiam exsiccantem acu-  
 tam. Et cum ipsa ægritudo sit multi tædij, & doloris causa,  
 adeò ut cum infans papillam in ore suscipit, dolores acutissimi  
 excitentur; propterea ubi recentes fuerint, confestim eas curare  
 tentandum est; Nàm cum prorogatur earum cura, induran-  
 tur, & fiunt callosæ, & diuturniores, adeò ut chirurgiam ad-  
 hibere oporteat, & aliquandò in ulcera cancrofa conuertantur.  
 In primis igitur aer inclinet ad humidum magis, quàm ad sic-  
 cum, & in caliditate temperatum, somnus conuenit longior so-  
 lito, & ab exercitatione uacet. Victus humidus conuenit, ut  
 liquida ueluti cremor ptisanæ, & pingua, seù glutinosa, & fa-  
 cilis concoctionis, ut sunt carnes elixæ gallinarum, pullorum,  
 uitulorum, hædorum, agnorum, ueruecum, auium aquatiliū,  
 & præcipuè earum iura pingua; Inter olera comedere poterit  
 maluam, spinachiam, boraginem, & endiuia, oua recentia,  
 & sorbilia, & reliqui cibi exhibeantur cum butyro, uel adipe  
 anseris, aut gallinæ, aut oleo amigdalorum dulcium parati.  
 Inter fructus, poma dulcia, mala cidonia, & pyra cocta co-  
 medere poterit. Bibat uinum tenue album, quod non susti-  
 neat aquæ mistionem; Euitet in cibo omnia acria, aspera, sal-  
 sa, mordacia, astringentia, cruda, & sicca, uel quæ nimia cali-  
 ditate,

Auic. 4. Ven.  
 7. trac. 3. c. 5.

PROGNO-  
 STICA.

VICTVS  
 RATIO.



MED. RA-  
TIO.

ditate, aut frigidityte siccitatem generant. Ad diminuen-  
dam verò abundantiam acrimoniae, & humoris serositatem,  
suscipiat infra scriptum bolum, per horam unam ante cibum,  
R. casie nuper extractae 3. x. diacatholicon 3. 2. misce, &  
cum saccharo. f. b. vel alio modo in forma potabili, R. Syru-  
pi rosati soluti unc. 4. decoctionis maluarum. q. s. ad dis-  
soluendum misce, & fiat potio; vel pro diuitibus alio modo;  
R. mannae electae masticinae unc. 3. decoctionis praedictae. q.  
s. ad dissoluendum misce, & f. p. vel R. reubarbari electi,  
& mundi in puluerem resoluti. 3. I. sacchari rosati unc. 3.  
misce, & cum saccharo f. b. Verum in illo die, in quo susci-  
pit potionem, vel bolum ipsum, alia nutrix lactet infantem,  
sequenti autem die inungat papillas oleo balsamino, aut è lu-  
teis ouorum tepido, vel pomata, vel adipe hircino, vel succo  
aparine; vel alio modo, R. mellis, butyri recentis, olei amyg-  
dalarum dulcium an. unc. s. misce, & simul omnia opti-  
mè conquassentur; postea inunge, vel R. olei rosati completi.  
unc. 3. & in mortario plumbeo infundito, & cum pistillo  
plumbeo terito, donec oleum crassum, & subnigrum redda-  
tur, & ex ipso quotidie bis, vel ter inunge papillas ipsas.

### DE LACTE NIMIS CRASSO.

#### CAP. XL

DEFINI-  
TIO MOR-  
BI.  
CAUSAE.  
SIGNA.

**S**i Nutrix lac habeat nimis crassum hic affectus dicitur  
a latinis lactis concretio pituitosa, quae generatur aliquan-  
do propter otium, aliquando propter ambientem aerem, ali-  
quando propter cibum, et potum crassae substantiae, vel propter  
rationem temperamenti; Et percipitur ex signis istis; tam ex  
diffi-



difficultate digestionis, & excretionis per Ventrem infantis, & excessu in crassitie ipsius lactis, tum etiam ex consistentia ipsius, ut percipitur visu, si de ipso super Unguem mulgeas guttam, quæ si fluit est subtile, si verò Unguis inclinetur, & non currat est crassum. Et de parte prognostica sciendum est infanti aliquando ex difficultate digestionis, & excretionis ipsius alimenti nimis crassi per Ventrem accidere cruditate humorum, & abundantiam eorum, & conuersionem in casei substantiam lactis ipsi nutrici, ex qua postea infantes facillimè incurrunt in perniciosas ægitudines. Crassus enim lac abscessus, & furunculos circa infantis corpus generat. Nutrix igitur degat in aere calido, & sicco, & accipiat cibum digestibilem, & qui modicè nutrire possit, cuiusmodi sunt carnes vitulinæ, & pullorum gallinaceorum, & hædorum, & si milium elixa, Bibat Vinum aqua temperatum, vel paucarum virium, & moderatè; Euitet carnes porcinas, bouinas, & omnia caseosa, unctuosas, acrias, & acetosas, legumina, pulres, oua elixa, & præcipuè dura. Et inter olera comedere poterit lactucam, spinachiam atriplicem; Etenim boni, maliq; succi in medio sunt, hyssopumq; petroselinum, fœniculum, mentam, & cichoream, & radices raphani. Ex fructibus comedat nuces, amygdalas, & auellanas, & temperato utatur exercitio, & præcipuè deambulando, exercitatione enim inferiorum iuuantur partes pectoris, & non dormiat in die post cibum, sed noctu utatur somno temperato, & præstat quotidie in manè bis, aut ter, prius manibus proprijs, aut ore alieno, aut proprio cū illo vitreo instrumēto, capite, de imminutione lactis, delineato, nō aut ab alumno emulgere māmas, postea papillā infanti tribuere,

Aui. 1. f. 3.  
doc. cap. 2.

Aetius 4. ca.  
5.  
PROGNO  
STICA.

Aetius 4. ca.  
6.

VICTVS  
RATIO.

Gal. de suc.  
bonit. & vit.  
cap. 8.

Gal. 5. de  
sanit. tuen.  
cap. 3.

C 2 ut



MEDICA-  
MENT. RA-  
TIO.

Galen. 5. de  
simpl. med.  
fac. cap. 11.

ut crassities eius, sic per ipsam emulsionem euacuetur, & lacte in melius purgato nutriatur infans, donec ad equalitatem substantia ipsius lactis reducat. Præterea pro ut nobis indicat morbus ad calefaciendum, & attenuandum, quotidie manè sumat per septem dies continuos hunc syrupum in diluculo, & post assumptionem ipsius per horam dormiat. R. oximellis simplicis ꝑnc. I. s. decoctionis infra scriptæ ꝑnc. 3. misce pro uno syrupo, & sic pro alijs R. hyssopi, mentastri, origani, pulegij, cichoreæ an. M. I. seminum anisorum drag. 3. bulliant omnia simul in s. q. aquæ usq. ad tertias, postea s. a. coletur & colatura usui seruetur in uase uitreo cooperto, ad diluendū syrupum, & illud attendant studiosi, in præmissam uictus rationem, tantummodo per septem dies continuos seruabunt, si ne alijs remedijs localibus, lac facile reducet ad equalitatem. Verum si in his diebus non euenerit equalitas, dicente Galeno, quod in uitioso lacte debemus semper sanguinem contemplari, & si pituitosus est, medicamenta requirit, ex calefacientia, aut primo, aut secundo ordine, non tamen desiccantia. Laudo igitur post assumptionem ipsorum syruporum, ut exhibeatur nutrici per horam unam, ante cibum, bolus iste. R. electuarij lenitiui, drag. 10. agarici præparati drag. 2. misce, & cū saccharo f. b. uel alio modo, per horas tres ante cibum, R. reubarbari electi, & mundi, in puluerem reducti drag. 1. agarici trochiscati drag. 1. sacchari rosati ꝑnc. I. misce & f. b. uel in forma potionis, R. syrupi rosati solutiui ꝑnc. 3. agarici præparati drag. 2. decoctionis florum, et fructuum cordialium q. s. ad dissoluendum misce, & f. p.

DE



## DE LACTE NIMIS AQUOSO.

## CAP. XII.

**E**TSI contigerit ex continuis, & uehementibus exerci- CAUSAE  
tationibus, et laboribus attenuantibus, uel ex cibis calidis,  
ex aromatibus, salsamentis, uel ex subtiliatiuis, uel lubricis, uel DEFINI-  
ab ambiente aere, uel à prædominio ipsius temperamenti, lac TIO MOR-  
ipsum fieri nimis aquosum, ægritudo ipsa, uocatur, lactis BI.  
fusio biliosa, à qua sumitur indicatio, prò ut signa indicabunt SIGNA.  
ex macie infantis, ex pluribus excretionibus biliosis cum mor-  
dacitate per uentrem, & per urinam citrinam, & ex fluxione  
lactis guttæ, super unguem posita, tunc quoniam periculum  
est, nè infans ex ipso lacte ducatur, uel ad febrem biliosam, uel  
ad dysenteriam, uel lienteriam, uel si acrius fiat lac, appetitus PROGNO-  
deficiat, & pustulæ acerrimæ in corpore fiant alterius nutricis STICA.  
lac exhibeatur infanti. Quoniam autem Galenus ait, ipsum Actius lib. 4.  
sanguinem in uitioso lacte contemplari oportere, & si est bilio- 66  
sus primam purgationem desiderat mox uictum: propterea Gal. 5. de  
in primis capiat hunc bolum, manè per horam unam ante cibum simpl. med.  
MED. RA- fac. cap. 21.  
TIO.  
Relectuarij lenitiui drag. 9. diacatholicon drag. 3. misce, &  
cum saccharo f. b. uel alio modo in forma potabili, R. Syrupi  
de pluribus infusionibus rosarum ꝛnc. 3. diacatholicon drag.  
4. aquæ endiuia q. s. ad dissoluendum misce, & f. p. Postea  
per dies septem continuos quotidie in diluculo capiat loco syru-  
pi cremoris ptisanae cyathum unum, cum iure carniū disso-  
luti; Et si opus fuerit, etiam post assumptionem ipsius ptisanae,  
exhibeatur bolus iste R. reubarbari electi, & mundi contriti  
drag. 1. sacchari rossati ꝛnc. 5. misce, & cum saccharo q. s.



VICTVS  
RATIO.

q. s. fiat bolus, & ipsum sumat per horas quinque ante cibum. Quam  
tum attinet ad victus rationem, pro ut nobis affectio indi-  
dicat, degat in aere potius declinante ad frigiditatem, quam  
ad caliditatem ipsa nutrix, et ab exercitio remoueat, et quie-  
scat, & dormiat somnū longiorē solito; pro cibo panē comedat,  
sive sale elaboratū, & temperatē coctum, sed satis fermentatū,  
et carnes hœdinas, vitulinas, ueruecinas, et bubulas etiā, et oua  
elixa; Bibat uinū dulce, mustū coctū, caueat postea ab aromati-  
bus, à salsamentis à fructibus fugacibus ab oleribus omnibus,  
ræter lactucam, spinachiam, atriplicem, boraginem, mal-  
uam, petroselinum, & mentam, & ab his, quæ facile con-  
uertuntur in bilem, & sunt difficilis concoctionis, & mali  
succī. Ultimo loco, si erit necesse, inungantur mammil-  
lae oleo lumbricorum terrestrium, & ab adultis, non au-  
tem ab infante exugendum est lac, nè in casei substan-  
tiam coalescat, una uice tantumquāq; die, donec ad aliquam  
crassitiem, seu æqualitatem substantia ipsius lactis deueniat.

DE PAUCO, VEL DIMINUTO  
LACTE NUTRICIS.

CAP. XIII.

DEFINI-  
TIO MOR-  
BI.

PROGNO-  
STICA.

Auic. 3. f. 12.  
cap. 2.

CAUSAE.

SI verò contigerit lac paucum, vel diminutum esse, affe-  
ctio hæc, dicitur lactis defectus, expedit, quoniam hic mor-  
bus magis infanti nocet, quam nutrici, alterius lac exhibere,  
donec denuò abundet; postea considerandum est, si causa est  
in toto corpore nutricis; Lac. n. multiplicatur, multiplica-  
tione boni sanguinis. Igitur hæc affectio erit necessario a di-  
minuta boni sanguinis generatione, veluti ob qualitatem ca-  
lidam,



lidam, vel frigidam, tum à cibo, tum ab aere, tum à ratio-  
ne temperamenti diminuentem, vel ob aliquam, immodi-  
cam, sanguinis, & aliorum humorum euacuationem praece-  
dentem, uel à fluxu corporis, impediēte boni sanguinis genera-  
tionem, vel ob penuriam alimentorum, uel ob aliquam ex-  
perfectionem. Prætereà illud attendendum est, si dimi-  
nutionis causa ipsa est tantummodò in mammillis ipsius nutri-  
cis, vel si adest in una tantum, vel in ambabus; Quippe si  
erit in una tantum, alterius mammillæ lac exhiberi poterit,  
donec altera curetur; si verò erit in ambabus, tunc remedijs  
localibus erit utendum, secundum rationem morbi, loci, &  
temporis, prout signa ex visu, & tactu indicabunt, & ut  
docetur in arte chirurgica. Nam ut plurimum morbi mam-  
mas infestantes ad ipsam chirurgiam pertinent, de quibus  
nunc mihi non est scribendum.

SIGNA.

DE LACTE IMMINUTO  
QUALITATE CALIDA.

CAP. XIII.

**I**MMINUTIO Lactis a mala intemperie totius corporis  
calida, à qua sumitur indicatio istius affectionis, & quæ  
percipitur a macie, & à colore, vel citrino, vel pallido nu-  
triciis, & ab excrementis biliosis, & amaritudine ipsius la-  
ctis, tunc ipsa natrix degat in aere temperatæ frigiditatis, si  
tamen hoc toleret anni tempus, & quiescat, & exercita-  
tione vacet, caueat ab aromatibus, a salitis cibis, ab  
acribus, ab allio, à porris, à cæpis, à fructibus horarijs,  
siue fugacibus, quia facile putrescunt, & conuertuntur in  
bilem.

SIGNA.

VICTVS  
RATIO.



bilem, & ab omnibus calefacientibus, & crudis, & difficilis  
 concoctionis; Et cibum consuetudine leuiorem capiat ex car-  
 nibus boni succi, & facili concoctionis, & in iure carniū co-  
 ctam comedat lactucam, spinachiam, cucurbitam, atriplicem,  
 portulacam, & semina earum, panem comedat sine sale benè  
 fermentatum, & optime coctum; Bibat iura carniū, uel  
 aquam cum seminibus anisorum, uel coriandrorum coctam;  
 Aluus exoneretur quotidie, uel spontè, uel arte, alternis die-  
 bus, cum clystere communi descripto in capitulo 8. ad quem  
 habeatur relatio, & quotidie mane, loco syripi, sumat sequens  
 decoctum, per dies septem continuos, & etiam per quindecim  
 dies, si opus fuerit, donec abundet lac R. radicū petroselini,  
 foliorū lactucæ, scariolæ, spinachiæ, atriplicis, mētæ, endiuie,  
 ordeimundi an. M.s. seminum anisorum drag. 3. bulliant  
 omnia simul in s. q. aquæ usq. ad tertias, postea colentur, & in  
 uase uitreo cooperto seruetur ipsa decoctio, de qua, pro quaq. ui-  
 ce sumat uncias sex in diluculo, et statim per horam dormiat,  
 et si opus fuerit, fiat ipsa decoctio dulcis, ut stomachum ali-  
 quando delectet, uel modico saccharo, uel cum iulep uiolato q. s.  
 postea ut (si corpus plethoricum sit) aliquid materie detrahā-  
 tur, post assumptionem decoctorum præmissorum septem, su-  
 mat bolum cassiæ, uel potionem manne, uel syrupum ex pluri-  
 bus infusionibus rosarum hoc modo paratum. R. cassiæ recen-  
 ter extractæ drag. 10. electuarij de sebesten drag. 2 pulueris  
 anisorum drag. 2. misce, & cum saccharo f. b. & exhibeatur  
 matutino tempore per horam unam antè cibum, uel R. man-  
 næ electæ masticinæ unc. 3. & cum decoctione superscripta  
 q. s. misce, & f. p. uel alio modo R. syripi ex pluribus infusio-  
 bus

MEDIC.  
 RATIO.



bus rosarum, ꝑnc. 3. diacatholicon drag. 4. decoctionis præ  
ordinatæ q. s. ad dissoluendum misce, & f. p. & exhibeatur  
per horas tres, antè cibum, Et à proprietate in omni extermi-  
natione, aut diminutione lactis, laudo ut nutrix ubera ouiu,  
uel caprarum, cum ipso lacte comedat. Et Aetius dicit bi-  
bat zytum, & eadem die mamillæ lacte replebuntur. &  
zytum ipsum nihil aliud est, quàm potus ex ordeo aqua re-  
soluto.

Auic. 1. f. 3.  
doc. 1. cap. 2.

Aetius 4. ca.  
6.

## DE DIMINVTIONE LACTIS A QUALITATE

FRIGIDA. CAP. XV.

**S**igna prout crassities, & albedo totius corporis, & ex-  
crementa decolorata, & pituitosa indicabunt causam de-  
fectus lactis esse à materia frigida, à qua sumitur istius af-  
fectionis indicatio, tunc alienum lac præbere infanti necesse  
est, & ab adultis exugendæ sæpè sunt mamillæ, ut lac facile  
redeat, & abundet, deinde eligatur aer ad caliditatem uer-  
gens, & nutrix exerceat se in aliquo opere faciundo, & præ-  
sertim cum partibus supernis, ut lac digestum facilius exeat,  
Bibat uinum album, satis maturum, sed paucarum uirium,  
& cibis utatur boni succi, & facilis concoctionis, cum oleri-  
bus aperitiuis, ueluti semina, radices, & summitates fœniculi,  
anethi, nigellæ, & petroselini. Alius lubrica sit, & quotidie  
euacuetur à fœcibus, uel spontè, uel arte, alternis diebus, cly-  
stere communi, in capitulo octauo huiusce libri, descripto, ad  
quem se conferre poterit; Et in diluculo sumat quotidie per  
dies septem, inferius scriptum decoctum, loco syrupi. R. semi-

SIGNA.

VICTVS  
RATIO.

Auic. 1. f. 3.  
doc. 1. cap. 2.

MEDIC.  
RATIO.

D num



num anethi, anisforum, fœnugræci, porri an. ꝯnc. I. summi-  
 tatum fœniculi, anethi, mentæ, radicum petroselini, melan-  
 thij, seu nigellæ an. M. I. bulliant omnia, prius incisa parum  
 per, & semina parum contusa, in s. q. aquæ usq. ad tertias po-  
 stea coletur, & fiat expressio; deinde cum saccharo q. s. iterum  
 bulliat unica leui ebullitione & s. a. fiat decoctio, & in uase  
 uitreo cooperto seruetur; cuius decoctionis sumat singulis die-  
 bus, mane ꝯnc. 6. postea si lac non abundauerit, applicentur  
 uentosa, sine scarificatione, sub mammillis, absq. multa com-  
 pressionem, deinde si opus fuerit, expedit bis in die per horam unam,  
 ante cibum facere fomentationes ad mammillas cum spungia  
 infusa in decoctione ista R. florum chamæmeli, rosarum, men-  
 tæ, meliloti, pulegij, thymi, anethi, an. M. I. seminum lini ani-  
 sorum, fœnugræci an. drag. 2. bulliant simul in s. q. uini albi,  
 postea s. a. fiant fomentationes ad ipsas mammas, & statim  
 post ipsas fomentationes inungatur mammae oleis istis calidis,  
 R. olei nardini, chamæmelini, lumbricorum terrestrium an.  
 ꝯnc. I. misce, & moderatè calidis inunge; ultimo loco, si opus  
 fuerit, fiant etiam ad ipsas mammillas fricationes leniter. A  
 proprietate uerò quidam experti sunt puluerem uermium ter-  
 restrium, in uino albo per nonnullos dies continuos sumptum.  
 & repperunt remedium optimum. Laudatur etiam à pro-  
 prietate sisamum tritum, uel raphanum cum uino sumptum.  
 Præterea commendat Aetius à proprietate lapidem gala-  
 ctitem prò amuleto ad alligatum, uel in iure pulli, uel in uino  
 dissolutum, & potatum. Existente uerò corpore plethorico,  
 uel cachochymo, laudo, ut mediocriter expurgetur medicina  
 benedicta, ut natura à plenitudine, & multitudine humorum  
 suble

Auic. 1. f. 3.  
 doc. 1. cap. 2.

Auic. 1. f. 3.  
 doc. 1. cap. 2.

Aetius lib.  
 16 cap. 33.



subleuata, posui facilius abundare lacte. Propter à post assumptionem decoctorum præmissorum septē, sumat hunc bolum R. electuarij lenitiui drag. 10. agarici præparati drag. 2. misce, & cum saccharo f. b. uel alio modo in forma potabili; Decoctionis florum, & fructuum cordialium q. s. misce et f. p. uel R. reubarbari electi, et mundi, in puluerem resoluti, drag. 1. spicæ grana 3. contrita subtiliter, agarici præparati drag. 1. sacchari rosati ꝑ. unc. 1. misce, & cum saccharo q. s. f. b. & exhibeatur per horas quinque antè cibum, manè; Vbi uerò ob aliquam sanguinis immodicam euacuationem lactis immutatio prouenerit, indiget sola uictus ratione boni succi hume- Et ante, & ex calfaciente.

## DE LACTE IMMINUTO PROPTER NIMIAM

## LUBRICITATEM ALVI

## CAP. XVI.

**V**BI Defectus lactis euenerit propter nimiam lubricitatem alui, citrà cruentas deiectiones, & citrà febrem, cerebri, uentriculi, iecinoris, & intestinorum imbecillitatem, & breuiter citrà symptomaticam excretionem. Etenim de his morbis, cum ipsis symptomatibus coniunctis, in quibus nutrix infanti præbere lac non potest, nec debet, nec breui tempore præbitura est; non sum scripturus; sed tantummodò de alui profluuiò à multitudine malorum humorum in corpore nutricis contentorum pertractabo. Id autem græcè dicitur *Διαγοία*, & originem trahit, uel ab otio, uel à prætermissa exercitatione, uel etiam à copia ciborum,

Gal. 5. de  
simpl. med.  
fac. cap. 2.

DEFINITIONE.

CAUSAE.

D 2



SIGNA.

Hip. 1. apho  
rum 20.Gal. 1. ad  
glauco. 14.PROGNO  
STICA.VICTVS  
RATIO.Aetius lib. 9  
cap. 51.

borum, & potuum ingestorum à bile, uel à pituita excitato-  
rum, ut signa in excrementis indicabunt; si à bile crocea, &  
biliosa sine mora exhibunt, si à pituita alba, & pituitosa. Pro-  
pterea dicente Hippocrate, quæ iudicantur, & iudicata sunt,  
integrè; neq; mouere, neq; nouare aliquid oportet, siue medica-  
mentis, siue aliter irritando, sed sinere oportet. Tota igitur  
curatio naturæ permittenda est; Et tantummodo uictus ra-  
tionem s. a. instituere; sic enim purgatur corpus. Verùm si  
profluium ipsum in termino dierum septem integrè nec iudi-  
catur, nec iudicatum est; ad id, quod deficit, supplere conue-  
nit, quia spatium, & perseverantia ipsius periculosa est. Ete-  
nim aliquando tormina, & febres excitat, & uires absomit;  
transactis igitur diebus sex, uel septem, si adhuc perseveret  
profluium cum signis biliosis a quibus sumitur indicatio istius  
morbi, uictus ratio instituenda erit, hoc pacto. In primis eli-  
gatur aer potius ad frigidum, & siccum, quàm ad calidum,  
& humidum uergens, somni sint longiores solito in nocte, &  
caueat a diurnis, simplices fricationes conueniunt in hoc gene-  
re morbi, propterea suppleant loco exercitationis, comedat pa-  
nem bene fermentatum, & optimè elaboratum, & coctum,  
& fercula in iure pedum uitulorum, et capitem castratorum  
ex chondro, oryza, & halica cum malocidonio, uel mespilo, uel  
tragacantha in panniculo inuoluta, decocta, & citrà carnes  
predictas comedere etiam poterit, carnes capreolorum, leporum,  
& pullorum gallinaceorum, & uitellos ouorum assos, & ace-  
to intinctos, & in primo cibo confectiones ex cornis, sorbis,  
mispilis, & diacydonitem, sine speciebus conueniunt; Bibat  
unum tenue, aquosum, nigrum, & astringens, sed bibat pau-



cum, multus enim potus facit supernatare cibum in stomacho, & alui profluuijs infestissimus existit, conuenit etiam lac ouillum, & caprinum in quo lapides igniti extincti sint, parū per calefactum, tūm in potione sumptum, tūm in clysterijs. At ijs non obstantibus, perseverante profluvio sumat per septem dies continuos, si opus fuerit, syrupum hunc in diluculo  
*R. syrupi de myrto, de endiuia, miuæ cydoneorum an. ꝯnc. s. aquarum plātaginis, endiuie, an. ꝯnc. I. s. misce pro uno syrupo, & sic pro alijs. Nec non quotidie inungatur uenter totus oleis istis, R. olei de cydonijs, de myrto an. ꝯnc. I. misce, & calidis inunge bis in die, per horam unam ante cibum, ueluti dictum est; Et emplastrum de diaphenicon moderate calidum q. s. stomacho applicetur. Prætereà, si opus fuerit, etiam post assumptionem ipsorum syruporum, laudo ut capiat per duos, aut tres dies continuos, uel alternis diebus, si uires sunt imbecillæ, holum hunc R. reubarbari electi, et mundi, contriti drag. s. sacchari rosati ꝯnc. s. misce, & f. b. & hoc, manè, horis quinq, ante cibum. Porro si à pituitosa materia proueniet alui fluor. tūc uictus ratio uergat ad calidum, & siccum, & inunctio uentris fiat hoc pacto R. olei de mēta, de absinthio, de cydonijs, an. ꝯnc. I. misce, & calidis inunge; Et syrupus sic instituatur. R. syrupi de rosis siccis, de menta miuæ cydoneorum an. ꝯnc. s. pulueris spodij drag. I. aquarum mentæ, absyntij an. ꝯnc. I. s. misce pro syrupo, & post assumptionem syruporum quinq, euacuetur humor, peccans modo præscripto, postea manè, & uespere ante cibum, sicut ego sæpissime expertus sum, ad constringendum tantū, quotidie sumat per tres, uel quatuor dies unam ex istis pilulis R.*

Aecius lib. 9  
cap. 49.

M E D I C.  
R A T I O.

tro



trochiscorum de carabe, trochiscorum de spodio, cum semini-  
bus acetosæ, suffus de granis myrti, descript. Mesue an. scrup.  
I. s. conterantur omnia subtiliter, postea cum miua cydoneo-  
rum, reformatur pillule quinq, & inaurantur, uel unam  
ex istis alijs quotidie sumat; R. pulueris reubarbari, agarici,  
an. drag. s. misce, & cum miua cydoniorum reformatur p.  
3. & inaurantur.

## DE IMMINUTIONE LACTIS OB

## PENURIAM. CAP. XVII.


SIGNA.

PROGNO-  
STICA.Hip. 1. apho.  
51.VICTVS  
RATIO.

**Q**UANDO ob penuriam alimentorum fit imminutio  
lactis, indicatio manifesta est, ex macie ipsius nutritis;  
propterea tunc infanti (Etenim, ex emulsione frequenti mā-  
marum magis lac exsiccatur, & uires nutritis magis debili-  
tantur) lac alienum exhibeatur, & nutriti alimentum boni  
succi, & facilis concoctionis præbere debemus, id uero paula-  
tim facere oportet. Nam plurimum, atq; repente replere pe-  
riculosum; quoniam omne nimium est naturæ inimicum, &  
præcipue cum uires sunt imbecilles, sed quod paulatim fit, tu-  
tum est. Et laudo ut quotidie in mane sumat cremorem pti-  
sanæ, in iure carniū decoctum, loco syrupi per quatuordecim  
dies continuos, & post eius assumptionem per horam dor-  
miam, & fiant fricationes lento modo, quotidie per totum cor-  
pus stomacho ieiuno: Et alius, uel sponte, uel arte clystere  
communi exoneretur, & mundetur à fecibus, & in aere mo-  
deratæ caliditatis degat, uitans ambientis frigiditatem, & à  
caloribus, & exercitatione uacet, & dormiat longiorem con-  
suetu



suetudine somnum, uitans diurnum; Et ne lac in totum nutritrix deperdat ab alijs, uel a semetipsa, cum quodam uitreo, & paruo instrumento, gratia huiusce emulsionis facto ut in Italia fit, in eius osculo prius papilla mamillae immissa, & eius fistula ore proprio suscepta poterit bis quotidie emulgere mammas, donec lac facilius abundet: cuius forma ad claram omnium intelligentiam hic delineata apparet.



DE LACTE OB ALIQUEM TERROREM

DEPERDITO VEL IMMINUTO.

CAP. XVIII.

Si per somnum, uel per tonitruum, uel per terræmotum, uel per casum, uel per armorum strepitus aliquo modo expergesfacta, uel ut dicitur græcè *ἐκστασις*, nutritrix lac deperdat, uel imminutum habeat, statim exerceat se  
bra

CAUSAL.

MEDIC.  
RATIO.



brachijs, & manibus ualide; Postea mammillæ fricentur, & sub ipsis uentose applicentur, sine scarificatione, & fomententur fomentationibus, & inunctionibus, assignatis in capitulo, de diminutione lactis à qualitate frigida, ad quod reuertatur; & exhibeatur ei cyathus unus uini maluatici, cum modico pane, in ipso madefacto, & prius ingesto, quia uinum optimum, generosumq; lætificat cor nostrum. Deinde si fieri poterit, urgente necessitate, nutrix omni ingenio à mœrore subleuetur, uel musico concentu, & harmonia, uel colloquijs, uel iucundis spectris, uel spe aliqua. Nàm Galenus ait, multos sola lætitia morbos euasisse; postea uero infans ad lactandum applicetur ad mammæ: lac enim per terrorem ipsum costrictum reddetur. Nec non exhibere etiam potest electuarij lætitie Galeni drag. I. cum uino maluatico, uel iure pulli sumptam, pro una uice tantum.

Gal. de par.  
pil. exerc. c. 1

DE COAGULATIONE LACTIS IN  
CASEI SUBSTANTIAM..  
CAP. XIX.

DEFINITIONE MORBI.  
BI.  
Auc. 3. f. 12.  
cap. 4.

COAGULATIO Lactis in substantiam casei, cum nil aliud sit, quàm seiunctio crassæ substantiæ à seræ lactis; Et si dicat Auicenna, quandoq; lac coagulatur in casei naturam, in mammilla propter caliditatem exsiccatiuam, & quādoq; etiam propter frigiditatem congelatiuam: nihilominus in ea quidem sententia, coagulatio ipsa, tantummodò fit à caliditate; Etenim ut ipsum lac coaguletur, opus est, ut pars serosa segregetur, & separatio ipsa necesse est, ut fiat à caliditate, ut testatur Galenus; Propterea sequitur non à frigi-

Gal. de an.  
lim. fac. cap.  
162



ditate fieri coagulationem, lac uero in grumos congelatum, uel concretum benè fieri potest ab intemperie frigida; At non coagulatio ipsa in casei substantiam. Cause igitur tantummodò erunt a caliditate, a qua sumitur indicatio, prout ab aere ambiente, uel a corporis temperamento, uel a ratione uictus præterita, ueluti ex cibis calidis, cum aromatibus copiosis, & ex salsamentis, & similibus. Signum erit, si emulseris mammæ, & lac concretum sit, & difficulter exeat, & ex difficultate digestionis in infante, & excretionis per uentrem. Tunc, quia, si statim caseatum lac non curatur, generat apostema in ipsis mammis, & exulcerationes. Et quoniam lac uitiatum est, alia nutrix lactet infantem, & interea ab aliqua muliere adulta, quotidie emulgeantur mammæ nutricis bis, uel ter in die, ut lac exeat, & sic facilius fiat resolutio coagulationis. Deinde electo aere, magis ad frigidum, quàm ad calidum declinante, parùm exerceat se nutrix, tam cum inferioribus, quàm cum superioribus partibus ad adiuuandum concoctionem, & nutrimenti distributionem per totum corpus. caueat a somno diurno, dormiat in nocte breuiorem somnum solito, Bibat aquam, uel cum seminibus coriandrorum, uel anisorum coctam, uel cum pauco cinnamomo, comedat cibos boni succi, & facili concoctionis, cuiusmodi sunt carnes uituli, ueruecis, pulli parui gallinacei, & auium terrestrium; caueat ab acribus, ab aromatibus, a caseosis, a salsamentis, ab acetosis, a fructibus fugacibus, & ab omnibus oleribus, & præcipue calefacientibus, & a leguminibus. Verùm enim uerò quia in quocunq; morbo semper adest, quod fit, & quod factum est; propterea ad prohibendam coagulationem, quæ fit R.

CAVSÆ.

SIGNVM.

Gal 3<sup>o</sup> alim.  
fac. cap. 16.PROGNO  
STICA.VICTVS  
RATIO.MEDIC-  
RATIO.

E olei



est; propterea ad prohibendam coagulationem, quæ fit. R. olei de menta, de chamæmelo, rosati an. ꝑ. i. misce. & ex ipsis oleis tepidis mamma inungantur bis in die, antè cibum, per horas duas; vel R. olei anethini, rutæ, cyprini, an. ꝑ. i. misce, & in mortario plumbeo ducantur, donec. s. a. fiat linimentum, & inunge, uel alio modo, R. foliorum mentæ, subtiliter in puluerem resolutorum, seminum coriandrorum contritorum, an. 3. 2. olei rosati ꝑ. i. ceræ liquefactæ q. s. misce, & s. a. fiat linimentum. Ad resoluedam uerò ipsam casei substantiam, quæ facta est. R. aceti fortissimi, olei rosati, succi apij, succi foenugræci, coaguli leporini an. ꝑ. i. croci 3. i. misce, & omnia simul benè conquassentur; postea inunge. Et si ijs peractis, ipsius casei coagulatio nō resoluetur, applicetur cataplasma hoc propè scriptum, R. foliorum solatri, apij, caulium, an. M. s. omnia parum admodum incidantur, postea in mortario optime contundantur; & adde pulueris myrrhæ, pulueris rosarum, pulueris ireos an. 3. 2. croci. 3. i. olei de ruta ꝑ. i. aceti fortissimi q. s. ad incorporandum misce, & s. a. fiat emplastrum & applicetur bis, uel ter in die, si opus fuerit.

## DE CONGELATIONE LACTIS IN GRUMOS

## CAP. XX.

DEFINITIO MOR-  
BILIS  
CAUSAE.

**I**N Grumos congelatio lactis est illa affectio, quæ uocatur astrictio uniuersæ lactis substantiæ simul in grumos coactæ. Cause uerò proueniunt a mala uictus ratione frigida, a qua sumitur indicatio, ut in precedenti capitulo dictum



Etum est; ueluti ex potionibus, & cibis crassis, & infrigidantibus, uel acetosis, acribusq; uel ex dormitione in locis frigidis, uel a corporis temperamento, uel ab aere ambiente, & cum lac vitiatum sit, alia nutrix lactet infantem, et enim lac ipsum facit obstructionem, & aquam inter cutem, & febrem. Apparebunt signa, tum ex difficultate egressio-  
 nis ipsius lactis congelati, tum etiam ex difficultate digestio-  
 nis, & alui excretionis in infante. Igitur in primis aer tem-  
 perate calidus eligatur, & nutrix utatur exercitatione ma-  
 ne, & uespere, ante cibum deambulando, uel manibus  
 se exercendo in aliquo opere, prout dictum est in capitulo  
 proprio huiusce libri. Aluus mundetur quotidie ab excre-  
 mentis, uel sponte, uel arte, dormiat longiorem somnum  
 consuetudine, & caueat a diurno; caueat etiam a cibis, uel  
 potionibus frigidis, crassis, crudis, acribus, acetosis, & præ-  
 cipue ab ijs, qui sunt difficilis concoctionis, & mali suc-  
 ci; Bibat uinum album, tenue, & satis maturum;  
 comedat panem bene elaboratum cum seminibus aniso-  
 rum, uel foeniculi coctum, & carnes, quæ sunt facilis conco-  
 ctionis, & boni succi, coctas cum radicibus hyeme, &  
 cum summitatibus æstate fœniculi, petroselini, &  
 mentæ. Postea ad resoluendam grumofam ipsam con-  
 gelationem superfusio mammillarum, cum aqua calida,  
 uel oleo dulci calido mirum in modum confert. Dein-  
 de fiant fomentationes cum spongia ad ipsas mammas,  
 bis in die, per horam unam ante cibum, ea ratio-  
 ne qua descripta est in capitulo decimo quarto huius-  
 ce libri, & statim fiant inunctiones oleis istis calidis. R.

PROGNO-  
STICA.

SIGNA.

Gal3 & alim.  
fac. cap. 15.

VICTVS  
RATIO.

MEDIC-  
RATIO.

E 2 olei



Aetius lib.  
16. cap. 35.

Gal. 10. de  
simpl. med.  
fac. cap. de  
coagulo.

olei de lilio, de costo, anethino an. ꝑ. unc. I. misce, & calidis inun-  
gantur mammae post fomentationes, & applicetur emplastrū  
hoc; R. lentium decoctarum, muria, aut aqua marina, & in  
mortario benè contusarum, lib. I. croci drag. 2. cumini deco-  
cti q. s. misce, & fiat emplastrum, & calidum applicetur, uel  
R. furfurum, farinae ordei, erucæ sicca, & puluerizata, fœnu-  
græci farinae, farinae seminum lini, anisorum, pulueris ruta  
sicca, misce, & omnia simul bulliant, in aceto acutissimo, uni-  
ca leui ebullitione; postea cum melle q. s. misce, & s. a. fiat em-  
plastrum, & reiteretur ad mammæ applicatio ipsius em-  
plastri bis, aut ter in die, si opus fuerit. Ultimo loco exhi-  
beatur leporini coaguli contriti, ad pondus unius drachmæ  
pro quaq; uice in uino optimo maluatico ipsi nutrici stoma-  
cho ieiuno, quoniam non solum lac, sed etiam concretum  
sanguinem in uentrem dissoluit. Nec non ore proprio,  
uel ab adultis bis in die emulgeantur mammae, donec  
lac ad suam naturalem qualitatem redeat, postea lactet  
infantem.

#### DE SUPPURATIONE MAMMARVM.

##### CAP. XXI.

**S**I uerò mammae ipsius nutricis, uel ad suppurationem, uel  
ad aliquam inflammationem deuenerint, tunc curandæ  
sunt manu chirurgica, & quoniam aliquādo inflammatio-  
nes ipsæ sunt morbi diuturni, & difficilium curationum, pro-  
pter humiditatem copiosam fluentem ad ipsas mammæ, &  
etiam propter conuersionem earum in peiores morbos, propte-  
reā



reà alia nutrix inuenienda est. Quamobrem de ipsis morbis hic non est scribendum, cum intentio mea sit tantummodò (ueluti dictum est cap. 7.) scribere de morbis, qui curari possint, lactante nutrice, uel lactatura infrà paucos dies, pro tuenda sanitate infantis. Etenim cum lac per multos dies, transit in cibum assuetum, infantis mutatio periculosa, & permolesta est. Præclare. n. inquit Hippocrates, cibos uerò, quibus uti non consueuerunt, etiam si mali non fuerint, molestè ferunt, consimili modo, & potus. Propterea à infantes primo lacte assueti, difficile ab altera nutrice lac emulgent, adeò ut interdum aliqui ab hac necessitate coacti fame pereunt.

Hip. 2. de  
uict. 1. rat.  
acut.

# DE RATIONE SICCA NDI LAC POST

## ABLACTATIONEM INFANTIS.

### CAP. XXII.

POST QUAM Ablactatus fuerit infans, cum in mam-  
mis nutricum congregetur, & continuè multiplicetur lac,  
quod nisi statim emulgeatur, aut siccetur, dolores in ipsis mam-  
mis excitat, & aliquandò apostemata, & diffunditur per  
uniuersum corpus, & febres succendit. Propterea ipsius  
lactis siccandi rationem, quanquam ad infantis tuendam  
sanitatem non pertinet; nihilominus publicæ utilitatis gra-  
tia, hic docere non erit absurdum. In uictus igitur ratione  
conueniunt, quæ habent facultatem siccandi. Vnde aer fri-  
gidus eligatur, laboriosa exercitatione utatur, & præcipue  
cum partibus infernis, deambulando, aluum deiciat. Som-  
nus

CAUSA.

PROGNO-  
STICA.

VICTVS  
RATIO.



RATIO.  
MEDIC.

mus sit breuior solito. Vinum moderate bibat subnigrum, & astringens; panem satis coctum, & carnes assas comedat. Vitet in cibo ea, quæ lactis generandi, & augendi uim habent, prout a nobis in libro hoc, capite. 3. antè ostensum est. Et si ut plurimum duobus, vel tribus diebus, sola victus ratio ad ipsius sufficiat exiccationem, nihilominus quia non semper sufficit, aliquid de ratione medicamentorum in medium afferre conueniens esse videtur; Quapropter in primis ter, aut quater, si mammae non doleant, (quoniam si dolent abstinere oportet) prima die manibus proprijs lac è mammis emulgeat; Secunda uerò die ab ipsa emulsione; Deindè oleo omphacino ipsa prima die mammas inungat; secunda autem oleo myrtino, & masticino admisto inungere prestat. Verum si hæc non sufficiant cataplasma hoc apponito. R. farine fabarum ꝑunc. 2. pulueris foliorum myrti, mirrhæ, thuris, masticis an. drag. 2. albuminis ouorum duorum misce, & fiat cataplasma. Præterea si opus fuerit, ut tato, & citius exsiccetur ipsum lac, in tempore veris, & æstatis hunc bolum nutritici exhibere poterit. R. cassiæ recentèr extractæ. drag. 10. diacatholicon. drag. 2. misce, & cum saccharo fiat b. vel fiat ex electuario lenitiuo, vel cum manna electa fiat potio, aut cum syrupo ex pluribus infusionibus rosarum, & similibus. In autumnii uerò, uel hyemis tempestate exhibere poterit, horis quatuor antè cibum, pilulas istas, R. pilularum ex reubarbaro, & agarico Mesue an. scrup. 2. s. misce, & cum melle rosato reformatur pilule









OMNIBONI FERRARII  
MEDICI AC PHILOSOPHI  
DE ARTE MEDICA  
INFANTIVM.

LIBER SECVNDVS.

DE ELECTIONE AERIS.

CAP. I.



**I**N Primis, quia aer est causa, sine qua uiuere non possumus, & ipsum optimum in pulmones attrahere, omnibus salubre est. Propterea eius nunc parua non habenda est ratio, & diligentia adhibenda, pro sanitate tuenda infantis. Iccirco optimum aerem

Gal. 1. de fa-  
nit. tu. c. 11.

(inquit Galenus) cenſeo, qui prorsus ſit purus. Aer purus eſt, qui nec ſtagni, nec paludis halitu ſit perturbatus, nec ex profundo ſpecu peſtilentem auram ſpirante infectus, nec qui ex cloacis, quae magnam aliquam urbem, aut numeroſum exercitum purgent, uitium contraxerit; nec qui ex animantium, & olerum, aut leguminum putredine, aut ſimo coinquinatur, nec qui ob ſtagnum, uel flumen uicinum nebuſoſus eſt, nec qui editis undiq; montibus in cauo loco clauſus nullum recipit



recipit flatum. Si igitur infans natus sit, vel in ciuitate, vel in eius aliquo uico, vel ruri, vel in aliqua istis qualitatibus mali aeris infecta domo; tunc in alium salubriorem aerem reduendus, & ibi educandus est, & semper in partibus superioribus domus a terra, & humiditate eleuatis collocandus, nisi aliud indicetur; Et cubiculum ipsius a parte septentrionis debet fenestras habere clausas, nam aer septentrionis condensat corpus, & prohibet resolutionem, & exprimere cerebrum, & uentrem; & propter illud sequitur ophthalmia, & tuſſis; Rectè enim Hippocrates inquit. At si aquilonia fuerint, tuſſes, fauces, alui duræ, difficultates urinæ, horrores, costarum dolores, & pectoris. Et a parte meridiei debent fenestras, hyberno, autumnali, & diurno tempore reſeratæ esse; tempore autem ueris, & aliquando in æstate, (uenti enim austrini eo in tempore ut plurimum flant) debent esse clausæ, quia proprietas uenti australis facit dissolui humores, & ipsos facit ad profundum corporis fluere, & replere cerebrum vaporibus, unde sequuntur scotomia, & vertigo, & scabies, & furunculi. Et Hippocrates dicit, austri auditum hebetantes, caliginosi, caput grauantes, pigri, dissoluentes. A parte uerò orientis, & occidentis quotidie hyme aperiantur fenestras, manè orientales, & post meridiem occidentales, ut sol manè, & serò, tam in ascendendo, quam in descendendo loci partes illuminare, calefacere, & exsiccare humiditates valeat. Quippe uenti orientales, & occidentales comparatione meridionalium, & septentrionalium temperati sunt. Verum si orientales uenti in fine diei, & occidentales in principio flauerint, quoniam orientales

F      manè,

oder. 1. q. 11.  
Auic. trac. 2.  
de rem. noc.  
acci. ex aere  
cap. pprio.

Hip. 3. apho.  
r um. 1.

Auic. ibidè.

Hip. 3. apho.  
3.

Auic. 1. f.  
doc. 2. cap. 8.



Hip. 3. apho.  
rile. 1. 1. 1.  
1. 1. 1. 1. 1.  
1. 1. 1. 1. 1.

1. 1. 1. 1. 1.  
1. 1. 1. 1. 1.

Gal. 5. de sa-  
nit. tuen. ca.  
11.

mané, & occidentales serò flare solent, cum hoc sit contrà eorum naturam, tunc fenestras claudendæ sunt. Et cum dico, tempore hyemali fenestras reſeratas eſſe debere, intelligendum eſt, ut tantum lux & caliditas penetrare poſſit, non autem aeris frigiditas, & humiditas. Propterea tempore, quo imbres abundauerint, & præcipue hyeme, ſiccitates. n. imbribus ſalubriores ſunt; Ignis in cubiculo accendatur quotidie, et æſtate ad euitandam intèſiſſimam ſolis caliditatem, præter orientales fenestras, quæ quotidie debent ſummo mane aperiri, ſaltem per horas tres, & omnes aliæ claudi, poſt ſolis occaſum; denuò aperiãtur ſaltè occidentales, & oriẽtales.

DE INFANTIVM AERE, QVI NON HABENT  
OPTIMVM TEMPERAMENTVM.

CAP. II.

CVM Verò corpora infantium non habent optimum temperamentum, & quibus præcipue ab aliqua ex quatuor qualitatibus humorum, vel ſimplici, vel compoſita prædominantur, tunc ſecundum earum qualitatem (ſi contraria contrarijs curantur) in aere cõtrario modo aduerſari oportet. In quibus. n. infantibus aliqua exuperans qualitas dominatur, ijs utiliſſimus aer eſt, qui ei qualitati maxime eſt aduerſus, frigidus calidæ, calidus frigidæ, humidiori ſiccus, ſicciori quã par eſt tantò humidior, quantò magis, ſiccitas ipſa modũ exceſſit. Et eodem modo etiam obſervare oportet in tempeſtibus anni, ueluti in tempore æſtatis, in quo aer, ut plurimum, calidiſſimus, & ſiccus eſt, in locis frigore opaco præditis, cubandus eſt infans, et in hyeme, & tempore frigidiſſimo in lo-

cis



cis calidis, & sic de singulis, eo modo semper conseruanda est ratio aeris, constitutionis corporis, & temporum tempestatū.

### DE INCISIONE VMBILICI.

#### CAP. III.

**S**TATIM Cum infans natus sanus est, quod percipies, tū si mater per totū gestationis in utero tēpus, sana uixerit, & si in terrā positus eiulatū edit, cum conueniente firmitate, tū si in omnibus partibus, ac sensibus integer est. In primis igitur umbilicus acuto scalpro quatuor a uentre digitis resecetur, & prohibeatur, ne resectio fiat cū arundinibus, aut uitris pro ut antiqui utebātur, ne quid atteratur, et cōtētus in ipso sanguis grumosus exprimatur, et spongia detergatur. Deinde cū lana ligari munda debet, quæ sit retorta parump̄, & subtiliter, ingeniose adeo ne doleat, uel taliter ne lædat, et pannus, seu petia infusa in oleo, est super ipsum ponenda, & propter ipsius umbilici incisionem, præceperunt sapientes, ut Venarum citrinarum, & sanguinis draconis, & sarcocollæ, & cymini, & vſneæ, & myrræ partes fumantur æquales, et tritæ umbilico superponantur cuminum inspergere super ipsius umbilici incisio ne reprobāt, propter eius acrimoniam. Vltimo loco duplicatus ipse umbilicus, & lanæ inuolutus, leniter in medio cōponatur.

Auic. lib. i. f.  
3. doc. i. ca.  
1.

Auic. ibidē.

Aetius. lib.  
4. cap. 3.

### DE NUTRICATIONE INFANTIS.

#### CAP. II II.

**N**UTRICATIO autē infātis, qui corporis habitu est optimo, in duas partes diuiditur. Vna est, quæ ab eius natali extēditur

F 2 usq̄



usq; quo priores dentes emiseric. Altera verò a dentium generatione ipsa usq; ad uiginti menses, vel ad biennium, quod spatium temporis communiter in usu est pro lactatione infantis; Qui enim lactent paulò plus ultra secundum sententiam Neotericorum tardiusculi sunt, disciplinæq; apprehendendæ parum idonei. Igitur de ipsa prima parte, quæ est usq; ad dentium productionem, nunc pertractare operæ prætium est. Et animaduertant studiosi, quòd intentio nostra, non est obstetrices omnia ad earum artem maximè necessaria docere; sed ea tantummodo, quæ potius pro tuenda sanitate infantis ad nutrices pertinet, & necessaria sunt pertractare. Quoniam statuo obstetrices ipsas instructas esse; prout ubiq; terrarum secundum consuetudinem regionum, prouinciarum uè, alijs atq; alijs modis instructæ inueniuntur; & hoc propter aeris, loci, et cibi rationem; Nihilominus docebimus ea, quæ erunt, prout dictum est, ad tuendam sanitatem infantis, & ad curationem morborum eius, tam ad nutrices, quam ad obstetrices, secundum ordinem in suis locis pertinentia.

## DE CIBO INFANTIS.

## CAP. V.

**C**UM Dentes ipsi primi, qui ob lactis qualitatem, quæ si calida est, citò, & si frigida, tardè suboriuntur. Propterea aliquando in quinto, aliquando in undecimo, & ut plurimum in septimo mense nascuntur, teste Paulo Aegineta, dicente, circa mensem ferè septimum in pueris dentes producuntur; Laudo ut infans eo tempore solo lacte nutriatur. Et

si ma-

Paul. 1. ca 9.

Gal. 1. de fa  
nit. tuen. ca.  
10.



si mater filium lactare uoluerit, uel nutrix, quæ de recenti peperit, in primis quatuor diebus, uel paulo post. Lac enim eo in tempore indigestibile, crassum, & uitiosum est, quod Latini uocant colostrum, Græci uero τροφιδος. Præstat igitur exhibere, pro lacte, infanti parum mellis optime despumati, sed hoc in Italia non est in usu. Mammæ enim matres, & puerperæ ab alijs mulieribus emulgendas tradunt, donec in ijs diebus lac uitiosum expurgetur, & interea salubrius lac, ab alia nutrice infanti præbeatur, & cum cæperit mater, uel puerpera, transactis quatuor primis diebus, præbere lac infanti, conuenit in ijs principijs, bis, aut ter mane, lac ipsum prius manibus, uel ore alieno emulgere, postea à papillam infanti tribuere, ut si aliquod uitiosum adhuc in mammillis permanet, per ipsam emulsionem exauriatur, & lacte in melius purgato nutriatur infans. Et sufficiat infanti in ijs primis diebus eius natalis, sugere mammillas bis, aut ter in die. Etenim ob imbecillitatem caloris innati, non est multum lactandus, ut possit optimas facere concoctiones, & præfocationem ob copiam lactis uitare. Verum probæ obstetrices ad confortandum cor, & resistendum malignitati sanguinis menstrui melancholici, qui in ipso infante ab utero matris originem trahit, & adhuc abundanter eo in tempore permanet, exhibere solent folium unum auri infanti cum lacte nutricis, pro primo cibo. Et quia sæpè contingere solet, (ne prætermittam secundum ordinem in suis proprijs locis ea, quæ necessaria sunt,) uel ob incuriam nutricis, uel ob imbecillitatem dextræ eius mammæ, aut malum usum, ut ex sola sinistra mamma lactet infantem, adeò, ut lactando, post-

Actius. 4. ca.

3.  
Auc. 1. f. 3.  
cap. 2.

quam



quam a fascijs soluta sunt brachia infantis, infans ipse dexteram manum necessario in brachijs nutricis semper oppressam tenens sequatur, ut ex ipsa consuetudine expedita, ut plurimum sinistra fiat sinister, scilicet, qui manum sinistram tantummodò administrat; Quamobrem ad utrasq; mamillas conuertere debet nutrix infantem, ut modò dextram, modò sinistram manum liberam habeat.

# DE FRICATIONE, INUNCTIONE INFANTIS.

## CAP. VI.

**C**UM Infans in utero matris nullam rem durā, aut asperā tangat, nec aeris frigiditas, aut caliditas extranea illi usquā noceat; Propterea corpus ipsum est molle, ac fluxibile, natus postea ubi in duriora, & aspera corpora, et frigiditatē, et caliditatē ambientis eius membra aliquandò incidere contingat, ut cutis ipsius, qui modò natus est, & membra ipsa densiora, & duriora ad tolerantiam, quā aptissima fiant; statim post eius ortum, et primum balneum aquæ dulcis calidum corpus ipsius, præter oculos, nasum, aures, & os; & sensus ipsi hebetes non fiant, modico sale, subtilitè, in puluerem resolutò, & cum oleo oliuarum, dulci, calido, misto aspergatur, & inungendo fricetur. Et si multum humidum, & crassum est corpus infantis, præstat per aliquot dies, puta, per octo, vel per decem, ad arbitrium bonæ obstetricis, miscere paucum salis contriti cum ipso oleo; Et ipsum primo die eius natalis transactò, non tantum inungere quotidie debemus; uerū etiā mediocriter confricare, per totum corpus fricationes enim

con-

Gal. 1. de fa-  
nit. tuen. ca.  
10.

Auic. 1. f. 3.  
doc. 1. cap.  
1.

Gal. 1. de fa-  
nit. tuen.



conueniunt. Lacte in ventriculo adhuc crudo non existente, veluti fiet, si post longum somnum tempus obseruetur, & ante balneum. Nam fricatio ipsa adiuuat concoctionem, & loco exercitationis supplementum prabet, attrahens alimentum per uniuersum corpus, & omnia membra roborans, & ea solidiora, & fortiora reddens. Et hoc obseruare quotidie conuenit; donec tres annos (lactationis scilicet) infantes ipsi exceſſerint. Qui uero hos tres annos exceſſerint, eos si non quotidie, at ter quoque die, quarto uero inungere, atque fricare oportet. Si uero corpus infantis sit macrum, & extenuatum, tunc animaduertant studiosi, quod inunctio salita, non conuenit ante balneum, sed potius post ipsum balneum ad constringendum, & claudendos poros per caliditatem ipsius balnei reſeratos; alioquin alimentum fufum, ac dispensatum a uirtute balnei, in halitum per ipsos poros, rarefactos resolueretur.

Gal. 1. de ſan.  
nit. tuen. ca.  
10.

## DE BALNEO INFANTIS.

## CAP. VII.

**E**XPEDIT Vt ſemel ſaltē infans quotidie lauetur ob multas ſordes, et humiditates corroſiuas, et immunditias, quibus corpus ipſius cōtinuē abundat. Et ſi dicat Auicēna, ut ipſe infans, bis in die, aut ter lauetur. Nihilominus, quoniam frequens lauacrum reddit corpus flaccidum, & imbecille. Ob id, mea quidem ſententia, ſemel balneandus eſt ipſe infans, niſi maior urgeat neceſſitas, & hoc ſaltem, uſque in quartū, a natali, menſem, poſtea uſque ad ſeptimū, præſtat, alternis diebus balneare infantem, a ſeptimo uero uſque quōdā lacte amoueatur infans,

Auic. 1. f. 3.  
doc. 1. cap. 1.



infans, sufficiat eum lauare bis in hebdomada. Et locus ubi lauatur debet esse hyberno tempore calidus, & æstate temperatus, et clausus, ne aeris subtilitas per cutem in balneo rarefactam ingrediatur, & faciat obstructionem, uel aliquam putrefactionem excitet. Hora uero, qua balneandus est, melior est, quæ post somnum observatur, & post perfectam digestionem. Nam si ante digestionem, uel post cibum statim balneetur, uel fricetur, tunc corpus crudo alimento implebit, tunc caput onerabitur malis vaporibus. Igitur a longiori somno excitatus fricetur statim, & balneetur, et postea ad nutriendum lac exhibeatur. Et animaduertendum est, post cibum minime bibere infanti permittendum esse, quem balneum excipit. Etenim eorum, quæ ventriculus continet, præcipitationis distributio in corpus fiat. Et balneum fieri debet, æstate, aqua suauis, & tepida, parum cum rosis, & iolis, & chamæmelo ebullita. Hyeme uero aqua calida, at non pungente, cum rosis siccis, floribus chamæmeli, maiorana, salvia, menta, pulegio, & calamento, prius, lento igne, parum ebullita. Et aures custodiantur, ne remaneat in eis humiditas balnei; Et pori obstructi perfrigescant, quia si ingreditur aqua in aurem quandoque cum non custodit eam ille, qui balneatur, aut abluatur, & lædit, & quandoque apostematur radix aurium, uehementem incurrit dolorem. Lauacrum uero ipsum fieri debet hoc modo. Pectus infantis non tangendo ventrem, manu sinistra nutricis, sustinendum est in concha satis magna, aqua balnei plena, & manu dextra, uel alienis manibus, postea leuiter abluatur, ita ut omnes sordes, quæ in collo sunt, & concaua loca, sicuti sunt axillæ, & inguina diligenter exter-

Gal. 1. de  
natura. ca.  
10.

Gal. ibidem.

Auic. 3. f. 4.  
cap. 10.

Auic. 1. f. 3.  
doc. 1. cap. 1.



tergantur; Et deinde mollibus pannis linteis, & candidis, calidisq; hyberno tempore, & æstate siccis, tantum, exsiccentur, & suauiter extergatur.

## DE FASCIANDO INFANTE.

## CAP. VIII.

**O**BSTETRIX Postquam, prima die lauit infantem, statim post eius ortum, sedere debet (idemq; singulis diebus efficiatur) & genibus iunctis femoribus suis in linteolo mundo, & calido superposito, hyeme, panno lana contexto, infantem suauiter, & summa cum diligentia accipere, tangere, voluere, & tractare debet, & prius digitis purgare nares, & oleum dulce oculis infundere, ut tunica, quibus constant oculi, molliantur, & extergantur, & viuidiore factæ integrum visum habere possint, & minimum eius digitum in ano infantis immittere, et in circuitu orificium mouere, & ubi opus fuerit dilatare, cōstringere, & omnia membra eius subtiliter tractare, & eas rectas adaptare naturaliter faciat, vesicam eius quoq; comprimere, ut urinae exitus facilis fiat. Postea sub pannis ipsis, sublata fascia, lata, & satis longa, ut sufficienter singulas partes circumcingere valeat, & in primis caput pannis, aut lino, aut lana contextis, at semper mundis, contegatur, hyberno tempore ex lana, æstate verò ex lino. Deinde thoracem, ab humeris incipiendo, simul cum pannis ipsis circumuoluatur, prius brachijs super ipsum thoracem, extensis adeo, ut manus eius usq; ad genua ducantur, mox, coniunctis genibus, fascijs inuoluantur, &

G talis

Auic. l. 6. p.  
doc. 1. cap.

Auic. ibide



Mars. Fic.  
lib. 2. de ui-  
u. cap. 11.

talibus eorum interponatur, ne ita coniunctis aliquid de mem-  
branulis corrodat. Ultimo loco, signo crucis, in qua forma  
salus nostra pependit, muniatur, ne ab aliqua nocturna, &  
malefica strige maleficietur. Scribitur. n. (sed omnino fabu-  
lose sententia mea) ubera strigum infantium labris immul-  
gere, & sic postea sanguinem eorum exugere. Nihilominus  
Marsilius ficinus sic ait; Communis quaedam est, & uetus  
opinio. Aniculas quasdam sagas, (quae & striges uulgarino-  
mine nuncupantur) infantium sugere sanguinem, quo, pro  
uiribus iuuenescant. Et similiter quotidie fasciis leuiter con-  
stringendus est infans, donec membra eius optime robor en-  
tur, & solidentur, & praecipue manus, & pedes eius, a na-  
tali usque, ad menses quatuor fasciis inuoluendi sunt, & tran-  
sacto quarto mense manus, & brachia soluenda sunt; Post  
decimum uero mensem, pedes etiam, (nisi aliud indicetur)  
soluantur. Totus autem thorax, & uenter usque, ad bien-  
nium, ad fouendum calorem innatum, & ad tuendas partes  
ipsas fasciis tegendus est.

## DE MODO CVBANDI INFANTIS

### CAP. VIIL.

Aulc. v. f. 3.  
doc. 1. cap. 1.

POSTquam Lauit, sumpsitque cibum infans, det  
membra sopori, in loco non luminoso, sed potius tenebroso,  
ut facilius somnum capiat, non frigido, neque humido, sed

mo



moderate calido, ubi non adsit fumus, nec malus odor, & ubi eum dormientem ledere non possint animalia venenosa. Etenim aliquandò euenit, ut æstatis tempore, propter incuriam nutricis, relicto infante in aliquò viridario dormiente, sub aliqua umbra, sine custodia, serpentes per os ingrediantur, vel mordeant corpus ipsius infantis, & necent ipsum, vel ubi non sit humiditas copiosa, uel immunditia aliqua. Aranei enim, & scorpiones in ijs locis sæpè generantur, ne aduenientes ipsi supra dormientem infantem aculeo venenato inficiant eum. Veluti anno salutis nostræ 1570. in agro Veronensi, ubi dicitur a Baldaria, accidit, dormiente enim quodam infante, filio unico Domini Antonij Francisci Anzolelli in cunis, scorpio satis latus ingressus est per os ipsius infantis dormientis, postea in eius gutture aculeo inficit eum, adeò, ut infans experrectus, & dolore excitatus, post multos labores, & dolores, & ploratus euomuerit scorpionem ipsum, & obierit diem suum, cum maximo dolore parentum suorum. ET ALEXANDER LANDVS Nobilis Veronensis Vir medicinæ arte clarissimus, & omni doctrina, & humanitate præstantissimus retulit mihi, se uidisse quendam infantem, in cuius stomacho (dum in quodam prato dormiret) lacertæ duæ, tempore æstatis, ingresse fuerant per os, adeò, ut ipse sæpè veluti epilepticus caderet in aromataria, ad signum fontis in ciuitate Veronensi, propè templum sancti Vitalis, quò ab ignorantibus causam ad medicum, curationis gratia, ductus erat ipse puer; Et post ipsius in eodem loco casum euomisse in eius præsentia, cum magna



Cicero. 2. de  
diuin. cir. m.

omnium, qui aderant, admiratione, duas ipsas lacertas, qui postea statim è morbo sanus euasit. Cicero autem loquens de Roscio inquit; Experrecta nutrix animaduertit puerum dormientem circumplicatum serpentis amplexu. Quapropter ut tutus sit, & illæsus conseruetur, nunquam infans, uel dormiens, uel vigilans, derelinquendus est sinè custodia, & cum dormit caput, & totum corpus eius tegatur in cunis cum linteolo mundo, ita tamen, ut respirare ualeat, & ab animalibus istis, & alijs uenenosis, uel similibus, sic facile ladi non possit. His ergo seruatis, infantem cubare volentes in cunis ponant, quibus stratum paretur concauum, sed satis molle adeò, ut extra cunas cadere facile non possit, ut spina dorsi, aut collum non contorqueatur, & caput eius eleuatum semper sit; Et si oportuerit lucernam accensam ponere in loco ipso, prout dictum est, tenebroso, ubi dormit; Animaduertendum est, ut ipsa lucerna non ponatur post caput ipsius infantis, ne ipse ad aperiens oculos, & uersus ipsam lucernam cernens, necessario cogatur contorquere oculos; adeò ut per longum tempus strabositatis habitum assumat. Ideo semper ponenda est ipsa lucerna ad pedes cunarum, ut rectè ad aperiens oculos in eam cernere possit. Vterius infans ipse non est locandus, præcipue nocturno tempore in lectulo apud nutricem, donec ipse infans cubare possit, manibus, & pedibus solutis, sine fascijs, et admotiones, et functiones naturales peragendas, ualidus, & aptus sit. Nam sæpissimè ob negligentiam nutricis somno profundo deuincta euenire solet, ut infans fascijs alligatus manibus, & pedibus, non ualens se mouere, sub lectulo tegatur, & suffocetur.

DE



DE SOMNO EX FLORATV INFANTIS  
CONCILIANDO.

## CAP. X.

**S**I Infans ante' lactationem plorat, ploratus ei confert, at  
verò cum hora asueta, post fricationes, ablutiones, & la-  
ctis assumptionem, non conciliat somnum, sed plorat, tunc plo-  
ratus ipse ei nocet, impediens concoctionem, & deorsum pel-  
lens cibum indigestum. Propterea somnus tribus modis con-  
ciliari debet. Primo si nutrix ponat papillam mamillarum  
in ore ipsius infantis. Nam non parum lenit eorum dolorem.  
Secundò si mediocriter in cunis moveatur. Etenim post lacta-  
tionē, eius cunae uehementi motu non sunt mouēda, quia in ip-  
sius stomacho lac concutitur, & sic facilius indigestum descen-  
dit. Tertio si nutrix vocis modulationem exhibeat, quibus  
modis uti prudentiores nutrices consueuerunt, sic dolorem, &  
somnum conciliantes, qua corpori simul, & animo auxilia-  
tur. Verum enimuero si ijs non obstantibus, perseueret ipse  
infans in fletu, fasciam statim in primis inspicere debemus,  
ne nimis stricta sit, aut si pedem, aut manum contorserit, aut  
si ab aliqua re pungente laedatur; prout aliquandò accidit, ob  
negligentiam nutricum. Relicto enim aliquo acu, aut ali-  
qua re dura, aut aspera, in ipsis cunis, inuolucrisq̃, euenit ut  
sape infantes ipsi pungantur, aut propter nimiam repletionem  
lactis, quòd perspicias si praecordia, & stomachus eius erit re-  
pletus, et tensus; Inspicies etiam si causa erit propter gravita-  
tem coopertiorū, aut propter paucitatem eorū, aut ob nimiam  
caliditatem, aut ob frigiditatem, aut ob desiderium voluendi  
se

Auc. 1. f. 3.  
doc. 1. cap. 2.Gal. 1. de sa-  
nit. tuen. ca.  
7.Auc. 1. f. 3.  
doc. 1. cap. 2.



Gal. 1. de fa-  
nit. tuen. ca.  
8.

Gal. libidem.

se in latus. Quoniam infantes ipsi nunquam plorant sine le-  
gitima causa. Quippe loquelæ adhuc expertes, ploratu, cla-  
more, iracundia, & inordinato sui motu dolorem indicant.  
Propterea prudens nutrix diligentèr debet animadvertere,  
& inuestigare, ut causas ploratus eorum cognoscat, quibus  
cognitis opportuna remedia ipsis exhibeat; Et principaliter  
animaduertenda est immunditia eorum, quippe in inuolu-  
cris, et pannis immundis, et sordidis inuolutus infans nunquā  
quiescet; Amans semper exactissimam munditiam, veluti  
exemplo pulcherrimo nos docet Galenus, dicens. Ego, nam-  
quam puello quodam totum diem irato, plorantēq, ac immo-  
dicè, inordinateq, se iactante, nutrice ipsa omnis consilij in-  
ope, deprehendi, quòd offendit, quippe ut neq, papilla in os  
immissa, neq, a nutrice prolatus, si fortè meiere, aut aluum  
exonerare vellet, lenitus est; sed nec ulnarum agitato reclu-  
nari est cæptus. Aduerti autem tum lectum, tum inuolu-  
cra, tum vestes ipsas sordidiores. Propterea puellum ip-  
sum immundum, atq, illotum lauare, detergereq, iussi, tunc  
lectulum illi mutari, ac vestem omnem tersam, mundamq,  
præberi, quibus peractis, protinus ab immodico agitato con-  
quieuit, illicoq, dormiuit, non suauissimum modò, verum  
etiam longissimum somnum. Vterius cùm infans dormit  
custodiatur a prohibentibus somnum. Nam maiori parte  
temporis infantes dormiunt, & cùm surgit a somno exci-  
tetur ad videndum lucem, in tenebris enim infantes ti-  
ment.

DE



## DE NUTRITIONE SEU CIBO INFANTIS

AB INITIO DENTIVM PRODVCTIONIS

VSQ; AD BIENNIVM.

CAP. XI.

**N**UNC Verò dicendum est de nutritione a principio dentium generationis, vsq; ad biennium, vel vsq; quo infantem lactauerit. Etenim aliqui lactant, iuxta sententiam Galeni, vsq; ad tertium a natali annū; Et secundum Auiennam per biennium, & aliqui per viginti menses; sed ante dentium omnium firmam generationem, inconueniens est a lacte ipsum infantem deducere, ut possit non tantum solidum cibum diuidere, sed etiam diligenter eum manducare. Interea verò, si infans sanus est, (Quibus enim alius multum profluit, & benè concoquunt hi saniores sunt, quibus verò modice profluit, & voraces sunt, & non pro ratione similiter nutriuntur, morbofi) prout putatur, & cum simile simili nutriatur, & cum a prædominio infantes sint calidi, & humidi, semper victus humidus ei conuenit; ut patet ex Hippocrate. Victus humidus febricitantibus omnibus cōfert, maxime verò pueris. Transacto uerò septimò mense a natali, & primi duales, et anteriores dentes iā orti, et firmati fuerint, tunc solidiori cibo infantem se ipsum assuefacere conuenit, non, omisso tamen lacte; Et primum panis commansus osculo infantis immittendus est, postea legumina prius cocta, & commansa a nutrice exhibenda sunt, & deinde, carnes, & similia; Dura autem non sunt ei ad manducandum danda tam citò, ut possit eas masticare, & faciliter digerere. Immo

panis

Gal. lib. 2.  
de sanitatē  
cap. 9.  
Aui. lib. 1.  
f. 3. doc. 1.  
cap. 1.

Hip. de den  
titione.

Hip. 1. apho  
ris. cap. 16.

Gal. 1. de fa  
nit. tuen. ca.  
10.  
Aui. 1. f. 3.  
doc. 1. cap  
2.



panis incisus, cum lacte ebullitus, vel cum aqua, & oleo, vel iure carniū ei exhibendus est, vel farina ex frumentaceis seminibus cum lacte vaccino, vel ouillo, caprinoq; similiter cocta, donec apparuerint canini dentes, qui postquam fuerint orti, & firmati poterit ei exhibere panem non valde durum, & pultes, mox carnes, & legumina, & similia secundum exigentiam sanitatis, fortitudinis, virum, temporis, & iudicij bonæ nutriticis. Vnum tamen obseruandum est, ne lac in stomacho coaguletur infantis, ut post lactationem, & emulsionem lactis, ei non exhibeantur acetosa, neq; salsa, neq; aromatica, neq; acria, neq; vinosa. Et si dicat Galenus, quare, neq; iam adultis vinum, nisi modicè sumptum, existimandū est vtile esse. Quod uidelicet ad iram præcipientes, & ad iniuriam incontinentes facit, & partem animi rationalem turbidamq; reddit. Nihilominus ad adiuuandā concoctionem, & nutritionem, postquam fuerit infans a lacte remotus, at non ante laudo ut ipsi infanti parum vini aqua correcti, & moderate exhibeatur. Aetius enim inquit, donec firmetur infans, lacte nutriatur; postquam verò solidus factus fuerit, micis panis ex vino mulso, aut vino dulci, aut lacte. Deinde etiam oua sorbilia sumat; nam quæ mandere oportet, salua in ipsis replentur. Potus dandus est vinum dilutum.

Gal. i. de  
nit. tuen. ca.  
ii.

Aetius. lib.  
4. cap. 28.

## DE LACTIS, ET CIBI INFANTIS MUTATIONE.

### CAP. XII.

**E**T Quia infantes interdum propter aliquam infirmitatem, vel mortem nutriticis, vel ob aliquam aliam causam,



fam, coguntur maximo suo periculo, & molestia ab altera nutrice lac emulgere, vel in cibo mutationem facere; propterea, si, a natali usq; ad septimum mensem, vel paulò ultra contigerit, lactis, seu nutricis mutationem facere, quoquo modo facta sit, (dummodo nutrix optimas eius conditiones habeat) facilis erit mutatio. At cum infans dignoscere incipit difficilime' alterius nutricis mammas emulget; prout ego ingenue fateor me infantem quendam vidisse, qui (eius prima nutrice, propter commercium viri pregnante) potius, quam ab altera lac emulgeret, fame perijsse. Germani autem hac difficultate commoti, statim ab initio incipiunt nutrire infantes pulmento quodam, quod vulgari sermone mosam vocant ex uaccino, aut ouillo, vel caprino lacte, & frumenta-  
 ceis farinis igne confecto, ut in similibus valeant sine nutrice nutrire infantes. Verum si ista euenerit necessitas, tunc secunda nutrix nocturno tempore in tenebris, sub silentio, ne visu, aut loquela eam dignoscat, incipiat paulatim lactare ipsum infantem, donec assuescat. Et si hæc non sufficiant, modico melle, aut saccharo in puluerem redacto, cum lacte ipsius nutricis admisto papillas mamillarum inungat, & in os infantis iniiciat, quousq; ad emulgendum alliciatur. Vel lac in ore manibus proprijs emulgeat infantis; quoad ipse infans a suauitate lactis excitatus papillas ipsas suscipiat, & eas sugere incipiat. At si infans ablactatus erit, donec percipere cum ratione valeat eum abstinere valde necessarium est a cibis unctuosius, pinguibus, fructibus, dulcibus, & facile putrescentibus, similibus enim assueti infantes alios cibos comedere nequeunt. Præterea cibos, quibus uti non con-

H sueuerunt,

Hip. lib. 2.  
acuterum.



Hip. lib. 1.  
aphor. 13.

Hip. lib. 1.  
aphor. 14.

sueuerunt, etiam si mali non fuerint, molestè ferunt. Et cum minimè infantes ipsi ieiunium ferant, præsertim, qui inter ipsos sunt inuidiores, cum eos cibare uolueris, necessitate coactus eris, aut eis assuetos cibos exhibere, aut absq; nutrimento de die in diem absumi corpus eius inspicere. Qui crescunt enim plurimum habent calidi innati, plurimo igitur egent alimento, alioqui corpus absumitur.

DE REGIMINE INFANTIS A DENTIVM  
PRODUCTIONE, VSQ. AD LA-  
CTIS REMOTIONEM.


CAP. XIII.

**C**UM Infans iam solidior factus sit, & brachijs, & manibus mouere, & pedibus sinè fascijs repere cœperit, ingredi, uel ambulare, uel aliquid motus facere immature cogendus non est, ne eius membra distorqueantur. Verùm quia in ambulando sæpissime in ijs principijs contigit infanti cadere. Propterea ut facies, & caput eius cadendo lædi nō possint. laudo ut quotidie ponatur in capite infantis circulus quidam rotundus, et leuis ex panniculo lineo, uel pelle hædina factus, & coto plenus, ueluti corona regia, in quatuor partibus diuisus, cuius forma hic annotata uidetur.






Postea ut ad incedendum facilius assuescat eum substinendo sub axillis, & brachijs adiuuare debemus, ad parumpè deambulandum, & hoc stomacho non repleto, & non statim post cibum. Laudo etiam, ut aliquando ponatur in quodam (ut in Italia fieri solet) paruo curriculo, gratia huiusce exercitationis tantummodo facto, in quo per se ipsos infantes deambulando cadere non possunt; cuius forma ad clariorem intelligentiam quorumcunq; inferius descripta apparet.



Deinde cum erit fessus, uel gestandus est, uel prout multis in locis obseruatur, eum ponere ad sedendum debemus in quadam parua sede, in qua concluditur adeò, ut pariter cadere non possit, & meiere, & aluum exonerare quàm aptissime possit, sine aliquo impedimento, cuius forma similiter ad claram omnium cognitionem, hic posita est.





Et cum ratio in eis sopita sit prætereà ab ipso infante semper remouendi sunt lapides, ligna, fustes, cultelli, Vitrum, & omnia alia instrumenta ferrea generis cuiuscunq; quæ ledere, pungere, aut incidere, aut frangere, aut grauare possunt, & pariter summa cum diligentia semper remoueat ab igne, ab aquis, à puteis, a locis altis, & a locis, quò sæpè conueniunt, & transire solent animalia, quæ vel morfu, vel cornibus, vel pedibus ledere solent. & possunt, prout sunt canes, boues, equi, & similes; Postea, sed semper cum custodia, more agni, sic vel sedendo, vel deambulando lasciuire concedatur. His ergò omnibus de die in diem summo studio, diligentiaq; seruatis, sanitas facillimè custodietur infantis, donec peruenerit ad biennium, vel ad ætatem, in qua ex se ipso ad ambulandum, loquendum, & comedendum quamaptissimus erit; Et cùm aliquid intelligibili modo loqui



qui ceperit, hortor ut ante omnia a nutrice, vel a matre doceatur pronuntiare ea, quæ pertinent ad cultum diuinum, veluti orationem dominicam, Symbolum apostolorum, & salutationem angelicam; quoniam initium sapientiæ est timor Domini.

## DE REMOTIONE INFANTIS A LACTE

## CAP. XIII.

**A**NTEQUAM, Infans a lacte remoueat, necesse est, Gal. lib. 11  
ut ad omnium dentium firmitatem, & perfectum nu-  
merum, qui in uno quoque duos, & triginta continet, in utraque  
maxilla sexdecim collocatos perueniat, ut valeat cibum soli-  
dum incidere cum anterioribus, qui incisores nominantur, &  
octo sunt numero. 4. supra, & 4. infra, & cum proximis,  
qui canini vocantur, & quatuor numero sunt, si quid pro-  
pter duritiem ab incisorebus scindi minus potuit, id frangatur  
& manducare etiam ualeat, aut leuigare interioribus, qui mo-  
lares uocantur, & in numero debent esse quinque, vel saltem  
quatuor, ab utraque parte; tunc a lacte eo tempore ipsum deducere poterit; Quod si ante eorum ortum remoueat, periculum  
est ne infans ipse in ipsorum dentium generatione, et maxime cum  
caninos edit dentes (tunc enim propter febres, alui profluvia,  
gingiuarum dolores, oris ulcera, & alia seuiora symptomata,  
quæ ei ut plurimum contingunt, comedere nequeat) & a lacte  
remotus potius fame, quam morbo pereat. Propterea ut  
inquit Aetius. Vbi vero iam intrepide frumentaceum ali-  
mentum infans sumit, quod plerumque circa uigesimum mensem

de usu part.  
cap. 8.

Gal. ibid.

Aetius lib. 4.  
cap. 28.

con -



Hip. 1. d. uic.  
rat. acut.

Auic. 1. f. 3.  
doc. 1. cap.  
2.

Hip. de den-  
tione.

contingit, tunc latenter, & paulatim ab ubere desuescat, & oportet ut hoc paulatim fiat, ut ad mutationem ipsius cibi facilius assuescat. Mutatio enim ipsa periculosa, & permolesta est, ut Hippocrati uisum est, dicens, cibos uero quibus uti non consueuerunt, etiam si mali non fuerint, moleste ferunt, consimili modo, & potus. Laudo etiam, ut ipsa a lacte remotio fiat, uel in tempore ueris, uel in autumno, ne infans, qui, relicto cibo assuetus, & qui ex nouo, non secundum consuetudinem nutritur, & aliquo modo patitur, a qualitatibus etiam ambientis, scilicet a maximis caloribus, et frigoribus aliarum tempestatum, facilius non ledatur, adeo, ut in aliquam perniciosam infirmitatem incidat. Igitur in primis diebus, uel in uere, uel in autumno, ad id, quod est ex genere sorbendi, uelati ex ijs, quae conficiuntur ex lacte, & farina, uel carnum leuium assuefaciendus est, uel ex ferculo, quod Itali uocant, panatellam, cum pane minutim inciso, oleo, & aqua, uel iure carnum cocto, ex qua quotidie manè pro primo cibo, ad calefaciendum stomachum, cyathus unus ipsi infanti cum surrexit è lectulo exhibeatur, & glandes etiam, & pastilli ex farina, & saccharo confecti ei exhibeantur. Verum ubi infans difficile relinquat emulsionem mammarum, nutrix papillas mamillarum suarum succo absinthij recentis inungat, quas semel cum gustauerit, sic inunctas, amplius emulgere non cupiet; uel R. mellis drag. 2. aloes contriti drag. 1. succi mentastri recentis drag. 2. misce, & papillas inunge. Infantes enim qui dum lactent, interim cibum adsumunt, facilius ab lactatione ferunt.

DE



DE HIS QUAE PERTINENT TAM AD ANI-  
MI MORES, QUAM AD TVENDAM SANI-  
TATEM INFANTIS.

## CAP. XV.

**E**TSI de ijs tantummodo, quæ ad tuendam sanitatem,  
& curationem morborum infantium, lactentium atti-  
net, scribere proposueram. Nihilominus, quoniam aliqui,  
(prout dictum est in cap. I I. istius libri) sugunt per bienniū,  
& aliqui etiam usq; in tertium a natali annum, & eo in tē-  
pore incipiunt secundum rationem intelligere, loqui, &ambu-  
lare; Propterea de animi moribus etiam, qui ad ipsam, tum  
animi, tum corporis sanitatem pertinent, aliquid proponere  
mihi pernecessarium esse uidetur. Quapropter cum infans  
cæpit dignoscere, obseruare oportet, ut infans non incidat in  
iram fortem, neq; uehementem timorem, neq; tristitiam, neq;  
uigilias, etenim ualde exsiccant corpus, & impediunt ipsius  
excrementiam, & aliquando generant diuersas ægitudines.  
Ita enim, quæ furor quidam est, existentis in corde caloris,  
ob immoderatum motum, per totum nonnunquam diffusa  
corpus febrem accendit. Sed indulgendum est ei infanti,  
quod moderate desiderat. Nam ætati, & consuetudini, &  
tempori aliquid indulgere conuenit. Igitur post somnum, si  
est balneadus, prout dictum est capite proprio in libro hoc, bal-  
neetur. Deinde laudo, ut eum ludere permittatur; Et post  
ludum, aliquid ei ad manducandum exhibeatur. Et sum-  
moperè illud attendendum est, ne uideat horribiles figuras,  
nec qui custodit eum nimis ferox in uultu ei se obuiam offe-  
rat, ut repente non perterreat eum, ne melancholia, & nimio

mærore

Auic. 1. f. 3.  
doc. 2. cap. 2.Gal. de causis  
morb. cap. 2.Gal. lib. 8.  
met. med. c. 9.



Cal. de par-  
ua pillæ ex-  
erc. cap. 1.

Aulic. i. F. 3.  
doc. 2. cap. 4.

Paul. agine-  
ta lib. 1.

mærore oppressus, & sic malè affectus, in malos mores, & in infirmitates incidat. Etenim multi præ sola leticia morbos euaserunt, multi etiam præ mærore agrotauerunt; sed hilari, & amabili fronte occurrentem sibi exhilaret eum semper. Spiritus enim per radios oculorum fascinare, inficere, & afficere potest, adeò, ut non omninò mirum sit morbos quosdam animi, atq; corporis inferri, & auferri posse. Prospiciat etiam qui custodit eum, ut in præsentia ipsius non proferat, nec proferri ab alijs toleret blasphemias, maledicentias, & obtrectiones, nefaria, uel impudica verba, nec ea, quæ non spectent ad honorem, & cultum Dei, nè discat postea cum maximo genitorum suorum dedecore, & nonnunquam contra eorum sententiam talia pronuntiare. Et antequam ad magistrum, qui eum doceat, ducendus sit, saltem sex habeat annos, ut aliqua ratione, & ordine, et naturæ fortitudine gradatim discere valeat; Et si mens patris erit, ut infans, exempli gratia, literis incumbat, & arma odio habeat (etenim infantes ipsi veluti mollis cera sunt, quæ omnem sigilli formam recipit) oportet ut tempestiue libros illi porrigat, & literas doceat, & proponat, eas laudando, arma uerò semper ei occultando detestandoq; Animi enim mores corrumpuntur malis consuetudinibus, cibis, ac potibus, & gymnasijs inspectionibus, auditionibus, & mala musica; quòd si causarum superiorum occulta inclinatio nonnunquam magis urgere videatur, veluti de Achille scribitur ab Homero; Nihilominus uir sapiens dominabitur astris, & nihil difficile uolenti, experientia probamus. Postremò cū legere, & aliquid intelligere cæperit de ætate in ætatem prouidendum est illi de præceptore probo, & doctiore, qui humanitate,



rate, diligentia optimè doceat ea, quæ respondent uoluntati patris. Motus uerò, & exercitationes cum proportionē annorum commensurare oportet. Nam Galenus inquit; Recens tamen nati puelli tam ualentem motum, quàm est, qui uehiculis, nauigijs, equis uè præstatur, adhuc non desiderant. at qui iam tertium, aut quartum annum, à natali agunt, his uehiculo, nauigioq; modice agitari licet. Septennēs uerò etiā ualentiores motus tolerant, ita ut equitare iam assuescant.

Gal. de tuen.  
saut. cap. 8.

I OMNI





OMNIBONI FERRARI  
MEDICI AC PHILOSOPHI  
DE ARTE MEDICA  
INFANTIVM.

LIBER TERTIVS.

PRAEFATIO

Auic. lib. 1. f.  
3. doc. 1. c. 3.



Gall. lib. 5. de  
simpl. med.  
facul. cap. 21

**L**NCVRANDIS infantium lactetium morbis, pro qualibet curatione observare opera pretium est. Primum ut nutrix recte regatur, ut si in ea aliqua repletio ex quatuor humoribus superabundauerit, statim adhibita distinctione, secundum qualitatem eorum abundantiae, minuatur, et propria euacuatione tollatur. Et si oportuerit medicinam solutiivam ipsi exhibere nutrici, tunc per diem naturalem, alia nutrix lactet infantem. Praeterea semper, (nisi aliud indicetur) euitanda erant pharmaca solutiiva. Ex ipsis. n. facile extinguitur, uel exterminatur lac. Nutrices igitur, & infantes ipsi, quoad eius fieri poterit, curari debent cum his quae comeduntur, & bibuntur. Nec non animaduer-



animaduertendum est, quòd infātes ipsi, propter uirium imbecillitatem, non possunt tolerare medicamenta, tām intrinsecus, quàm extrinsecus ualde alterantia; & euacuantia; nec sanguinis missionē ante pubertatem. Studiosi postremo animaduertant, ut si quispiam morbus, necessario, primò, post ortus eius afficiat infantem; nihilominus nō ab ipso incipere curationem constituimus. Sed primo ab egritudinibus capitatis, ut à sede animæ rationalis initium fiat, & methodicè agatur. Postea de omnibus morbis, infantibus ipsis contingētibus, quos uel ab auctoribus approbatis græcis, aut Arabibus, aut Latinis, uel aliunde collegimus, & experti sumus per singulas partes corporis, gradatim descendendo examinabimus, & proposito quolibet morbo, quis affectus præter naturam sit inuestigabimus, & quibus signis, & ipse, & eius causæ cognoscantur declarabimus; mox & eius morbi prognostica, & propriam curationem, secundum methodum, & doctrinam rationalem, scribere tentabimus.

Gal. lib. 11.  
met. medic.  
cap. 14.

## D E N A T U R A I N F A N T I V M.

## CAP. I.

**A**NTE QUAM Curationem morborum infantium scribere aggrediar, prius de natura ipsorū, tanquā de subiecto istius artis, aliquid diserere rationi cōsonum est, quæ in duas partes diuiditur. Quarum una est cū membra ipsius infantis, nondū ad motiones, & ad ambulandū sunt apta, de qua ut plurimum à nobis in hoc opere pertractare statutum est. Altera uerò est, post ambulationem, & antè

Auic. lib. 1.  
F. 1. doc. 3.  
cap. 3.

I 2 corporis



Gal lib. 8 de  
Hip. & Plat.  
decretis c. 6.

Hip. lib. de  
natura hu-  
mana cōm.  
3.

corporis robur, quando nondum dentes ceciderint, & nati fue-  
rint. In prima, ille, qui est uocatur infans, id est, qui non-  
dum fari cepit. In secunda uero puer, quoniam purus est, &  
nondum ad pubertatis annos peruenit. Et natura eorum  
habet eandem rationem in ætatibus, quam uer in quatuor  
temporibus, scilicet calida est, & humida. In infantia ma-  
gis, quàm in pueritia pituita abundat. Vere enim ineunte  
pituita adhuc in corpore uehemens manet. In pueritia uero  
indies fit diminutio ipsius pituitæ, & calor, & sanguis au-  
gentur. Qui enim crescunt, plurimum habent calidi innati.  
In infantia, quæ perficitur, ut plurimum per biennium den-  
tes generantur, et hactenus cum ratione caruerint, tunc loqui,  
& cum aliqua ratione dignoscere incipiunt. Attamen ad-  
huc eorum corpora mollia, & fluxibilia sunt. In pueritia au-  
tem, de qua nunc loquimur, quæ est inter dentium generatio-  
nem, & mutationem, & extenditur usque ad septimum an-  
num, quoniam de ea, quæ extenditur usque ad tertium deci-  
mum annum, nunc uerba non sum facturus, discipline capa-  
ces aliquo modo fieri incipiunt. potius in fine, quàm in principio.  
Etenim imbecillis adhuc in ipsis ratio est, & eorum ossium  
natura potius cærea, quàm lapidea uidetur, & eorum pulsus  
creberrimus est, propter abundantiam caloris innati, unde cor  
frequenti refrigeratione aeris indiget, sed propter angustiam  
instrumentorum, minuitur ipsa refrigeratio, ex qua angu-  
stia, uox etiam redditur in ipsis acuta. At natura,  
siue temperamentum eorum adeò temperatum est, ut in-  
fantes, ipsi facilius, quàm adulti, (sicuti ego longa ex-  
perientia didici) maximas ægritudines tolerare uideantur.

(¶)



Et præcipue qui lacte nutriuntur: Et cum cibi non sunt expertes sæpe ex diuturnis, & grauisimis morbis euadunt, & conualescunt. Vnde PAVLVS DIONISIVS Clarissimus Medicus Veronensis à quo carminibus elegantissimis, & elegiacis de natura oculi, methodus curandi vlcera, & Hippocratis aphorismi fœliciter, & doctissime explicati sunt, in actu practico se uidisse mihi dixit quendam infantem annorum duorum, filium cuiusdam sui uicini, oculis clausis, pulsu, & motu ex grauisima febre destitutum, qui postea è morbo conualuit. Et si infantes ipsi uoraces sunt, multum lactis trahentes non pro ratione carnosifunt. Et si multum mingunt minimè anniculi fiunt. Et qui plus mingunt, quàm egerunt, pro ratione pinguiorès sunt. Qui bene dormiunt, & pinguiorès sunt, multum alimentum adsumunt, idq; adiacet, non sufficienter distributū, quibus infantibus in sugendo lac tus sis instat, uuam maiorem habere solent.

Hip. de dentit.

## D E L A C T E A C R Y S T A.

## CAP. II.

ETS I de hoc morbo antiqui nihil sub isto nomine scripserunt, intelligentes forsan ipsum, ut Galenus sub psydracij, aut achorum, & ut Auicenna sub sahafati nominibus cōprehendi; nihilominus, quia à recentioribus, ut Manardus in suis epistolis ait, ut Gulielmus de Saliceto in empirica, & ex consuetudine, omnes mulieres lactis impuritatem hæc affectio sequi putatur, ut facilius dignosci ualeat, sub

Gal. lib. 1. de comp. med. sec. loc. c. 9.  
Auic lib. 4. F. 7. trac. 3. c. 1.

nomi



DE DEFIN.  
MORBI.

Auic. ibid.  
CAUSA.  
SIGNA.

PROGNO-  
STICA.  
Auic. ibid.

VICTVS  
RATIO.

Auic. lib. 1.  
F. 3. doc. 1.  
cap. 3.

nomine ipso curationem scribendam duxi sequens authori-  
tatem ipsius de saliceto, qui præter achoras, etiam sub nomi-  
ne lactucij, aut lactuminis, de morbo ipso scripsit. Qui nihil  
aliud est, quam saniosa crusta colore albicans, qua ut pluri-  
mum in principio lactationis, caput, facies, & aliquandò uni-  
uersū corpus infantis cooperitur; propterea lactea crusta uoca-  
tur, græco uero uocabulo γαλακτικός πλάξ, & causam trahit ab  
humiditate acuta, salsa et corrosiua, à qua sumitur indicatio  
& permiscetur sanguini, prout signa ex asperitate, colore,  
& tenacitate ipsius crustæ indicabūt. Et si oculos crusta ipsa  
non lædit, & non dehonestat, & cū ut plurimū in Hyeme  
appareat, prædicendum est cū ipso Auicenna morbū ipsum  
esse facilis, & uelocis curationis. Quapropter in uictus ratio-  
ne aer eligatur, ad siccum, & frigidum uergens, exerceat se  
nutrix manè, & serò per horam antè cibum quotidie, secun-  
dum consuetudinem, aluus deiciat, uel spontè, uel arte,  
clysterijs communibus, & in infante, si non deiciat soluēda  
est hoc pacto, detur ei parū mellis, aut terebinthinae, ad quā-  
tatem unius ciceris; Nec non caueat ipsa nutrix à diurno  
somno, & precipuè à prandio. In cibo preterea caueat à sal-  
sis, ab omnibus oleribus, præter lactucam, endiuia, aceto-  
sam, spinachiam, & atriplicem, caueat ab alijs, cæpis, porris,  
raphanis, & leguminibus, à caseosis, à pulmentis, ab aroma-  
tibus, et carnis bubulis, suillis, & ouillis, & ab omnibus ijs, quæ  
sunt difficilis concoctionis, & mali succi, & perturbationes  
animæ vitet. Comedat in cibo panem benè subactum, fermē-  
tatum, & satiscoctū, carnes vitulorum, hedorum, uerue-  
cum, & pullorum, gallinaceorum, & auium terrestrium, &  
simi



similium, bibat uinum subnigrum, astringens, & paucarum  
 uirium, & aqua temperatum. Pro curatione uero ad præ-  
 scriptas affectiones, conuenienti uictus ratione uti oportet, cor-  
 porisq; ac capitis purgationem adhibere per pilulas ex aloë.  
 Propterea nutrix per tres, aut quatuor dies continuos capiat  
 pilulā unam sequentem, per horam ante cenam. R. pilularū  
 de hiera cum agarico de aloë, an. gran. ʒ. ʒ. & cum melle  
 rosato reformetur p. i. & in auretur. Postea si crustæ in in-  
 fante siccae sunt, abluantur aqua simplici rosacea, aut oleo  
 rosaceo, uel R. unguenti rosati, Mesue, unguenti albi, infri-  
 gidantis Gal. an. ꝯnc. s. misce, & inunge, uel R. aquæ plan-  
 taginis, semper uiuæ, florum chamæmeli, rosaceæ an. par-  
 tes æquales, misce, & ablue. Si uero humidior fuerit ipsa  
 crusta, tunc conuenit adiantum cum rosaceo illitum, aut  
 fœnugræci decoctū adfrictum, aut malua cum farina ordea-  
 cea, pro cataplasmate imposita, aut melilotum cum farina  
 fœnugræci ex uino impositum. & cicerum decocto, ipsumq; ci-  
 cer decoctum impositum, nuces amare, commanse, & illitæ  
 præstant. Sed si crusta ipsa tetigerit oculos, tunc animaduer-  
 tendum est, ne oculos ipsos lædat, & lucem impediat. Vnde  
 R. lactis optimi aliæ nutriticis, acque rosaceæ an. ꝯnc. i. misce.  
 & oculos ipsos inunge, uel ablue.

MEDICA-  
 MEN. RA-  
 TIO.  
 Gal. lib. 2. de  
 comp. med.  
 secund. loc.  
 cap. 9.

Gal. ibidem.

## D E E R Y S I P E L A T E

## CAP. III.

**I**NFLAMMATIONIS Nonnullæ sunt species, &  
 differentia, inter quas, ea quam Græci εἰσροσσελας &  
 Latini



DEFINIT.  
MORBI.  
Gal lib. 2. ad  
Glauc. cap. 1.

CAUSA.

SIGNA.

Paul. eg. lib.  
4. cap. 21.  
PROGNO-  
STICA.

VICTVS  
RATIO.

Gal. lib. 13.  
met. med. c. 8.  
MEDICA-  
MENT. RA-  
TIO.

Latini ignem sacrum uocant, numeratur, quæ nihil aliud est, quam ex sanguine, & flaua bile, calidioribus, quàm oportet, mixta fluxio, uel ex sanguine quidem, sed feruescente, & tenuissimo, secundum substantiam, de qua, & præcipue de ea, quæ capiti infantis accidit, hoc capite agere decreuimus; causam ut plurimum trahente à mala uictus ratione nutricis præterita. Et signa sumuntur aliquandò ex febre, sed semper ex ipsa affecta parte, quæ enim colore rubra, tactu calida, & tumefacta esse percipitur, et tactu sanguis ipsius partis facile subterfugit, & rursus illabitur. Quapropter ignorandum non est erysipelata, quæ caput inuadunt esse difficilis curationis, proinde nisi efficaciore subueniatur adminiculo, languentes interdum suffocant. Igitur uictus ratio nutrici instituenda est, declinans ad frigidum, & humidum, tam in aere, quàm in alijs rebus, non naturalibus, ab exercitatione uacet, somni sint solito breuiore, quotidie aluus deiciat, uel sponte, uel arte, tam in nutrice, quàm in infante. Caueat nutrix à uino, à cibis salsis, ab aromatibus, ab alijs, à capis, à porris, à raphano, ab oleribus, & seminibus calidis, & uaporosis, à leguminibus, à carnibus crassioribus, à fructibus fugacibus, quoniam facile putrescunt, & conuertuntur in bilem. Bibat aquam cum ordeo coctam, uel iura carniū, comedat carnes pullorum, gallinaceorum, uitulorum, hædorum, ueruecum, et auium terrestrium, & similia; inter olera comedere poterit laciucam, blitum, spinachiam, maluam, endiuia, atriplicem, & acetosam. Inter fructus, poma, & pyra cocta. Curatio uerò, ut ostendit indicatio, refrigeratione perficitur, nam in erysipelate refrigerationis indicatio magis urget, quàm uacuatio-  
nis,



nis, cum ijs, quæ influentem materiam calidam ui frigoris re-  
tundunt. Nihilominus si lac nutricis erit causa ipsius mor-  
bi, tunc nutrici exhibeatur bolus hic cassiæ, hora una ante ci-  
bum; R. cassiæ extractæ drac. viij. s. diacatholicon drac. ij. s.  
misce, & cum saccharo f. b. & eo die, in quo sumit cassiam,  
alia nutrix lactet infantem, Verum si alius, in infante astri-  
cta sit (prout sæpe propter febrem contigit) suppositorium ex  
melle, & hiæra, & sale factum imposito, uel fiat clyster hoc  
modo. R. maluarum, matrū uolarum, mercurialis, bliti, an.  
M. i. bulliant omnia in f. q. aque ad consumptionem tertiæ  
partis. Postea coletur, ex qua colatura. R. unc. vi. uel  
octo, secundum ætatem, olei uiolati unc. ij. mellis rosati unc.  
i. uitelli unius oui, sacchari unc. s. salis drac. s. misceantur  
omnia simul, postea uesica porcina imponantur, & cum pen-  
na anseris, ab utraq; parte incisa, & una parte collo ipsius ue-  
sicæ adalligata, fiat clyster: uel alius soluenda est. prout à no-  
bis in præcedenti capite, auctoritate Auicennæ, declaratum  
est, cum terebinthina, aut melle, deinde ad localia, & auxi-  
lia materiam fluentem reprimentia, deueniendum est.  
Quapropter R. succi solatri, semper uiuæ, portulacæ, lactu-  
cæ, plantaginis, psyllij, aque rosacæ, an. partes æquales misce,  
postea panniculi linei in ipsis succis madefacti superponantur  
loco affecto, uel R. infrigidantis galeni unc. s. unguenti albi  
drag. ij. camphoræ puluerizata. scrup. s. aceti albi, olei rosa-  
ti, omphacini an. unc. s. unguenti rosati, Mes. aque rosacæ,  
an. drag. i. s. misce, & omnia in mortario plumbeo benè du-  
cantur, & s. a. fiat linimentum, uel R. albuminis unius oui  
lithargyrj, subtilissime contriti drac. ij. unguenti rosati mes.

K unc.

Auic. lib. 1.  
F. 3. doc. 1.  
cap. 3.



Gal. lib. 1. de  
simpl. med.  
fac. cap. 6.

Gal. lib. 14.  
met. med. c. 3

unc. s. aceti drac. iij. aqua rosaceæ drac. i. s. misce, & simul omnia conquassentur, & panniculi infusi applicentur loco affecto, et sæpè reiterentur, uel sic ceratum humidum ex aqua frigida subactum, accurateq; madefactum calido affectui imponas, protinus .n. frigefacies, sed frigefacere oportet, quousq; color ruber mutetur. Etenim quod exquisitum, & purum Erysipelas est, statim hoc facto quiescit.

### DE HERPETE EXQUISITA.

C A P. IIII.

DEFIN.  
MORBI.

Gal. lib. 2. ad  
Glauc. c. 11.

CAUSAE.

SIGNA.

PROGNO-  
STICA.

Gal. lib. 14.  
met. med. ca.  
17.

VICTVS  
RATIO.

MEDICA-  
MENT. RA-  
TIO.

**S**I Flaua bilis sola & exquisita, & non alio coniuncta hu more infantis, aliqua capitis, uel alterius membri pars afficiatur, morbus fit, qui à Græcis *εργός*, & à latinis simpliciter sine additione *Herpes* uocatur, & cum affectio ipsa generetur ex ipsa flaua bile exsiccata, uel à mala uictus ratione præterita, uel ab aere ambiente, uel à prædominio: signa erunt pustula colore citrino, & forma rotunda, quæ ueluti serpentes serpendo egrediuntur. Et quia affectio hæc provenit, ut dictum est, à materia calida, & differt ab erysipelate humoris tenuitate, quoniam est admodum tenuis, qui herpetem excitat; propterea ea uictus ratio conuenit, quæ ad frigidum, & humidum uergit, ueluti descripta est præcedenti capite de erysipelate, ad quod redeat, si quis scire uult. Deinde prius nutricis corpore purgato aliquo medicamento, quod flauam educat bilem, à qua sumitur indicatio istius morbi, quem admodum descriptum est capite præcedenti, ad residuum ipsius curationis deueniendum est, quod perficitur ijs, quæ si particula

labo



laborati imponuntur influentem humorem ipsum reprimunt,  
 & repellunt, sed antequam localia applicentur, hic diligenter  
 animaduertendum est, si infans est in etate annorum duorum,  
 uel circa, hac enim etate tuto exhibere ipsi infanti poteris reu  
 barbarum exigua quantitate, & si opus fuerit, R. reubarba  
 ri electi, & mundi, gran. xv. spica gran. ij. infundantur per  
 horas octo in iure pulli, postea fiat fortis expressio, cui adde sac  
 chari optimi drac. iij. predicti iuris q. s. misce, & f. p. & detur  
 infanti per horas quinq; ante cibum, mane; uel R. reubarbari ele  
 cti, & mundi contriti gran. xv. sacchari rosati ꝛnc. s. mi  
 sce, & f. b. At si infans ratione etatis, aut pharmaci qualita  
 te, ea suscipere non ualeat, sufficiat tibi, uel cum sero lactis, uel  
 cum pauco puluere reubarbari, in iure pulli, uel cum pasulis,  
 cum ipso reubarbaro preparatis, uel cum emulsione lactis nutri  
 cis, eo die, in quo ipsa nutrix bolum cassie sumpsit, uentrem  
 aliquo modo soluisse, uel urinam, cum seminibus melonum,  
 ordeï, & similibus citasse. Nam in herpete uero, quoniam te  
 nuis humor est, qui id uitium creat, abunde est etiam aluum  
 leuiter soluisse, uel urinas pro ea, quæ id modice efficiunt, ci  
 tasse. Mox ad localia deueniendum est, ut R. capreolo  
 rum uitis, plantaginis, foliorum rubi, portulacæ an. M. s.  
 incidantur grosso modo, deinde bulliant omnia in s. q. aquæ,  
 postea contendantur, quibus adde olei rosati omphacini, re  
 sinæ an. ꝛnc. s. farine ordeï, unguenti rosati Mesuæ, an. ꝛnc.  
 s. misce, & fiat cataplasma, & loco affecto, prius abrafo, si  
 est in capite, & succo arantiarum abluto, apponito, & rei  
 teretur, uel R. olei rosati omphacini ꝛnc. ij. sulphuris ni  
 gri drac. iij. misce, & mortario plumbeo bene ducantur, &

K 2

simul

*Phab. Sours  
pro Pueris*

Gal. lib. 14.  
med. cap. 17.



simul immisceantur, & adde ungueti infrigidantis gal. ꝑnc.  
i. misce, & s. a. fiat linimentum, & adhibeatur; uel R.  
mellis ꝑnc. i. aquæ quæ è uitis caudice, sua sponte aut ignis  
ui expressus exsudat, ꝑnc. ij. misce, & inungito.

## DE HERPETE EXEDENTE.

## CAP. V.

Gal. lib. 2. ad  
Glauc. c. 1.

CAUSA.

SIGNA.  
PROGNO-  
STICA.

Gal. lib. 14.  
met. medic.  
cap. 17.

**A**FFECTIO, Quæ herpes exedens à Latinis, & à  
Græcis <sup>εξεδου</sup> uocatur differt ab herpete exquisita,  
nam exquisita à tenui, & ipsa à crassiori, & acriori bile ortū  
ducit, nec non differt etiā alio modo, Exquisita .n. per cutē  
tātūmodo afficit, excedens uerò & cutem, & subcutaneam  
carnem ulcerat, & exedit, à qua differentia, cum nomen sit  
consequens rei, denominatur exedens, causa tām in exedente,  
quam in exquisita communis est, scilicet bilis flaua, at in hoc  
morbo crassior est, et acrior; signa manifesta sunt propter exul-  
ceratas cutem, & carnem, sed ulcera ipsa, & postula, cum in-  
terdum sint profundiores, diuturniores etiam fiunt, & si sa-  
nantur, sinē totius corporis purgatione, denuò renascuntur, uel  
ad bubonem ducuntur, ut exemplo citato per Galenum ma-  
nifestē apparent, ubi dicit, Romæ mulier quædam illustris,  
cum herpetem in malleolo haberet, primum quidem medica-  
mento, quod algam recipit, est usa, hoc cum protinus cicatrix  
induceretur, proxima illi summa cutis est excoriata, ueluti  
ex desquamatis, cui, cum deinde superpositum medicamē-  
tum est, rursus illi continua est exulcerata, idq. ita assidue  
perrexit, donec ad genu exulceratio perueniret, cum interim  
quiduis



quiduis potius pati, quàm medicamento, quòd bilem traheret, purgari uellet. Itaq; etiam, quod fieri in talibus assuevit, quoniam pleriq; culpant nò culpanda, damnato ex alga medicamento, aliud admoneri iussit, deinceps igitur eo, quod ex sandice componitur, utebatur, ut uerò id quoq; , quod exulceratum iam fuerat, sanauit, quod uerò nunc exulcerabatur non inhibuit, sed iam ad bubones, usq; uitium accenderat, ipsa necessitate coacta, serū se lactis sumpturam annuit. Immittentes igitur clanculum minimum scamoniæ in uitam purgaui- mus, ac sanauimus. A quo excitati exemplo, laudamus antequam ad localia deueniatur, ut corpora tam nutricis, quàm infantis modo, & forma, qua declaratum est, capite præcedenti, de exquisita, purgētur. Præterea uictus ratio nutritrici præscribenda est, prout capite de crysipelate dictum est, exceptis fructibus, & oleribus omnibus, quoniam propter crassitiam, & acrimoniam ipsius materiæ, peccantis ab ijs, quæ simul cum humiditate infrigidant, cauendum est. Et ad eundem modum obseruandum in curatione, quippe hic moribus ea non fert medicamenta, quæ præter id, quod refrigerāt, etiam humectant, sed sola admittit refrigerantia, quæ etiam ualdè exsiccāt, ueluti R. florum malorum punicorum M. i. galle utriusq; drac. iij. mirrhæ, thuris, aloes an. drac. i. aluminis fissi, radicis, aristolochiæ rotundæ, an. drac. ij. calaminthæ drac. s. conterenda conterantur, postea addè unguenti rosati, mesuæ, ꝑ. i. aquæ mellis q. s. misce, et in mortario benè ducantur s. a. ad formam linimenti, uel R. pulueris boli armeni orientalis, terræ lemnæ an. drac. ij. aquæ rosacæ, aceti an. drac. iij. albuminis unius oui, omnia simul in mortario

PVRGA-  
TIO.VICTVS  
RATIO.MEDICA-  
MEN. RA-  
TIO.

rio



Paul. egg. lib.  
14. cap. 10.

Gal. lib. 14.  
met. med. ca.  
17.

riò benè agitentur, postea panniculos madefactos in dicto linimento loco affecto superpone, & sepè reiteretur, uel R. seminis lini arefacti, & in puluerem resoluti, lana ueteris succida, & illota in olla prius combusta, mox in puluerem resoluta an. vnc. s. uini astringentis, & aquæ rosaceæ an. q. s. ad dissoluendum misce, & pluma bis, uel ter in die madefacta in prædicto liquore illiniatur locus affectus, uel cretam cimoliā, solani succo dilutam inungito, uel spuma argenti trientem, & porri cremoris cyathos septem, betæq. succi tantundem leuigata, illinito. Vel medicamentum, quod ex sandice componitur, apponito.

# DE HERPETE MILIARI.

## CAP. VI.

DEFINIT.  
MORBI.

CAUSA.

Gal. 14. met.  
med. cap. 17.

**E**TSI quedam istorum herpetum genera magis in alijs partibus corporis, quàm in capite accidunt, & ut plurimum contingant; nihilominus ut omnes earum curationes, simul inueniri possint, hic de omnibus pertractare decreui singulas ordine descripturus Miliaris. Igitur herpes est ægritudo, quæ à grecis uocatur *εἰς τὸν κεφαλῆς*, quoniā habet similitudinē milij, & ueluti Cenchris serpentis serpere uidetur; oritur tamen ab ipsa bile flaua, quæ parum cum pituita habet admistionis. Vacuabis namq. inquit Galenus eum, qui redundat humorem, ceterum aliquando medicamento, quod flauā purgat bilem, sepè eo, quod nigram, modo eo, quod mista est facultatis, quod scilicet bilem, simul, & pituitam educat, ueluti in altero herpetum genere, quem à similitudine, quam habet



bet cum milio, cenchriam Græci appellant. Quippè is non  
 protinus ulcus facit, quemadmodum alter, sed admodum exi-  
 guas pustulas ad speciem milij, quæ ipsæ interposito spatio in  
 ulcus conuertuntur, adeò non sine ratione, quibusdam uisum  
 est, in eiusmodi uitio bili esse aliquid pituitæ admistum, unde  
 perficitur indicatio. Propterea cum pustula ipsæ abeunt in  
 ulcus morbus fit diuturnior, & si curetur antequam fiat ul-  
 cus, à principio, citò curatur. Nutrici igitur, & infanti, si per  
 ætatem licet, uictus ratio eodem modo, quo in capite de erysipe-  
 late statutum est, instituatur. Iniungendum uerò, & conco-  
 quendum est in ferculis semper parum mentæ, petroselini, aut  
 fœniculi, & cauendum est a fructibus, & ab alijs in frigidan-  
 tibus oleribus. Nam in herpete, in superficie hærente mitis-  
 sima adhibeamus; miliaribus uerò magis discussoria. Qua-  
 re neq; lactucam, neq; semperuiuum, neq; quicquam aliud re-  
 frigerans adhibemus; Attamen bibere poterit aquam co-  
 ctam, cum cinamomo, aut seminibus coriandrorum, uel iu-  
 ra carniū. Quæ uerò pertinent ad curationem, nunc absol-  
 uenda sunt. In primis à nutrice medicamento, quod mista  
 est facultatis, utendum est, scilicet, quod bilem simul, & pi-  
 tuitam educat; Quapropter per horam unam ante cibum,  
 sumat bolum istum, R. electuarij lenitiui, diacatholicon an.  
 drac. v. agarici præparati drac. ij. misce, & cum saccharo f. b.  
 uel R. Syrupi rosati solutiui ꝥnc. iij. s. agarici præparati drac. ij.  
 aquæ cichoreæ q. s. ad dissoluendum misce, & f. p. postea per  
 dies quinque quotidie mane, sumat syrupum hunc, R. Syrupi  
 acetosi simplicis ꝥnc. i. oxymellis simpl. ꝥnc. s. aquarum en-  
 diuicæ, cichoreæ, boraginis, an. ꝥnc. i. misce pro uno syrupo, &  
 sic

SIGNA.

PROGNO-  
STICA.VICTVS  
RATIO.Aetius lib  
14. cap. 60.RATIO  
MEDICA-  
MEN.

Gal. ibid.



sic pro alijs, deinde sumptis quinq; syrupis, herpete adhuc per-  
 seuerante, sumat in sequenti die in diluculo per horas sex an-  
 te cibum, infra scripta medicinam, R. reubarbari electi, &  
 mundi drac. i. spice grana iij. infundatur reubarb. s. a. in ui-  
 no albo per horas octo, postea f. fortis expressio, cui adde syru-  
 pi rosati solutiui unc. iij. agarici preparati drac. i. s. decoctio-  
 nis florum, & fructuum cordialium q. s. ad dissoluendum mi-  
 sce, & fiat p. uel alio modo in forma pilularum, R. pilularu  
 ex agarico, mesue scrup. ij. s. ex rabarbaro aggregatiuarum an.  
 scrup. i. misce, & reformetur, cum syrupo uiolato p. v. & inau-  
 rentur. At eo die, quo sumit medicinam solutiua, ut di-  
 ctum est a principio, non lactet infantem. Verum si infans  
 sit annorum duorum, uel circa, tunc exhibere ei poterit rabar-  
 barum eo modo, quo declarauimus capite precedenti, uel drac.  
 i. agarici preparati cum panatella, aut saccharo rosato, ad-  
 misti per horas tres ante prandium. Vltimo loco, corpore sic  
 prius purgato, mox ea, quae influentem humorem reprimunt,  
 & exsiccant, loco affecto infantis imponenda sunt. Nam  
 in principio facta purgatione, pampinos uitis, rubiq;, aut poly-  
 goni, aut plantaginis folia imponemus. Postea uero his  
 etiam lenticulam, & mel, & polentam miscebimus. Pre-  
 terea R. pulueris acatie, myrrhae, thuris, sulpharis an. drac. ij.  
 & cum succo plantaginis q. s. ad incorporandum in mortario  
 plumbeo, misce donec reducatur ad formam linimenti, & ex  
 eo saepe in die pars affecta liniatur, uel R. sandalorum, corti-  
 cum granatorum, boli armeni orientalis an. drac. ij. mace-  
 rentur omnia per horas octo, in s. q. aceti albi, postea ab aceto  
 separentur, & in mortario plumbeo, bene agitentur, & con-  
 tundan

Aetius lib.  
 14. cap. 60.



tundantur, & adde aquæ rosaceæ q. s. misce, & f. linimentū,  
de quo sapē, cum penna illine. Vel R. plumbi recrementi,  
floris æris, sulphuris, citrini adusti an. drac. ij. conterantur  
omnia, postea adde succi baccarum myrti unc. s. uini astring-  
gentis, q. s. ad immiscendum misce, & in mortario s. a. fiat  
linimentum, & utere.

## D E A C H O R I B V S.

## C A P. VII.

**C**V' M Vlcuscula quædam in capitis cute infantis acci-  
dunt, ex quibus continue fluit uiscida, & glutinosa sa-  
nies, & ualdè tenuibus foraminibus eroduntur, græcè αχωγες,  
& latine, teste Plinio manantia ulcera, & à nonnullis etiam  
à tinearum in uestibus similitudine, dicuntur tineæ. Causa  
istius affectionis, est nitrosa salsaq; pituita, sententia quidem  
mea est, mistio humoris biliosi, cum ipsa pituita, id quod ma-  
nifeste apparet ex ipsorum ulcusculorum colore croceo,  
& uiridi, & pruritu mordicantium, scalpendiq; ardorem in-  
citantium. Et si statim non curetur hic morbus, cum inue-  
teratus fuerit, in deciduum capillicium currit, & in alopeciā,  
& ophiasim, & ad exulcerationem in cute usq; ad carnem fa-  
cile uertitur. Propterea statim ad curationem properandū  
est. Et quod attinet ad uictus rationem, aer ad siccum, &  
frigidum potius declinans eligatur, Nutrix solis, & ignis  
æstus euitet, in cibo omnia acris, acetosa, salsa, et omnia, quæ  
facile conuertuntur in bilem, ut olera, & fructus omnes, &  
præcipue fugaces, & dimittat omne, quod habet dulcedinem

DE FIN.  
MORBI.  
Gal. lib. 1. de  
comp. med.  
sec. loc. c. 8.

CAUSA.  
Paul. egid.  
lib. 3. cap. 3.  
SIGNA.

PROGNO-  
STICA.

VICTVS  
RATIO.

Auic. lib. 4.  
F. 7. trac. 3. c.  
2.  
Paul. ibidem

L super



Alic. ibid.

RATIO.  
MEDICA-  
MEN.

Gal. ibidem

*Purgatio pro  
Pueris annos  
23. uel eni*

Gal. ibid.

Gal. ibid.

superfluam, aut amaritudinē, aut acuitatem, & utatur me-  
lioris succi cibo, & facilis concoctionis, & insipido sit conten-  
ta; Exercitationi incumbat assuetæ, somni solito breuiores  
sint, & diurnum post cibum omnino euitet, quotidie aluus à  
fæcibus, uel sponte, uel clysterè communi purgetur: Curā diu-  
rò ratio, quemadmodum ab indicatione istius morbi sumitur  
exsiccatione, discussione, & refrigeratione perficitur, hoc pa-  
cto per horam unam ante cibum nutrix sumat uel bolum,  
uel potionem descriptam in præcedenti capite, de herpete mi-  
liari, & si etiam influat amplius humor, prohibendus primū  
est ipsorum influxus per capitis euacuationem, atq; potius cor-  
poris purgationem, modo, quo in præcedenti capite, à nobis de-  
scriptum est. At uerò si parua affectio existat, sola localia,  
& partialia appellata remedia, citra totius corporis euacua-  
tionem suffecerint. sed hoc intellige, aut in nutrice, aut in a-  
dultis. Purgatio enim in infantibus, ut à principio dictum  
est, ualde timenda est. Verum si infans erit ætatis annorum  
duorum, uel ultra, non absurdum erit ei exhibere rabarbari.  
electi, contriti, scrup. s. uel cum iure pulli, uel cum saccharo  
rosato, aut cum passulis s. a. præparati, uel agarici præparati  
drac. i. cum saccharo rosato, sed antequā ad localia deuenias,  
prius capilli abrafo capite, tollantur, postea bis, aut ter ex li-  
xiuio calido, in quo prius ebullita sit myrtus, aut rubus, aut  
lens, aut lupini amari, aut asparagi radix, aut bryoniæ, locum  
affectum ablue, & fove, Mox R. succi baccarum myrti, fo-  
liorum rubi, plantaginis, salicis, & polygoni an. ꝝnc. s. misce,  
& illine; Et omnia quæ facultate sua incidant, discutiant,  
& repellant, conueniant, ueluti est acetum, quod exquisi-  
te



te acidum sit, in quo nulla penitus uini qualitas appareat. Hoc ipso sanè, pharmaca, metallica, appellata, modo hoc, modo aliud imbues, achoribusq; ex eis medeberis. Sed animaduertendum, quòd semper à leuioribus, & imbecillioribus incipere præstat; præsertim in infantibus, & cum dolor simul in ipsis achoribus adest. Rectè enim Galenus inquit, Apollonius in primo de parabilibus, ad achoras sic scripsit. Rosaceo oleo caput illine; deinde post hoc betæ succum similiter illine. Tertio deinceps testudinis sanguinem eodem modo adhibe. Quarto laurino oleo caput illine; Et quinto crocino unguento inunge. Ex his sanè primum debilissimum est pueris, & mulierculis, teneræ carnis in principio affectionis utile existens; concoquit enim, & discutit, ac moderatè repellit; at uero testudinis sanguis, curiosum, & superuacaneum est pharmacum; Laurinum autem fortiter calefacit, & discutit, opusq; habet corporis totius, & capitis euacuatione, quo discutiat humores, achoras facientes. Ego uero sæpè expertus sum subscriptum unguentum, quo nonnullos infantes curauim, inungendo tantummodò ac tertio die in tertium achoras ipsis, R. pulueris rosarū, pulueris bryoniæ, fimi colūbini, æris uiridis, sulphuris an. drac. ij. olei iūiperi q. s. misce, et omnia simul in mortario benè terantur, donec reducātur ad formam unguenti. Prodest etiam fænigræci decoctū affrictū, malua cum uino, & farina ordacea subacta. Itē melilotū cū farina fænigræci, & uino impositū. Verūm si sanies ex ipsis achoribus, ualdè adhuc abūdauerit, tūc R. terræ lēniæ, cimoliæ, et samie, pōpholygis, spodiij, spumæ argēti, cadmiæ an. dr. i. terantur oīa subtilissimè, postea adde olei rosacei omphacini q. s. misce, et

L 2 illine.

Gal. libid. clir  
ca med.



Aetius lib.  
4. cap. 22.

illinc. vel R. spumæ argenti, cerusæ utriusq. bessem. seminis  
erice, thuris, utriusq. drac. iiij. uino, & oleo raphanino terito,  
ac utere. Vel R. acaciæ fulvæ ꝛnc. i. laudani trientem,  
mirrhæ, sextantē opij drac. i. aqua palustri excipe, & forma  
pastillos, & utere asidue, quòd si ex his morbus non quiescat,  
medicamentum ex charta siccum, aceto dilutum, illinendū,  
uel ex sola charta exusta, & aceto diluta, illinendum.

## DE FAVIS.

## CAP. VIII.

DEFINIT.  
MORBI.

CAUSA.  
SIGNA.

PROGNO-  
STICA.

RATIO  
MEDICA-  
MEN.

**Q**UIDAM Morbus etiam in infantibus inuenitur  
achori similis, maioribus tamen faraminibus, in qui-  
bus sanies mellis similis instar faui continetur, propterea à la-  
tinis cerium, seu fauum dicitur, Græci uerò χηγίων uocant.  
Causa istius affectionis, una cum achoribus est. Signa circa  
ulcera, hoc modo, innotescunt; squammæ apparent, cum im-  
menso pruritu, & quod fluit instar mellis est. Et pars progno-  
stica habet eandem rationem, quam ea, quæ ex achoribus de-  
clarata est. Curatio etiam similis est, nihilominus caput de-  
radendum, & ex decocto maioranæ, chamæmeli, mentastri,  
stachados, & thymbræ, quotidie abluendum est, postea cum  
unguento hic descripto inungendum. R. lithargyrj, cerusæ, an-  
ꝛnc. s. sulphuris, hydrargiri an. drac. ij. olei rosacei. drac. iiij.  
aceti drac. ij. omnia simul in mortario commisceantur, donec  
suscipiant formam unguenti, quo bis in die, manè, et sero post  
supra scriptam ablutionem inungatur.

DE



DE TINEA. C A P. VIII.

**S** Achores, aut faui male, aut tardè curentur, aliquan-  
dò accidit infantibus morbus ille, qui dicitur tinea, quem  
etsi multi sub nomine ipsorum achorum à tinearum in ue-  
stibus similitudine, etiam comprehendere arbitrantur, nihilomi-  
nus, mea, quidem sententia, differt tinea nostra ab achoribus,  
quia achores sunt capitis ulcera (ut capite proprio dictum est)  
manantia, & tenuissimis foraminibus, cutem perforantia,  
ex quibus sanies effluit glutinosa. Et tinea non solum ul-  
cerat, sed cum fetore, & crustis, & capillorum deciduo de-  
turpat caput, & totum aspectum; Ex Græcis nullum uidi,  
qui hoc nomine morbum ipsum descriptum habeat, forsan  
sub achoribus eum cōplectentibus; ex Arabibus uerò Aui-  
cenna (ni fallor) nomine sahafati sicci eundem explanauit;  
Et Auenzoar duobus capitibus scripsit de tinea, & de acho-  
ribus humidis. Causa ut plurimum ab humore melancholico  
originem trahit; stimulantibus aut excitantibus achoribus ip-  
sis, aut mala uictus ratione, aut contagione. Signa satis no-  
ta sunt, ut dictum est superius. Et quia tinea ipsa dupliciter  
diuiditur, Vna, quæ est mitis, & recens, Altera uerò quæ est  
antiqua contumax, & rebellis; quæ mitis, & recens est, facile  
curatur, & contingere potest lac sugentibus infantibus; anti-  
qua uerò cum sit difficilis curationis, & infantibus lacte alē-  
dis haud quaquam contingat, nobis prætermittenda est, &  
de mitiore agendum, quæ etiam nisi rectè curetur, sepe in le-  
pram, & pediculorum abundantiam terminatur. Vici ratio

DEFINIT.  
MORBI.

CAUSA.

SIGNA.

PROGNO-  
STIC.

VICTVS  
RATIO



Auic. lib. 4.  
R. 7. trac. 3. c.  
m

RATIO.  
MEDICA-  
MENT.

ratio instituenda est in omnibus sex rebus, non naturalibus, uergens potius ad humidum, & calidum, quàm ad siccum, et frigidum, ut morbi indicatio nobis ostendit; Nutrix uel infans, si quid comedit, omnia euitet, quæ dulcia sunt, quales dactyli, & omnia acria, acuta, salsa, crassa, & nimis calida. Comedat panem benè fermētātū, carnes uitulinas, hēdinas, & aues terrestres, cum pauco aceto paratas; Confert enim, at acetum solum noxium est. Bibat uinum album, tenue, & aquosum. Alius quotidie deiciat, uel spontē, uel arte, itā ut dictum est, à principio, euitet uigilias noctis, somnū diurnum, & animi perturbationes, exercitationi incumbat. Deinde causa curationis istius morbi in primis ad euacuationem materiae peccantis deueniendum est. In nutrice igitur euacuanda est, cum exhibitione electuarij lenitiui, & reubarbari, & in infante, cum agarico, uel reubarbaro, eo modo, qui declaratus est in capite de achoribus, ad quod reuertatur. Postea sic peracta euacuatione, capilli in primis à capite auellantur, mox ex puluere nitro, & sepia an. unc. i. fricetur totum caput; Deinde de tertio in tertium, ex decocto in capite præcedēti descripto, abluatur, adeo ut una die, fricetur, & depiletur, & altera abluatur caput, & post eius exsiccationem oleo amygdalarum dulcium, aut nucum inunge, & si opus fuerit, cum fortioribus inungere, unguento descripto in capite præcedenti inungito.



**C**IRCA Cerebrum, seu membranas ipsum cerebrum amplectentes, quarum, interior pia, exterior uero dura, mater uocatur; in infantibus oriri solet affectio, quæ à Plinio ardor capitis uocatur, & à Græcis *εργασίς* nominatur, quamuis Aetius dicat, *syriasm* ipsam esse in infantibus partium cerebri, & membranarum inflammationem, & Aui cenna morbum hunc erysipelatem esse arbitratus est, sed quomodocūq; sit originem, seu causam trahit à bile flaua, ut indicant signa, quæ sunt sincipitis dolor, & inflammatio à cauitate cuius *syriasis* appellata est, *εργος* enim græcè fossa, seu corpus cauum dicitur; Nec non inter signa etiam istius morbi inseparabilia sunt, oculorum cauitas, cum rubore, & pallor in facie, febris ardens, corporis siccitas, et prostratus appetitus. Et ut plurimum morbus ipse triduo interficere solet. Verum si temporis illius spatium superauerit, tunc salutis spem procul dubio habere poterit. Quibus enim cerebrū *sphacelatū*, id est corruptū est, ij. tribus pereūt diebus. Si uero hos euaserit, sani fiunt, et uelox in eo mors est, quia, et morbus grauisissimus, et pars principalis maxime est affecta. Curatio uero huius ægritudinis perficitur ea uictus ratione, purgatione, & medicamentorum localium administratione, quæ in capite de erysipelate fufius descripta est, ad quod se referat. Verūtamen si aliquid iniungere licet, fiat ut indicatio nobis ostēdit, frigidis, et humidis, prout est succus melonis, citrulli, cucurbitæ, cucumeris, et portulacæ, uel leniamus, & mediocriter frigefaciamus caput *co-*  
*riandri*

Plinius lib.  
20. cap. 3.  
Aetius lib.  
4. cap. 13.

Auic. lib. 3.  
F. 1. trac. 3.  
cap. 5.  
DE FIN.  
MOREI.  
CAUSA.  
Aetius ibid.  
SIGNA.

Auic. ibid.  
PROGNO-  
STICA.

Hip. lib. 7.  
aphor. 50.

Gal. ibid. in  
com.

VICTVS  
RATIO

MEDICA-  
RATIO.

Aetius ibid.



riandri succo cum rosaceo humectantes; sed & totum corpus ex hoc illinatur, aut cucurbitæ ramenta sincipiti impone, aut uitis folia, aut portulacam, cum rosaceo tusam, aut heliotropij scorpiuri succo sinciput illine, aut oui luteum, cum rosaceo concutito, & sincipiti illinito, & assidue permutato.

## DE INFLATIONE CAPITIS AB AQUA

## EXTRA CRANEUM.

## CAP. XI.

DESCRIP-  
TIO  
MORB.

SIGNA.

CAUSAE.

**I**NFLATUR caput in infantibus, ut plurimum, paulò ante natis, adeò ut interdum caput ferre non posse uideantur: quem morbum κεφαλῆς ἐμφυσήματα greco sermone, & latino, capitis inflationem esse dicimus. Et generatur aliquando, uel ab aqua præter naturam in ipso capite coaceruata, uel à flatuosa materia, & cum sit ab aqua, ægritudinem ipsam Græci ὑδροκεφαλὸν uocant, latini aquam in capite congregatam, de qua nunc primum pertractare uolentes opera pretiū est, ut ante omnia affectio ipsa bifariam diuidatur; Aqua enim ipsa duplici modo, uel intra craneum generatur, pro ut in sequenti capite declarabimus, uel extra. Si extra, causæ tunc erunt, ut plurimum cum obstetrix errat, & comprimit caput, & separat ipsum, & aperiuntur orificia uenarum, & currit ad illud, quod est sub cute, sanguis aquosus; Et quandoq; sunt humores alij, ab humiditatibus aquosis. Vel etiam, mea quidem sententia, fieri poterit ob incuriam nutricis, aliquo ictu, uel casu, uel alio modo, in nutriendo, uel capite pannis inuoluendo, ultra modum stringentibus, uel lædētibus, unde commissuræ aperiuntur, & exprimitur aquositas illa, quæ

Anic. lib. 3.  
trac. 3. cap.  
11.

ALIAE  
CAUSAE.

SVTO IV  
OITAE

ACIEM  
OITAE

didit uina



in cerebro uiget ad exteriora cranei inter cutem, & cranium,  
 & sic caput inflatur. Signa satis innotescunt; inflatio enim  
 cutis capitis adeò extenditur, ut uidere ultra ipsam aquam  
 possimus, & grauitas extra craneum sentitur, quam infans  
 facile explicaret, si uerbis exprimere posset, & facile tactui ce-  
 dit inflatio ipsa, infantis assiduus eiulatus, & uigiliae. Obser-  
 uandum uero est, ne infans ipse egrotus spasmus incidat,  
 mortem enim portendit. *Victus ratio* nutrici instituat, *VICTVS*  
 hoc pacto, aer eligatur uergens ad siccum, & calidum, & si *RATIO*  
 opus fuerit cum igne, et odoribus in cubiculo alteretur, exer-  
 ceat se quotidie mane, & uesperè horam unam ante cibum,  
 & frictionibus indulgeat, caput suum, & pariter caput in-  
 fantis pectinet, uentrem ab excrementis euacuet, uel sponte,  
 uel arte, uigiliae sint longiores solito, somni breuiores; & post  
 cibum, diurnum somnum omninò euitet, utatur cibus boni  
 succi, & facilis concoctionis, exsiccantibus, asis, uel fixis, ue-  
 luti sunt carnes columborum, & omnium auium terrestrium,  
 uitulorum, & hedorum. Panem biscoctum cum semini-  
 bus anisorum, & pauco sale subactum comedat. Vinum  
 paucarum uirium bibat, sed satis maturum, & sitim toleret,  
 parum bibendo. Euitet fructus omnes, præter nuces, amyg-  
 dalas, & auellanas, & etiam omnia olera, præter saluiam,  
 maioranam, & ocymum. Euitet legumina, & omnia fla-  
 tuosa, unctiosa, & humida. Indicatio istius curationis duo  
 bus modis perficitur, uno cum localibus exterius adhibitis ad  
 caput infantis, altero incisione per chirurgiam, quæ applican-  
 tur exterius, debent habere facultatem exsiccandi humidi-  
 tatem, & cerebrum corroborandi ueluti, R. olei chamæme-

SIGNA.

PROGNO-  
STICA.VICTVS  
RATIOMEDICA-  
MENT.  
RATIO.

M lini



lini, de lilio, an. ꝑ. iij. succi maioranæ, drac. iij. pulueris thuris, sulphuris an. ꝑ. s. misce, & bis in die, manè, & serò, caput infantis calide inunge; postea pannum ex lana calidum superpone, & per dies quinq; quotidie inungatur; Deinde urgente morbo applicetur hoc cataplasma; R. styracis, olibani, sarcocollæ, gummi arabici an. ꝑ. i. liquefiant in uino albo styptico q. s. deinde adde farinæ fænigræci, fabarum, seminum lini an. ꝑ. i. olei anethini ꝑ. iij. misce, & s. a. fiat cataplasma, quod super linteolum extensum superponatur capiti, & ligetur. Vel alio modo R. pulueris florum chamæmeli, thymi, calamenti, origani, serpilli, gallarum cupressi an. drac. ij. nucis muscatæ, gariophylorum, cinnamomi, croci, corticum citri, macis an. ꝑ. s. ceræ liquefactæ ꝑ. iij. succi maioranæ ꝑ. iij. misce; s. a. & fiat emplastrum, & calidum applicetur; sternutamenta etiam præstant, uel cum puluere seminis sinapis, aut piperis, uel cum puluere ranunculi, aut hellebori albi, uel cyclamini, moderate in naribus infusis. Per chirurgiã uerò aqua ipsa extrahi debet, hoc pacto; In primis in ipso infante, uentre exonerato, uel adhibito suppositoio, uel clystere communi, fiat incisio cutis capitis in ea parte, uel secundum latitudinem, uel longitudinem, ubi magis propendet materia, ut facilius exeat; nam ad quem locum uergit natura, eo ducere, & educere humorem noxium, conuenit. Verum cum sit incisio ipsa, omni diligentia illud attendendum est, nè semel uno, & eodem tempore, tota aqua ipsa extrahatur. Etenim simul cum ipsa exeunt spiritus uitales, & uires resoluuntur. Propterea paulatim, duorum, uel trium dierum interuallo, euacuanda est. Et statim post incisionem, panniculi inferius

Gal. lib. 1.  
aphor. 21.



ferius descripto linimento infusi ponantur supra ipsam incisionem, R. olei rosati completi, chamæmelini, uini nigri styptici an. ꝛnc. ij. omnia benè simul misceantur, & utere. Vel R. olei rosati omphacini, olei hyperici an. ꝛnc. iij. misce, & cum ligatura satis forti, & stricta, caput post incisionem, ligetur, & sic procedatur usq; ad consolidationem, et perfectam resolutionem morbi; Et si opus fuerit, in dictis oleis addantur pulueris myrrhæ, & thuris q.s. quoniam exsiccant; Extrahitur etiam alio modo aqua ipsa, admouendo moderate caustica medicamenta ad occipitium, uel ad sinciput, secundum exigentiam loci affecti, & si in incisione caro nimis tardare uideatur eius generationem, os eius leniter radatur.

Auc. ibidem

DE INFLATIONE CAPITIS AB AQUA  
INTRA CRANIUM.

CAP. XII.

**C**ONGREGATIO Aquæ, ut dicunt latini intra cranium, & Græci υδροκεφαλον εἶδος κρανιον causam trahit, aliquando à positura infantis in utero matris, ex qua cum caput propendeat, & omne graue deorsum tendat, substantia illa aquea ex suppressione menstruum retenta, facile ad ipsum caput defluit, & ibi facile retinetur, cum ob capacitatem ipsius loci affecti, tum etiam propter naturam ipsius cerebri humidam, & augetur propter malam uictus rationem matris humidam præteritam, seu uaporosam, dum in utero ferabatur infans. Signa

DESCR.  
PTIO  
MORB.

CAUSA:

SIGNA:

M 2 nobis



nobis innotescunt propter tumorem, quia non adeo magnus est, ut quod extra cranium est, & uigilias, et ploratus, & grauedinem, quæ sentitur interius, et quia oculi claudi non possunt, assidue lachrymantes, intuentesque, aperti quasi semper in unum locum. Propterea hic morbus difficulter suscipit curationem, & periculum mortis imminet, tum propter cerebri uiciniam, tum propter infantis uirium imbecillitatem. Quamo-

Auic. lib. 3.  
trac.  
cap. 11.

VICTVS  
RATIO.

RATIO  
MEDICA-  
MEN.

bre indicatio istius curationis, superat humani ingenij uires, & potestatem hominis, nihilominus exsiccationibus, calefactionibus, & cerebrum corroborantibus perficitur. Quapropter uictus ratio conuenit, quæ præcedenti capitulo descripta est. Medicamentorum uero remedia supra caput, & infra aures, & nares applicanda sunt, ueluti R. limaciarum cum testis earum numero 30. maioranae M. i. contundantur omnia simul, postea adde pulueris camphoræ, croci an. drac. s. & cum oleo chamæmelino q. s. misce, & f. emplastrum, & calidum capiti apponatur, & non remoueat, donec per se cadat, deinde R. pulueris sulphuris, thuris an. drac. i. pulueris sagapeni, euforbij an. scrup. s. olei chamæmelini amygd. amararum, de behen, de lilio an. drac. s. misce omnia simul, & quotidie manè semel tantum, tres, uel quatuor guttæ istius liquoris ad summum imponantur auribus. Postea R. pulueris nucis myristicæ, quam muscatam uocant, charyophylorum an. scrup. i. pulueris cubebarum, caphoræ, radicis acori, corticis thuris an. drac. s. aquæ maioranae, absinthij an. drac. iij. misce, et postea quadam penna in utranque partem narium immissa insuffletur, corroborando sæpè cerebrum odoribus optimis, ueluti musco, ambræ, & camphoræ, & eo modo perseueretur quotidie,

usq



usq; ad resolutionem materiae, cuius si spacio dierum quindecim, uel uiginti, non fiat ipsa resolutio, tunc ad incisionem, & perforationem ossis cranei deueniendum erit, & in hoc adhibenda est per peritum chirurgicum maxima diligentia, in facienda perforatione, in ea parte, in qua saepius caput inclinare uideatur; Et cum facta fuerit perforatio, cauendum est, ne aeris frigiditas, uel humiditas caput infantis ledat, immò semper calidum conseruandum est, & aqua post perforationem extrahi debet, paulatim pluribus uicibus, ne uirtus infantis facile succumbat, & cum panniculis madefactis in oleo chamamelino, & melle rosato super incisionem, & perforationē positis curetur, donec tota aqua extracta fuerit, postea ad consolidationem incisionis, secundum praecepta artis deueniendum erit.

## DE INFLATIONE CAPITIS A FLATU.

## CAP. XIIII.

**I**NFLATIO Capitis à flatu, ut dicunt Latini, & Græci κεφαλῆς ἐμφυσία, est affectio, quæ ut tympanites in uentre à spiritu flatuoso generatur, ita & ipsa, uel à mala lactis nutriticis, uel à loci, uel ab aeris ambientis qualitate præterita, fit. Spiritus enim flatuosus sub cute aliquando, interdum sub membranis ossa, uel musculos ambientibus, collectus in inflationem producit. Etenim dum calor imbecillis est, sub multa humiditate cruda, & uiscida contentus, & suppressus, cum exsuperare eum nequeat, propter eius imbecillitatem, suturas infringit, dilatatq; & foras erumpit. Propterea inflatio

DEFINIT.  
MORBI.

CAUSAE.

Paul. egino.  
lib. 4. cap. 28.

SIGNA.



Auic. lib. 3.  
F. 1. trac. 3. c.  
11.

PROGNO-  
STICA.  
VICTVS  
RATIO

Paul. lib. 4.  
cap. 28.  
RATIO  
MEDICA-  
MEN.

tio ipsius capitis, uigilia, dolores, & fletus præter consuetudi-  
nem sunt istius ægritudinis signa. Verum si alui fluor super-  
uenerit malum, ita & febris; Propterea timendum est, &  
tempestiue ad curandum deueniendum. Victus ratio institua-  
tur nutritici, quemadmodum instituta est in capite de inflatio-  
ne ab aqua extra cranium, & si quid iniungendum est, mea  
quidem sententia, tantum obsonia, & fercula parari debent  
cum pipere parumper fracto, uel cinamomo, origano, apio, sal-  
uia, fœniculo, cymino, & similibus. Indicatio autem curatio-  
nis perficitur, ijs, quæ raritatem ipsius cutis capitis inducere,  
uel crascorem spiritum extenuare ualent; ueluti R. olei cha-  
mæmelini lib. s. seminum rutæ, apij, anisorum, cymini an. dr.  
iij. bulliant omnia simul, postea panniculos madefactos ipso  
oleo capiti superpone. Deinde R. origani castorei, cymini con-  
triti an. grana i. lactis nutritici q. s. ad dissoluendum misce,  
& infanti tribue. Et in auribus oleum de been, amygdalarum  
amararum, & anethinum an. partes æquales infunde quoti-  
diè manè, & serò. In nares uerò aquam maioranæ immitte,  
cataplasma quoq; præscriptum in capite ab aqua extra cra-  
nium apponito, & sic perseuerato usq; ad resolutionem ipsius  
flatus.

## DE TERRIBILI SOMNO.

### CAP. XIII.

DESCRIPT.  
MORB.

Auic. lib. 1. F.  
3. doc. 1. c. 3  
circa finem.

**A**CCIDIT aliquando in infantibus dormientibus affe-  
ctio quedam quæ à latinis dicitur terribilis somnus, & à  
Græcis τῆν νοσην τῆν τοῦ κοινοῦ, uel τῆν τοῦ κοινοῦ & causa istius  
mor



morbi, est nimia repletio lactis, aut cibi, in uentriculo facta, & ijs infantibus præsertim, qui sunt natura edaciores, quando loca ad uentriculum pertinentia, sensu quidem uigeant, sed imbecilla existant; cibus uerò corrumpitur. Nos si quidem obseruauimus non in infantibus solum, sed etiam in ætate prouectis, terribiles fieri per somnos imaginationes. Signa nota sunt in somno; exterrefacti enim sine mora in pauorem, & clamorem aliquandò incidunt. In uigilia uerò calor præter naturam in stomacho accumulatur, & ex ore infantis odor fætidus exire percipitur. Quod si hoc uitium perseueret periculum est, ne incidat in epilepsiam. Indicatio uerò istius morbi perficitur, nutrici exhibendo melioris succi, & facilioris concoctionis solito, cibum. Et lac infanti in minori quantitate solito, prohibendo, cum ipse infans habet repletionem lactis in stomacho, ne dormiat quousq; lac descendat, nec non quotidie exhibendo infanti ipsi, ieiuno stomacho, mellis puri, & in melius despumati, per tres dies continuos, cocleare semis pro qualibet uice; Abstergit enim mel stomachum à lacte, & expellit ad exteriora. Prætereà si opus fuerit, aluo non deiciente, fiant suppositoria ex simplici melle in principio, postea adde salis gemmæ q.s. & iniiciantur, quoniã ad inferiora lac corruptum trahunt.

CAUSA.

Gal. lib. 1. aphor. 24. in comm.

SIGNA.

IUNCTVS RATIO.

Auc. ibidem

## D E V I G I L I I S.

## CAP. XV.

**E**TSI modū et rationē de somno infantibus cōciliādo, capite proprio, libro secūdo huiusce artis, abūde docuimus; nihilomi



Hip. lib. 7.  
aphor. 67.  
Gal. lib. 3.  
aphor. 24.

DESCRIP-  
TIO  
MORB.

CAUSA.

SIGNA.

PROGNO-  
STICA.

VICTVS  
RATIO.

MEDICAM.  
RATIO.  
Auc. lib. 1.  
F. 3. doc. 1. c.  
3.

hilominus, quia ipsis infantibus insuetæ uigilia adeò intense  
accidunt, ut nec positio papillæ mamillarum in ore ipsorum,  
nec motus, seu agitatio in cunis, nec uocis modulatio, nec inuo-  
lucrum exquisita mundities iuuent, & tollant uigilias ip-  
sas, quia omninò modum excedunt, & præter naturam  
sunt, & rationem morbi assequi uidentur. Somnus enim,  
& uigilia utraq; modum excedentia morbus. Vi-  
gilia uerò haud quaquàm ipsis sunt assuetæ, ut qui maiori par-  
te temporis dormiant, nisi fortè ob ipsam passionem fieri in-  
fantibus uigilias opinemur, quoniam somni abundantia ipsis  
maximè secundum naturam inest. Verum quia affectio ip-  
sa diurno, & nocturno tempore per seuerat, latino potius excu-  
biæ, quàm uigiliæ, & græco sermone *ὑπνολαγία* uocantur, &  
originem trahunt à nimia copia lactis, in uentriculo sumpti,  
cum nimia etiam assumendi auiditate. Quapropter stoma-  
chus oppressus, ita, ut digerere, & concoquere non possit, trans-  
mittit uapores crudos ad caput, qui uigilias, & pauores prouo-  
cant. Signa manifesta sunt, uigiliæ scilicet, & ploratus, Et  
quia in longis uigilijs biliosior redditur sanguis, & magis exsic-  
catur corpus. Propterea timendum de febre hectica. Aer  
igitur eligatur obscurus, potius ad calidum, & humidum, quàm  
ad siccum, & frigidum uergens. Nutrix utatur in cibo ijs,  
quæ somnum inducunt, ueluti lactuca, summatibus papa-  
ueris albi, & seminibus, & decoctionibus earum, et similibus,  
& uescatur melioris succi, & facilioris concoctionis cibus.  
Deinde, morbo per seuerante, si opus fuerit, R. corticum papa-  
ueris albi subtiliter cōtriti, unguenti populeonis an. drac. ij. olei  
rosati, lactis nutricis an. q. s. misce, & s. a. f. linimentum,  
& ex



Et ex eo circa tempora, frontem, & commissuram coronale  
 infanti inunge, uel R pulueris subtilissimi papaueris albi, amo  
 mi, aloes an. drac. ij. olei de lactuca, papauerini, an. q. s. ad dis  
 soluendum, & incorporandum misce, et s. a. fiat linimentum,  
 & locis predictis inunge. Quidam uero etiam exhibent opia  
 ta, prout de requie nicolai scrup. i. dissolutum cum lacte nu  
 tricis, sed animaduertant studiosi, quod in omnibus homini  
 bus humidam cerebrum est, at in infantibus humidissimu;  
 propterea periculum est, ne exhibendo eis opiata, incurrant in  
 epilepsiam, uel apoplexiam. Igitur melius, uel tutius est, ut  
 nutrix bene rigatur, alterando lac frigidis, & humidis, &  
 idem pro cibo exhibendo ipsi infanti tanta quantitate, quan  
 tam stomachus ferre possit, & concoquere, inungendo, ut su  
 pra statutum est, quoniam sic tuto, & incunde curabitur.

## D E E P I L E P S I A.

## C A P. I. X V I.

**S**i infanti lac sugenti, detentio repentina mentis, & sen  
 suum omnium contigerit, morbus ille, latine dicitur comi  
 tialis, seu regius, Græcè autem *ῥεγία*, cuius causa duplex  
 est, uel ex intemperie ingenta cerebri frigida, & humida;  
 Epilepsia enim plurimum accidit pueris ob eorum humidita  
 tes, uel ex aliqua externa, & accidentali causa, ueluti ex ca  
 su, & ab humore frigido, & crasso, à mala uictus ratione  
 præterita, genito. Signa sunt mentis detentio repentina, ut  
 dictum est supra, sine sensuum motu; cum spuma ab ore pro  
 fluente; Et quibuscunq; morbi comitiales fiunt, ante puberta

N tem,

DEFINIT.  
 MORBI.  
 CAUSA.  
 Auic. lib. 3.  
 trac. 5. F. 1.  
 cap. 8.

Gal. lib. 2. a.  
 phor. 45. 1.  
 comm. 7.  
 OITAN

SIGNA,

Hip. lib. 5.  
 aphor. 45.



PROGNO-  
STICA.VICTVS  
RATIO.Hip.lib.2.a-  
phor.45.MEDICA-  
MEN-  
RATIO

tem, mutationem accipiunt; quibuscunq; autē uigesimo quin-  
to anno fiunt commoriuntur. Propterea in infantibus, si re-  
cte curentur, bene est sperandum. Vnde aer in primis om-  
ninō de uno in alium locum mutetur, & mutatio fiat ad sic-  
cum, & calidum, ut ipsius Hip. doctrinam obseruemus, di-  
centem. Quicunq; iuuenes morbo comitiali laborant, muta-  
tione maxime etatis, & temporum, & lacorum, & uictuū  
quoq; liberantur. Nutrix igitur utatur cibo melioris suc-  
ci, & facilis concoctionis, in quo comedere inter olera po-  
terit betonicam, boraginem, saluiam, maioranam, petro-  
selinum, & fœniculum, & flores betonicæ, boragi-  
nis, & saluie, & semina pœoniæ; inter aromata nuces mu-  
scatas, gariophyllos, zingiberum, cardamomum, inter fru-  
ctus pyra cocta, amygdalas, & auellanas, & mala cydonia.  
Comedat carnes uitulorum, hædorum, & auium terrestriū,  
ut perdicum, turdorum, alaudarum, phasianorum, et similiū;  
comedat panem benè fermētatum, & satis coctum; Bibat  
aquam mellis, cum saluia decoctam; Euitet omnia alia ole-  
ra, et uinū, et acria, et caseosa, lacticinia, alliu, raphanū, porriū,  
cæpā, legumina, cibos ex pasta confectos, carnes bubulas, ouil-  
las, & suillas, & pisces omnes, non comedat ante digestionē,  
& fugiat cruditates, tā in ipsa nutrice, quā in infante; Et  
animaduertendū est, ne lac uitiatum sit, quod curari debet, se-  
cundū eius uitiū, eo modo, quo, suo loco declaratum est, in pri-  
mo libro istius artis, qui legendus est scire uolenti. Infans uerò,  
ut indicatio istius curationis obseruetur, dum est in paroxys-  
mo excitetur suffumigijs ex plurimis, uel ex ruta, uel ex gal-  
bano, uel assa fætida, uel fricationibus. Postea tēpore quie-  
tis,



tis, quotidie, mane, ieiuno stomacho ei exhibeatur scrup. s.  
 istius electuarij, uel etiam scrup. i. secundum ætatis fortitu-  
 dinem ipsius infantis; deinde statim admoueat ipse infans  
 mammillis nutriticis, & earum papilla in ore, eius ponatur, ut  
 simul cum lacte, deglutiat ipsum electuarium; quod sic con-  
 ficito. R. granorum pæoniæ, subtilissimè contritorum, pulue-  
 ris cardamomi an. scrup. s. nucis myristicæ, quam muscatam  
 uocant, mithridatici electi drac. ij. mellis optimè despumati,  
 parum misce, & fiat electuarium; postea super commissurâ  
 coronalem ponatur aliquantulum istius pulueris; R. seminū  
 pæoniæ scrup. iij. nucis myristicæ, cardamomi, gariophyllo-  
 rum an. scrup. i. rosarum rubearum, coralliorum rubeorum,  
 myrtillorum an. drag. i. misce & fiat puluis subtilissimus, &  
 renouetur super caput infantis, tertio quoq; die, & quando se-  
 cundus ponitur puluis, remoueat primus. Vel R. olei sesa-  
 mini ꝑnc. i. s. sacchari candidissimi ꝑnc. i. contriti misce,  
 quotidie sæpè post somnum de eo, ad lambendum, præbe co-  
 cleare unum, nec non post balneum, & fricationes, manè quo-  
 tidie corpus ipsius infantis inungatur oleo chamæmelino ca-  
 lido. Præterea Albertus Magnus laudat smaragdum, col-  
 lo alligari ad arcendum proprietate occulta comitalem mor-  
 bum. Laudo etiam ut collo suspendatur radix pæoniæ;  
 nam de ipsa loquens Gal. inquit; Equidem uidi puel-  
 lum quandoq; octo totis mensibus morbo comitali li-  
 berum, ex quo hanc radicem gestauit, ac postea fortè  
 fortuna cū, quod à collo suspensum erat, decidisset,  
 protinus denuò conuulsione correptum, rursusq; suspen-  
 so in locum illius alio inculpate postea egisse, porro

N 2 uisum

Alb. Mag.  
 de minerali-  
 bus lib. 2.  
 trac. 2. cap.  
 17.  
 Gal. lib. 6.  
 de simpl med  
 fac. cap. de  
 glycyflida



uisum est mihi satius esse rursum, id collo detrahere, certioris experientiae gratia, id cum fecissem, ac puer iterum esset conuulsus, magnam recentis radice partem ex collo eius suspendimus, ac deinceps prorsum sanus effectus est puer, nec postea conuulsus est.

## DE PARALYSI.

## CAP. XVII.

DEFINIT.  
MORE.

**A**FFECTVS ille, qui motum uoluntarium, & sensum in aliqua corporis parte, non autem in totum offendit, & impedit, & hoc consentientibus, & patientibus musculis, & neruis; A Latinis dicitur neruorum resolutio, & Grae-

Gal. lib. de  
atra bile c. 5.  
circa finem.  
CAUSA.

ce  $\alpha\alpha\epsilon\lambda\upsilon\sigma\iota\varsigma$ , & causa, ut plurimum in infantibus est humor lentus, & crassus resoluens neruos, & aliquando accidit propter casum ex compressione cerebri, & ex forti ligatura, uel ex aliqua percussione, uel contusione. Verum ubi sensus,

SIGNA.

& motus uoluntarius impeditur, & urina (quae naturaliter ad lactis proprietatem trahit) ut plurimum uiridis, & tenuis, cruda, et pellucida percipitur, sunt huius aegritudinis manifesta signa.

PROGNO-  
STICA.

Et si paralytis cito non curetur, & annu pertransit, contrahitur habitus morbi, & ac proinde immedicabilis;

Auic. lib. 3.  
F. 2. cap. de  
para.

Et si membrum paralyticum extenuetur, aut minoretur, malum, quia non nutritur; superueniente uero febre, aut tremore, bonum quia tunc fit expulsio, & consumptio, seu

VICTVS  
RATIO.

resolutio materiae peccantis. Victus ratio statuenda est, eo modo, quo instituta est in capite praecedenti, de epilepsia, cum

RATIO

cibis asis, aridisq. Mox nutrix sumat quotidie mane sy-

rupum



rupum istam, per dies septem continuos. R. oximellis simpli MEDICA-  
MEN.  
cis, mellis rosati colati, syrupi de betonica an. ꝑnc. s. aquarum  
betonicæ, saluicæ an. ꝑnc. s. misce pro syrupo, deinde post syru-  
pos sumat pilulas de agarico, Mesue scrup. iiii. cum syrupo de  
stachade reformatas. Infanti autem ante balneum, quotidie  
mane iuncturæ paralyticæ inungantur ex oleis de costo, &  
de castoreo, & exhibeatur ei etiam scrup. s. pro qualibet uice,  
quotidie post balneum, per dies tres cōtinuos, & quinq; si opus  
fuerit, istius electuarij, cum lacte, eo modo, quo descriptum  
est, precedenti capite, in sermone de morbo comitiali. R. pul-  
ueris mentastri, rosarum, cinamomi, masticis, mei, phu, seu ua-  
lerianæ, ameos, doronici, zedoariæ, gariophyllorum an. scrup. i.  
sandalorum, ligni aloes an. drac. i. misce, & cum melle opti-  
mè despumato q. s. fiat s. a. electuarium; Nec non ablutio  
crurum infantis ex lixiuio decocto cum baccis lauri, & gra-  
nis peoniæ confert.

## D E C O N V V L S I O N E.

CAP. XVIII.

**C**um Nervi, & musculorum citrà uoluntatem, uel MORE DE-  
FINIT.  
in toto corpore, uel in parte, ad suam originem sit contra-  
ctio, seu retractio, morbus ille à Latinis conuulsio uocatur, et Gal. lib. 4.  
aphor. 57. in  
comm.  
à Græcis σπασμος, & tres sunt species conuulsionum, quæ  
græco sermone dicuntur σπασμοι, una idest tensio ad po-  
steriora εμμεσμοι, altera idest tensio ad anteriora, & ter-  
tia τετανος, idest æqualis tensio. Et quia conuulsiones fa-  
cile infantibus accidunt, & præcipue ijs, qui iam dentire in-  
cipiunt;

Hip. lib. 3. a-  
phor. 25.  
Gal. ibidem  
in comm.



CAUSAE.  
Gal. lib. 4.  
aphor. 57. in  
comm.

SIGNA.

Gal. lib. por  
phet. 3. com.

69

Gal. lib. 3.  
prognost.  
com. 34.

ciunt; Propterea de ea agere operæpretium est, quæ origi-  
nem, & causam, uel à repletionem, uel ab inanitione, trahit; om-  
nes enim conuulsiones secundum ipsum Hip. fiunt, uel ex re-  
pletionem, uel euacuationem partium, uidelicet neruorum, quæ-  
admodum chordis sæpè rumpi, ex repletionem contingit, &  
ex inanitionem propter siccitatem; ueluti si ad ignem neruosa  
corpora admouentur, uiolenter exsiccantur, & contra-  
hantur, ita & neruis humanis euenire solet. Verum ea  
conuulsio, quæ in infantibus erit, ob repletionem excitatur,  
uel ex deprauationem concoctionis, quæ tum ex dolore, & pū-  
tione dentium, tum ex nimia attractionem lactis ad nutritio-  
nem generatur, uel etiam ex imbecillitate neruorum, quæ  
humorum redundantiam facillè trahit, & illis sæpè contigit  
corpus crassum, & humidum, & dura aluus. Propterea fa-  
cillè conuulsionibus capiuntur. Signa sunt ista; si tensio erit  
ad posteriora scapulis, caput adnectere uidebitur; si ad ante-  
riora, in hoc, collum in anteriorem trahitur, & in posteriorem  
partem trahi non potest; si ab æqualitate, collum, & malæ re-  
tæ contrahuntur, & dentes utrinque hæere apparebunt, adeo  
ut neque annuere, neque renuere ceruix possit; sed immobilis cū  
reliquo corpore existat. Si à siccitate, uel inanitionem fiat cō-  
uulsio, signa sunt macies totius corporis, uel aliqua purgatio  
uiolenta præterita, conuulsiones enim ex inanitionem, post su-  
dorem multos, uel uomitus, uel deiectiones, uel sanguinis eru-  
ptiones, uel inedia, uel uigilias, uel motiones tum multas,  
tum uehementes fiunt. Nec non potissimum conuulsiones  
future cognoscuntur, si partes in uultu peruertantur, aut  
dentes strideant, aut oculi crebro moueantur, ac peruertan-  
tur,



tur, sed in pueris sufficit, si tantummodo uigilent, si admodum metuant, si mente lugeant, ac alius non deiciat. Prædicendum uerò est, infantes à conuulsione sicca non facile corripì, propter abundantiam humiditatis, & si ab ipsa capiuntur, facile curantur, propter humiditatem, & facilitatem mutationis naturæ ad habitum. In febribus autem, letales sunt conuulsiones, non letales uerò, quæ febres antecedunt. Propterea in primis si conuulsio à repletione ortum ducit, aer eligatur uergens ad calidum, & siccum, uel à natura, uel ab arte, igne alteratus; nutrix fugiat animi perturbationes, otium, & quietem; Excerceat se bis in die secundum consuetudinem, manè, & serò ante cibum, alius exoneranda est à fæcibus quotidie sponte, uel alternis diebus, arte, clystere communi. Somnus nocturnus sit breuior solito, & fugiat diurnum post cibum, & uigilias superfluas, cibus deinde sit leuior solito, & caueat ab omni cibo frigido, unctioso, & humido, & difficilis concoctionis. comedat panem bene fermentatum, & biscoctum, & carnes potius assatas, quàm elixas, uitulorum, hædorum, turdorum phasianorum, perdicum, & omnium auium terrestrium, & similibus, bibat aquam cum melle coctam, & caueat à uino, inter olera comedere poterit mentam, saluiam, petroselinum, & caueat ab omnibus alijs oleribus; inter fructus mala cydonia comedat, & nuces, & auellanas; Et seruata indicatione morbi, quæ perficitur, si in ipsa nutrice erit humorum præcipuè humidorum, & frigidorum abundantia, & fiat eorum purgatio hoc pacto, per septem

PROGNOSTICA.

Gal. lib. 4. aphor. 57. in comm.

VICTVS RATIO

MEDICAM. RATIO.



Septem dies continuos, sumat inferius scriptum Syrupum. R. Syrupi de stechade, mellis rosati colati, oximellis simplicis, an. ꝑ. s. aquarum saluie, maioranæ an. ꝑ. s. i. s. misce pro syru-  
po, deinde post assumptionem Syruporum, statim in die sequē-  
ti mane per horas quatuor ante cibum, capiat infra scriptas  
pilulas. R. pilularum ex agarico, mesue, scrup. iij. misce, &  
cum Syrupo de stechade reformatur pilulæ ꝑ. s. & in auren-  
tur. & in die, quo sumit pilulas ipsas, alia nutrix lactet infan-  
tem. Et ipse infans balneetur in mane, & præcipue cū par-  
te conuulsa, antequam lactet, ex aqua calida, decocta cum he-  
litropio; mox post ablutionem, irino oleo, aut cyprino, aut si-  
cyonio calido inungatur affecta pars. Vel etiam alio modo,  
cum pinguedine ceruina calida, aut ursina, aut uulpina inun-  
gatur; Vel alio modo, R. olei moschellini ꝑ. s. butyri dr. iij.  
terebinthinæ ceræ an. ꝑ. s. pulueris mastiches, styracis, mir-  
rhæ an. drac. iij. misce, & omnia in mortario bene agitentur,  
& s. a. f. linimentum. Verum si conuulsio prouenerit à sicci-  
tate, uel inanitione tunc aer debet potius uergere ad humidū,  
& temperatē calidum, quā ad siccum, & frigidum; Et  
uictus ratio in omnibus sex rebus non naturalibus, eo modo  
institui debet, & breuiter indicatio curationis uniuersa in hu-  
mectando, & restaurando infantem consistit, Et si nutrix  
uel paucum, uel uitiatum lac habet, si fieri possit, alia lactet  
infantem; Mutatio enim ipsius lactis in isto casu mirum in  
modum confert. Sin autem nutrix curetur, & ei succurra-  
tur, secundum qualitatem indigentie, prout à nobis ostensum  
est, primo libro huiusce artis, ad quem se referat. Mox infans  
quotidiē balneetur ex lacte uaccino, aut ouillo tepido, aut cū  
aqua



aqua decocta cum folijs salicis, ordeo, uiolis, & rosis, & in ipsum balneum mora sit brevis, propter debilitatem uirtutis, et statim post balneum membra conuulsa ex oleo rosaceo, aut amygdalarum dulcium liniatur, ne humiditas impressa exalet, & hoc continetur, donec sanitas recuperetur.

## DE OCULORVM SUFFUSIONE.

## CAP. XVIII.

**O**CULORVM affectio illa, quæ in infantibus, latino sermone, suffusio uocatur, & græcè *πλυνωσις* dicitur, nihil aliud est, quam crystallini humoris in casium colorem mutatio, & morbus ipse infantibus accidit, ob oculorum eorum imbecillitatem, respectu aliarum ætatum, duobus modis, uno, ex abundantia, & uariatione humorum, in eis contentorum, & adhuc concoctione carentium, et tunc albescent oculi ipsi, color enim uariatur, ex uariatione humorum, & humores uariantur de ætate in ætatem. Quapropter in infantibus, crescente concoctione, oculi uirescunt, & glauci fiunt, sicut plantæ, nam in principio cum nascitur non est apparentis tincturæ, immò declinat ad albedinem; deinde ipsa cum digestionem fit uiridis, & propter hanc causam, sunt oculi infantium glauci, & uarij, & huius quidem glauco fit secundum humiditatem; Altero modo, ex siccitate immodica prouenit, humiditatem ipsorum oculorum exsiccante, et in tenebricosum colorem oculos ipsos uertente, sed prout testatur Hip. Glauco à siccitate proueniens, in senioribus, ut plurimum, accidit; & hoc propter immodicam eorum siccitatem. Verum glauco,

O que

Actius lib. 7.  
cap. 51.  
DEFINIT.  
MORB.

Actius lib. 3.  
F. 3. tr. 2. cap.  
34

CAUSA.

Hip. lib. 3. a.  
phor. 31.

ALIA  
CAUSAE.



SIGNA.

PROGNO-  
STICA.  
A etius ibid.VICTVS  
RATIO.Aet. lib. 7. de  
resol. ocul.  
cap. 1.MEDICA.  
RATIO.

que à uarietate humorum, & redundantia in infantibus fit, ab aliqua aegritudine præterita, uel à mala uictus ratione, uel ab immodico fletu excitatur, cuius signa sunt albedo, aut uiriditas, aut color glaucus in oculo, & difficultas in uisu.

Prædicere autem licet glaucedinem ex siccitate prouenientem, incurabilem esse. Aliam uerò à redundantia, & uarietate humorum, de qua nunc scribere statuius in principio curationem suscipere. Victus ratio igitur instituat, ad calidum, & siccum uergens, eo modo, quo in capite, de epilepsia, nutriti, statutum est; Indicatio autem curationis perficitur, si in omnibus sex rebus non naturalibus, tam nutrix ipsa, quam infans caueant ab humidis, & frigidis, & in ferculis, fœniculum, & post cibum etiam semina eius, comedant. discutiit enim, et uisum roborat; Et si oculi infantis, solo oleo antiquo sublimantur. Pro uiribus deambulare, etiam lentè fricare totum corpus infantis confert. Abstinere à balneo per aliquot dies præstat infantem, ne augeatur humiditas. Præstat etiam ex experientia, adurere auellanam, & in puluerem redactam, cum oleo permiscere, & uerticem infantis inungere; & similiter pulvis corticum auellandarum confert. Vel fiat collyrium istud, R. acaciæ drac. i. pulueris gallarum scrup. i. misce, & cum aqua florum papaueris rufi q. s. fiat collyrium s. a. uel R. aloes drac. i. pompholygis lot. e dr. s. aquarum eufragiæ, rosarum, fœniculi an. ꝑ. i. misce, & ex eo fiat destillatio in oculis, nam ex eo etiam sæpè lippitudinem sanauit; testis est IOHANNES FRATA Iuuenis nobilis Veronensis, lepidis moribus præditus, & musis amicus, qui postquā in Gymnasio ticinensi lippitudine correptus fuisset



set. & Veronā cōualefcēdi causā rediisset, hoc solo collyrio, post  
debitā totius corporis purgationē, à me curatus fœliciter con-  
ualuit; cōfert etiam succus bengi, & succus corticum grana-  
torum.

## D E S T R A B I S M O

C A P. X X.

**Q**UANDO Infantium oculi, cernere uolentes, distorti  
apparent, uel prout dicitur, in obliquum, detorq uetur,  
græco sermone, uocatur hæc affectio στραβισμος, & à Lati-  
nis strabismus; ij uerò qui habent oculos distortos, græcè di-  
cuntur στραβος στραβωτες, & affectio ipsa modò ab hu-  
miditate, modò à siccitate musculorum bulbum mouētium,  
generatur. Signa, si ab humiditate oriatur affectio, erunt co-  
prosa, narium, oculorum, & palati defillatio, et aurities alui;  
si à siccitate, ut à febre, uel cōuulsione, aut epilepsia præterita,  
uel præsentanea, uel ab aliqua adustione faciei, prout in qua-  
dam filia mea unius anni euenit, quæ igne, casu, facie combu-  
sta, per aliquot dies, post sanationem, cum strabismo, uel distor-  
tione oculorum aspiciebat. quæ postea à oleo tantummodò ro-  
faceo emollita, aliquoties fœliciter conualuit. Strabismus au-  
tem, seu strabositas, quæ est à generatione non sanatur, nisi in  
habitu corporis infantis ualde humido; Et si recens est, facile  
curatur; si est ab humiditate uictus ratio in omnibus sex re-  
bus non naturalibus instituat, potius uergens ad calidum,  
et siccum, quā ad frigidum, & humidū, unde sumitur istius  
morbi indicatio: frigidum enim inimicum est neruis. Mox

MORB.  
DESCRI-  
PTIOCAUSAE.  
Paul lib. 3. c.  
de ocularijs  
22  
Auc. lib. 3.  
F. 1. tract. 2.  
cap. 28.  
SIGNA.Auc. ibidem  
PROGNO-  
STICA.VICTVS  
RATIO.RATIO  
MEDICA-  
MEN.

O 2 nutri



nutrici per horas quatuor ante cibum, exhibeantur pilule istae.  
 R. pilularum cochiarum, agarici præparati an. scrup. ij. mi-  
 sce, & cum melle rosato reformatur pilule v. & in auren-  
 tur. Die uero sequenti oculi infantis fomententur ex decoctio-  
 ne rerum, & herbarum anodynarum, cum spongia, deinde inun-  
 gantur oleo chamamelino calido, simul cum pauco croceo mi-  
 sto. Si uero à siccitate prouenit, contrario modo indicatio nos  
 monet, cum humidis enim, & calefacientibus moderatè in-  
 stituatur uictus ratio; Si ab aliqua ægitudine per cōsensum,  
 ueluti à conuulsione suboriatur strabismus, tunc animaduer-  
 tant studiosi, quod ipsa ægitudine soluta, sanabitur etiā stra-  
 bismus ipse. Et si per adustionem oleo rosaceo tantummodò,  
 uel è luteis ouorum illinendæ sunt partes oculorum, & sanabi-  
 tur. Verum si à generatione erit strabismus, tunc transfera-  
 tur infans quotidie in locum obscurum, in quo accendatur lu-  
 cerna, & ponatur in parte opposita strabismi, adeò ut infans  
 laboret semper in eam cernendo. Prætereà ligetur filum ru-  
 brum cum re, quæ opponatur parti strabismi, aut suspēdatur  
 aliquid rubrum, apud tempus appositum, adeò ut faciliter ui-  
 deat illud, uel apponatur larua, seu persona fronti ipsius in-  
 fantis, adeò ut rectè per eam aspiciat. Ad punctiōnem autē,  
 & ardorem oculorum. R. albuminis unius oui, aquæ rosaceæ,  
 olei rosacei, an. vnc. i. misce, & omnia simul benè agitentur,  
 & inunge, necnon albumen tantum oui, & aqua rosacea sola  
 mirum in modum præstat.



DE PALPEBRARVM CRASSITIE, ET  
PILORVM CASV. CAP. XXI.

**C**um infantis præter naturam cooperturæ, seu palpebræ oculi crassescunt cum aliqua caliditate, & rubedine, ca-  
susq; pilorum arabice id uocatur silac, & græco nomine dici-  
tur ὀφθαλμῶσις causa est humor crassus, & salsus, ptilosis enim  
palpebrarum est in callum indurata crassities rubēs, quā ma-  
gna ex parte capillorum defluuium comitatur, & quandoq;  
accidit cooperturæ oculi infantis silac ex fletu, Nec noc silac  
quidem est crassities in palpebris proueniēs à materia grossa,  
mala, corrosiua, salsa, baurachia, propter quam rubet pal-  
pebræ, & cadunt pili palpebrarum, & adducit ulcerationem  
partium, quibus fixi sunt pili palpebrarum, & sequitur eam  
corruptio oculi, & plurimum accidit successione ophthalmiæ,  
& quia hæc affectio inuenitur aliquandò recens, aliquandò  
inueterata. Propterea in infantibus non potest esse nisi re-  
cens. Igitur uictus ratio instituatur nutrici ad siccum, et fri-  
gidum uergens, & calidum, & humidum fugiat, ut istius af-  
fectionis perficiatur indicatio: caueat à uino, ab oleribus, à le-  
guminibus, à piscibus, ab aromatibus, à salsamentis, ab allijs,  
à cæpis, à porris, à flatuosis, à crassis, unctuosus, & humidis;  
bibat aquam coctam cū seminibus coriandrorum; comedat  
panem benè fermentatum, & biscoctum, carnes assatas, uitu-  
lorum, pullorum, gallinaceorum, & auium terrestrium; exer-  
citationi incumbat; caueat à perturbationibus animi, & à  
sonno diurno, post prandium, & alius quotidie deijciat, tam  
in ipsa, quàm in infante, uel sponte, uel arte, Et omni stu-  
dio,

CITAT.  
DESCR.  
PTIO.  
MORB.  
Auic. lib. 2. F.  
3. doc. 1. c. 3.  
CAUSA.  
Paul. lib. 3. c.  
de ocularijs  
22  
DEFINIT.  
MORB.  
Auic. ibidem  
Auic. lib. 3.  
F. 3. tract. 3.  
cap. 3.

SIGNA.  
PROGNO-  
STICA.

VICTVS  
RATIO.



RATIO  
MEDICA-  
MENT.  
Auc. ibidem

dio, & diligentia conuenit prohibere ne infans ploret, fricationibus incumbat, et caueat à balneo; Et si lac peccatum habet in crasitie, uel aliquo alio modo, curetur, secundum artem à nobis, in primo libro, explicatam. Infantis uero palpebræ succus solani commendatur. Nec non palpebris ipsis, quotidie post fricationem infantis, renouetur, & applicetur hoc emplastrum R. lentium decoctarum cum aqua rosacea, pulueris portulacæ an. ꝑ. i. albuminis unius oui, olei rosacei q. s. ad incorporandum misce, & s. a. fiat emplastrum, & utere; Et si tumor in palpebris euenerit, cum aliquo dolore, tunc fomentationes calidæ, ex decoctione rerum, & herbarum anodynarum cum spongia, & inunctiones ex rosaceo tantummodo præstant.

# DE PRURIGINE PALPEBRARVM.

CAP. XXII.

DESCRIP-  
T. MORB.

CAUSAE.

SIGNA.  
Paul. lib. 3.  
de ocularijs  
cap. 22. par-  
te propria.

VICTVS  
RATIO.

**P**ALPEBRARVM Regioni infantis contingere solet etiam quidam pruritus, ueluti scabies, quæ greci *Ψωροφαλμαξ* uocant; qui morbus, ex salso, nitrosoq; humore ducit originem. Signa sunt pruritus, & scabies. Et prædicere conuenit, si pruritus, & scabies ipsa (prout in infantibus, ut plurimum contigit) in sanguine, uel pituita, uel bile flaua peccant, faciliorem curationem admittere, quàm ea, quæ ex commistione atrabiliarij humoris gignuntur. Victus ratio statuenda est cum humidis, & infrigidantibus; si pruritus ab humore salso, nitrosoq; causam trahit, à quo sumitur indicatio; unde

nu



nutrix caueat à uino, ab omnibus oleribus, præter spinachiã, lactucam, & atriplicem, caueat ab allijs, cæpis, porris, raphanis, falsamentis, & ab aromatibus omnibus, à crassis, uiscosis, & digestionē duris; bibat aquam tum seminibus coriandrorum coctam, aut iura carniū; comedat panem benè subactum, fermentatum, & satis coctum, & carnes boni succi, & facili, concoctionis; exerceat se secundum consuetudinem; caueat à somno diurno, & à perturbationibus animi; alius deijciat quotidie, & infans balneetur post fricationes; deinde palpebris ipsis affectis fiant medicationes istæ R. lenticule, & rosarum an. M. i. pulueris florum chamæmeli, parietariæ, rosarum an. drac. ij. aloes drac. i. uini dulcis albi q. s. ad incorporandum misce, & fiat cataplasma, & ad palpebras adhibe: Vel R. aloes, psylli, an. drac. i. s. & ligentur in panniculo, mox infundantur in aqua q. s. per noctem; deinde parum lento igne, simul calefiant, postea fiat fortis expressio, & coletur, de qua colatura tepida, manè, & serò, ablue palpebras. Quod si lachrymæ inuoluntariæ suboriantur, inunctione præmissa tolluntur, & constringuntur. Verum si pruritus prouenerit ab aliqua missione, atrabiliarij humoris, uictus ratio in omnibus sex rebus non naturalibus instituatur ad calidum, & humidum uergens tantummodo, quoniam medicamentorum ratio præmissa conuenit.

Paul. ibid.  
MEDIC.  
RATIO.

D E



## DE DOLORE AVRIUM.

CAP. XXII.

DEFINIT.  
MORE.  
Gal.lib.3.de  
comp. med.  
foc.loc.c.1.  
CAVSAE.

Auic.lib.1.F  
3.doc.1. c.3

SIGNA.  
SIGNA  
SIGNA

PROGNO-  
STICA.

VICTVS  
RATIO.

RATIO  
MEDICA-  
MEN.

**A**VRIUM etiam dolor accidit infantibus aliquandò, qui græco nomine dicitur *ωτᾶλγία*, & nihil aliud est, quàm tristis, ac molesta auris sensatio, re de repente, ac uio-  
lenter simul, & uehementer imprimente facta, et generatur, aut à uentositate, aut ab humiditate, aut à frigidityte, aut ab apostemate, ueluti signa indicabunt, tùm ex loquela infan-  
tis, si loqui cæperit, tùm ut si à flatibus proueniet ab aurium sonitu, clarè, & tinnitu, & dolore tensiuo, non grauante, per-  
cipietur; Et si ab humiditate, à commotione interna inde-  
sistente, & dolore cum grauedine, & exitu ipsius humidita-  
tis d'gnoskitur, & quia dolor est apud cerebrum, propterea sta-  
tim succurrendum est, nè ex fluxione humorum ob doloris  
causam, ad locum affectum generatur apostema; nam eo in  
casu periculum mortis imminet. Propterea aer eligatur ad  
calidum, & siccum uergens; nutritrix excercitationi incubat;  
somnia sit consuetudine breuior, caueat à diurno post cibum;  
& à perturbationibus animi; Aluus quotidie subducatur  
uel spontè, uel arte, tam in ipsa, quam in infante; caueat  
ab aqua, ab omnibus oleribus, à fructibus, à leguminibus, à  
piscibus, à uiscosis, ab humidis, à crassis, & ab omnibus  
flatum, & humiditatem parientibus; Bibat uinum satis ma-  
turum; panem comedat optimè subactum, & coctum; car-  
nes facili concoctionis, & boni succi, & fercula cum aro-  
matibus cocta, quæ flatum discutiunt, prout cum pipere pa-  
rumper contuso, & non contrito, uel cum cinnamomo, aut

zin



zingibere. Postea infantis aures à sordibus, in primis, quotidie, semper, ante medicationem, expurgentur, mox medicandus est dolor auris à uentositate, & humiditate, ut indicatio demonstrat, cum calidis, & siccantibus, ut ex licio, & origano, & sale tabarzet, scilicet albo, trium coctorum, & ex lentibus, & myrrha, & ex seminibus colocynthidos, & sauinæ, quodcumque eorum fuerit coquatur in oleo, et in ipsas guttatim instilletur. Et animaduertant studiosi, ut oleum non sit nimis calidum, uel frigidum, sed tepidum; & antequam instilletur, aures prius expurgentur ab alio primo oleo, & sit in parua quantitate, & non trahat multam moram in aure. Nec non quia omnis curatio per eius causæ ablationem perficitur, ablata causa, tollitur effectus. Idcirco si dolor à solo flatu oriatur, tunc ex cymini, anisorum, spicæ nardi, myrrhæ, ac olei chamæmelini, seu amygdalarum amararum, decocto guttā unam in aures infundito. Si uero ab humiditate sola proueniat dolor, Auic. ibidem lana in melle, et uino mistis, cum modico aluminis, aut croci, aut minima quantitate nitri, inungenda est, & auribus injicienda, & est, cum sufficit, ut lana in uino pontico, aut in quo parum croci sit mistum intingatur, & in aures injiciatur, ueluti Gal. ibidem R. uini, mellis, an. unc. i. aluminis contriti, nitri, croci, an. drac. s. misce, et omnia simul unā leui ebullitione bulliant, in qua postea decoctione tepida, uel lanam prius infusam, et madafactā, specillo inuolutā, auribus imposito; si uero dolor fuerit à frigidityte aeris, ut indicatio nos docet, ex calfacientibus tū in uictus, tū in medicamentorum ratione curatur; dolor autē aurium à frigidityte, calfacientibus curabitur præsidij, ut oleo rutaceo, & laurino. Et si dolor uehemens suboritur, conce-

P dan



Auic. lib. 1.  
F. 4. cap. 8.  
Aet. lib. 6.  
cap. 8 o.  
Paul. ægin.  
lib. 3. cap. 23

Gal. lib. 3. de  
comp. med.  
sec. loc. c. 1.

dantur, & admittantur stupefacientia medicamenta, aucto-  
ritate Galeni, & Auic. & Pauli, & Aetij, nihilominus  
quia in adultis (mea quidem sententia) intelligunt; Suadeo  
ut studiosi in infantibus omninò caueant à stupefacientibus;  
non .n. leue inde periculum cerebro, quod auditorio neruo vi-  
cinū est, imminet. Vtiterius si dolor fiat ex inflammatione, cū  
in infante nullum ex antiquis uiderim, qui de ipsa curatio-  
ne, uerbum ullā faciat; arguo in infantibus raro, aut nunquā  
morbum ipsum contingere; propterea de ipsa curatione hic per-  
tractare operæ pretium non est; nihilominus si casus euenerit,  
optimum ad eam pharmacum unguentum nardinum, cum  
exiguo basilico, appellato pharmaco, infunditur, cōmagenum  
quoq. aptum est, & ex adipibus pharmacū. Sed in hoc ani-  
maduertant studiosi, ut in casu apostematis, repercusua non  
administrent, ne materia intrò petens cerebrum offendant, &  
infantem interficiat.

# DE AURIBVS VERMINOSIS.

CAP. XXIII.

DESCRIP-  
TIO  
MORB.  
Auic. lib. 1. F.  
3. doc. 1. c. 3.  
CAUSA.

Hip. lib. 3. a.  
phor. 24.

Gal. ibidem  
in comm.

**I**NTERDUM ex aure infantum uentriculi exeunt.  
Quapropter morbus ipse à Latinis auris uermiosa appel-  
latur; græco uerò sermone σκωληκωδης, & causa procul dubio  
est humiditas putrescēs, quæ in infantibus abūdat, præsertim  
in cerebro. In ætatibus enim talia contingunt paruis. & nu-  
per natis puerulis ulcera, quæ apthæ uocatur, uomitus, ruses,  
uigiliæ, pauciores, umbilici inflammationes, aurium humiditates;  
Et quoniā à natura aliena est expurgatio humiditatū scili-  
cet per aures, undè mirum non est, si humiditas ipsa, eo in lo-

co



eo facile putrescit, cum ibi fluit, & sic facile ex ipsa putredine uermiculi ipsi generantur. *SIGNA* manifesta sunt. Propterea quod in auribus ex humoribus saniosis, & mordacibus dolor excitatur; & quia aurium dolor acutus cum febre continua, ac uehementi difficilis est; periculum enim delirii, abolitionisq; imminet; statim deueniendum est ad curationem, quae secundum indicationem perficitur. Quantum ad uictus rationem eo modo, quo declaratum est, capite praecedenti, de aurium dolore. Verum quod ad rationem medicamentorum attinet, quae scripta sunt in ipso praecedenti capite pariter conueniunt; Indigemus enim moderate exsiccantibus, & excalfacientibus; praeterea cum coto prius specillo obuoluto, & sic in aure saepe immisso, tentandum est humiditatem ipsam fluentem educere, & exsiccare. Et si praemissa non suffecerint. R. uini styptici ꝑunc. ij. croci dr. i. misce, & calefiant, mox cotum intinctum in aure imposito, uel R. olei chamamelini, amygdalarum amararum an. ꝑunc. s. croci drac. i. misce, & guttam calefactam in aure, cum coto immitte; Et si sanies, uel humiditas, instar sanguinis ex auribus fluxerit, tunc R. olei de canabel, olei irini an. ꝑunc. s. misce, & ex eis prius aurem a sanie, & humiditate exsiccata, gutta bis, aut ter in die instilletur, uel R. terebinthi, mellis an. ꝑunc. i. misce, & in aurem immittito.

## DE OSTERNUATIONE.

## CAP. XXV.

**C**UM inter egritudines infantium numeretur etiam sternutatio, de ea pertractare operae pretium est, quae a Graecis uocatur *στέρνυος*, & quemadmodum tussis pulmonem expur-

P 2 gat,

*SIGNA.*  
Gal. lib. 3. de  
comp. med.  
sec. loc. c. 1.  
Hip. lib. 1.  
prognost.  
tex. 15.  
*PROGNO-*  
*STICA.*

*VICTVS*  
*RATIO.*

*MEDICA-*  
*MEN*  
*RATIO*

Ausc. lib. 1.  
F. 3. doc. 1. c. 3.  
*DESCR.*  
*PT. MORB.*



Gal. lib. 2. de  
sympt. caus.  
cap. 4.  
Gal. ibidem

Auic. ibidem  
CAUSAE.

SIGNA.  
Gal. lib. 5. 2.  
phor. 33. in  
comm.

PROGNO-  
STICA.

VICTVS  
RATIO.

gat, ita & sternutatio nares, et cerebrum expurgare uidetur. Sternutationes enim (si tamen ex catarrho non fiunt) maximum remedium capitis halitu repleti, sunt; nihilominus causa ipsius sternutationis est praeter naturam; & Auicenna in isto casu, duplicem causam affert. Vnam ex apostemate in cerebro; Alteram uero sine apostemate, quae, ut plurimum est à flatu, seu impetu flatuoso. Signa facile innotescunt; iccirco dicendum est; sternutationem, quae sine destillatione catarrhi est, in omnibus morbis saluberrimum signum esse, quia naturam ostendit, quae prius obstupuerat, excitari, & reuiuiscere, & propriarum meminisse motionum, & facultatum robur, & conualescentiam denotat. Quantum uero attinet ad sternutationem, quae cum cerebri destillatione fit, sequenti capite declarabimus; Nihilominus impetu sternutationis copioso uenae, & arteriae aliquando rescinduntur. Propterea cum de apostemate cerebri, iam propositum sit, cuius sternutatio, ablato apostemate ipso, tollitur, reliquum est, ut tantummodo de ipsa sternutatione à flatu, sine destillatione catarrhi, curationem perstringamus, quae perficitur, si uictus ratio instituat in omnibus sex rebus non naturalibus, ut indicatio istius affectionis demonstrare uidetur ad frigidum, & siccum uergens; & nutrix caueat ab aere humido, & calido, à somno diurno, aluus exoneretur quotidie, exerceat se secundum consuetudinem, et in infante caueat, ne post lactationem diurno tempore, post spatium horarum duarum dormiat. Caueat à uino, & ab aromatibus, ab alijs, caepis, porris, raphanis, & à cibis salitis, grossis, uiscosis, humidis, flatuosis, et difficilis concoctionis, & mali succi: Bibat aquam ordeaceam, comedat panem satis coctum



etum. & carnes boni succi. & facilis concoctionis. & cœna sit  
 leuior prandio. Infans deinde manè ante lactationē, postquā  
 ē uentre excrementa secreuit, leniter fricetur; deinde frons eius  
 oleo rosaceo omphacino, simul cum unius oui luteo admisto,  
 & bene conquassato inungatur; Vel R. pulueris portulacæ,  
 aut eius succi, cucurbitæ, aut eius succi an. ꝑ. s. farinae ordeï  
 drac. iij. olei rosacei omphacini q. s. ad incorporandum misce,  
 & f. emplastrum, & fronti applicetur; vel R. olei de sali-  
 cibus, de nenuphare an. ꝑ. s. albuminis unius oui, misce, &  
 panniculi infusi fronti, & temporibus applicetur; vel R. pul-  
 ueris rosarum, sandalorum, sanguinis draconis an. dr. i. aquæ  
 rosacæ ꝑ. s. misce, & infusi panniculi fronti, & tempori-  
 bus adhibeantur. Capiti etiam irrorationem ex aqua calida,  
 ante lactationem admoue, uel in utraq; parte oleum amygda-  
 larum dulce infundito, & si infanti aluus astricta sit, suppo-  
 sitorijs ex melle, & hiera, uel sale gemma, confectis, lubrica  
 fiat, & si præmissa non suffecerint, tunc R. pulueris masti-  
 ches, thuris, mirrhæ, sanguinis draconis an. dr. s. albuminis  
 unius oui, misce, & omnia simul benè conquassentur, postea  
 panniculi infundantur, & fronti applicentur, uel in utranq;  
 aurē, oleū amygdalarū amararū, infundito: vel suffumigia  
 ex thure, & gariophilis, uel spongia marina naribus admoue.

## DE DESTILLATIONE ET CATARRHO.

## CAP. XXVI.

ET si hætenus inter approbatos scriptores, nullū inueni,  
 qui de destillatione infantiū scriptū aliquid reliquerit,  
 nihilo



Gall. lib. 3. de  
sympt. caus.  
cap. 4.  
DEFINIT.  
MORBI.

nihilominus experiētia ductus, curationē ipsā paucis perstrin-  
gere tētabo. Propterea cū morbus ipse nihil aliud sit, quā  
superabūdantis humoris ex capite fluxio in partes subiectas,  
à Latinis dicitur destillatio à Græcis uerò κατὰ ῥοὴν qui tria,  
ratione loci affecti ad quē uergit, sortitur nomina; his duobus  
carminibus à Bernardo quodam breuiter declarata.

Dum fluit ad pectus, dicitur rheuma catarrhus,

Ad fauces branchos; ad nares dico coryzam;

CAUSAE.

Nec non, & branchos alio modo dicitur rauedo, & coryza,  
grauedo; Cause istius egritudinis, ut plurimū sunt in infanti-  
bus, aut uestimentorū, cooper toriorum uē mutatio, aut sub ra-

Hip. lib. 3. a-  
phor. 5.

dijs solis, lunæq; statio, aut (ut breuiter eas absoluā) sola muta-  
tio aeris, ut frigiditas, & caliditas, & præcipue, si uenti meri-  
dionales flauerint, sua enim qualitate caput grauant, et cere-  
brū replent, mox à caliditate, quemadmodū in collibus niuē  
liquefacit sol, ita, & cerebrum extenuatur, ac dissoluitur: &  
à frigidityte cerebrum ipsum (ueluti à manu spongia aqua  
imbuta) comprimitur, & excrementa per destillationem  
ad inferiora compelluntur. Propterea in presenti capite de  
destillatione, quæ ad nares, & ad palatum currit, & sternu-  
tationem excitat, & grauedo, aut coryza uocatur, nunc agere  
decreuimus; De ea uerò, quæ fluit ad pectus, & tusim prouo-  
cat, scribemus in sequenti libro, capite proprio. Signa quan-  
dò ex caliditate destillationem concipiunt, ijs, qui laborant,

SIGNA.  
Paul. lib. 3.  
cap. 28.

sunt hæc, particule incalescunt, acris, tenuisq; humor, tūm  
per nares, tūm per os descendit, facies rubescit, & nasus. Et  
qui ex frigidityte ijs frons, & caput undiq; distēditur, mea-  
tusq; atmoides dicti clauduntur, & in principio sæpè sternu-

Hip. lib. 2.  
prognost.  
tex. 49.

tatio



tatione corripuntur. Prædicendum est deinde grauedines, PROGNO-  
STICA.  
 & sternutamenta per omnes morbos, qui in pulmone fatigēt  
 præire, & subsequi malum esse; cerebri enim malam intempe-  
 riem, et capitis repletionem denotant, ex quibus facile in sco-  
 tomiam, & uertiginem agrotantes incidunt. Et desumpta VICTVS  
RATIO.  
 indicatione istius aegritudinis ab ipsis signis, si destillatio fuerit  
 à materia calida, tunc uictus ratio instituatur ad frigidum,  
 & siccu uergens, prout institutum est capite præcedenti, de  
 sternutatione. Si uero fuerit ab intemperie frigida uictus ra-  
 tio in sex rebus non naturalibus statuenda est ad calidum, et  
 siccum uergens, uitando tam in aere, quam in cibo, & potu,  
 somno, & uigilia, ea omnia, quæ in frigidant, & humectant;  
 exercitationi incumbat, & aluus tam in nutrice, quàm in in-  
 fante, quotidie deiciat. Quantum uero ad curationem, opus  
 nature relinquendum est: nam si rectè uictus ratio institua-  
 tur, facillime morbus ipse curationem in infantibus admittit,  
 & haud quaquàm destillatio, aut sternutatio in similibus (nisi  
 aliud indicetur) est constringenda. Verum enim uero post MEDICA-  
MENT.  
RATIO.  
 concoctionem ipsius catarrhi, quem, cessante destillatione, per-  
 cipies, tuto exhibere infanti poteris, ad expurgandum caput,  
 & pectus dr. i. agarici præparati, aut in paruis pilulis cū mel-  
 le, aut saccharo rosato, exhibitis.

## DE RIMIS LABIORVM.

## CAP. XXVII.

**D**E Rimis papillarum mammarum nutricis ita scriptū  
 est in primo libro, quæ γερκεδες, seu ἀρχαυδες græce



DESCR.  
PTIO  
MORB.SIGNA  
CAUSAE.PROGNO-  
STICA.VICTVS  
RATIO.MEDICA.  
RATIO.

uocantur, & eandem causam habent à siccitate cum ijs, quæ labijs contingunt; nihilominus differunt in hoc, quod post coryzam, seu grauedinem, propter narium uiciniam, ex fluxione, & destillatione catarrhi acuti, & calidi, rimæ ipsæ in labijs excitantur. Vnde labia, & nares intumescunt, & scinduntur, & aliquando etiam excitantur à uentis frigidis, propter earum siccitatem. Succurrendum statim est, quoniā infans cum labijs sic malè affectis, cum maximo suo dolore, & difficultate lac è mammis emulgere, et papillas labijs constringere non poterit, unde malè nutrietur. Indicatio curationis autem, si causa post coryzam ortum ducat, perficitur, cum ratio uictus potius declinet ad frigidum, & humidū, in omnibus sex rebus non naturalibus, quā ad calidū, & siccū. Et si labia infantis inungantur quotidie bis, uel ter cum isto sequenti unguento R. adipis gallinæ, hædi an. ꝑ. s. succi pomorum dulciū ꝑ. iij. farinæ ordei drac. ij. olei rosacei q. s. ad incorporandum misce, & s. a. fiat linimentum. Verū si causa à sola siccitate, ut à uentis ortum ducat, tunc ratio uictus, et medicamentorum, quæ descripta, & constituta est libro primo, capite de rimis papillarum mammarum, nutritis, conuenit, ad quod ueniendum est.

DE GINGIVARVM PRVRIGINE EX  
DENTIUM PRODUCTIONE.  
CAP. XXVIII.

**I**N Infantium dentitione, quæ prorumpentibus dētibz fit, circa mensem ferè septimum, uel undecimum, ut à nobis declaratum est libro secundo huiusce artis, affectio fit, quæ  
a La

Paul. lib. 2.  
cap. 9.



à Latinis dentitio, uel dentium productio; & à Græcis dicitur *οδοντοφυια*, & nihil aliud est, quàm gingiuarum mordicatio, & acuitas, & bifariam diuiditur. Vna, quæ dicitur gingiuarum prurigo à Latinis, & à Græcis *οδαξιοπος*, & nil aliud est, quàm pruritus quidam cum exigua quadam molestia. Altera uerò est ipsa dentitio dolorifica cum mordicatione, & gingiuarum acuitate. Causa est acuitas dentiũ, quæ pungit gingiuas, propter pruriginem in gingiuis; haud quaquã dentes adhuc apparent; in dentitione uerò dolorifica, et tumor, & dentes aliquando apparent. Et periculum est ne infantes ipsi incurrant, in febres, conuulsiones, & alui profluvia. Et maximè cum caninos edunt dentes, qui uulgò ab oculis uocantur, ualde timendum est; In prouerbio enim dici solet. Donec ab oculis non sunt editi dentes, de filijs genitores non sunt gaudentes. Et infantibus, quibus in dentitione aluus ualde lubrica est, & bene concoquant, minus conuelluntur, quàm quibus modicè. Et quibus in dentitione febris acuta accedit parum conuelluntur; Et quicunq; dentientes pinguiore manet, & altiore somno utuntur, periculum est nè conuulsione corripiantur; At non omnes in dentitione conuulsi moriuntur; sed multi etiam seruantur. Qui hyeme dentiunt si in ijs cetera alioqui rectè se habent, liberantur; qui cum tussicula dentiunt, tardius dentes producunt. Et si ipsa dentitio tarda est, magis dolet, breuiori uerò tempore minus. Propterea tentanda est, omni studio, ut breuior, et facilis fiat, hoc pacto; Si nutrix uescatur cibo melioris succi, & faciliore concoctionis solito; et in alijs rebus non naturalibus, si uictus ratio uergat ad calidum, & humidum, deijciente quotidie aluuo; Et si à balneo subla-

Auic. lib. 7.  
F. 3. doc. 1. c.  
3.  
DEELENIT.  
MORBI.  
Hip. lib. 3. a-  
phor. 25.  
Gal. ibidem,  
in comm.

CAUSA.

SIGNA.  
Hip. ibidem  
PROGNO-  
STICA.

Hip. de den-  
titione.

VICTVS  
RATIO.  
Auic. ibidem  
Paul. ibidem

Q tus



MEDICA.  
RATIO.

tus infans gingivæ digitis assidua fricatione premantur; Et ex adipe gallinæ, & leporino cerebro inungantur. Et fomentationibus ex decoctione rerū, et herbarum anodynarum, tum spongia infusa fomententur, uel ex oleo liquefacto cū modica cera inungantur, aut melle, butyro admisto. Ad tollendum uerò dolorificam pruriginem, seu dentitionem, cauendum est ne infans comedat res duras, & nutriendus est uberiori cibo, ut facilius natura ab uberiore nutrimento iuuata dentes producat, quotidie balneandus est, & urgente dolore ex oleo duci calido irrorationem in eius capite infundere. conuenit, & fomentationem ad maxillas ex uino albo calido cum spongia, & in aures instillandum est oleum chamæmelinū, & amygdalarum dulcium, tepidum; caro etiam salsamenti ueteris lenit. Cerebrum etiam leporis attritum, & esum utile esse dicimus, pueris dentientibus, capite uidelicet toto elixo, ut fieri solet. Et si dolor uehementior fiat, tūc liniantur gingivæ dolentes ex succo solatri, cum oleo rosaceo calefacto. A proprietate etiam ibidem cōmendat Auicenna lac caninum; et Mesues medullam caballinam.

Gal. lib. 11. d.  
simpl. med.  
fac. c. pro-  
prio.

Auic. lib. 3. F  
7. c. 16.

DE GINGIVARVM ABSCCESSIBVS EX  
DENTIVM PRODVCTIONE.  
CAP. XXVIII.

DESCR.  
PT. MORB.

CAVSÆ.

ANTEQVAM oriantur infantium denticuli, quandoq; tubercula quedā in gingiuis iuxta dētes nascūtur, quæ Græci *ωγοτίδες* uocāt, & hæc accidunt faciliē infantibus, ob alimēti cruditatē, qua ualdē abūdant propter dolores, et uigilias, à quibus cōtinuē uexātur in generatione dentium, tūc quia

Gal. lib. 3.  
aphor. 35. in  
comm.

ner



neruosa partes nondum satis ualida sunt, tūc etiam propter eorum crassitiem, & alios duras, & inditia oculis manifesta insunt, & facile suppurantur abscessus ipsi, nisi soluantur, statim adhibitis opportunis remedijs. Indicatio curationis perficitur circa uictus rationē, quē admodū instituta est capite precedenti de prurigne gingiuarū. Verū circa rationē medicamentorū, præstat in primis, quotidie semel tantū, in mane, stomacho ieiuno, infantē fricare, & balneare, & caput eius mox ex decoctione ista calida irrorare. R. florum chamæmeli, meliloti, pulegij, anethi, thymi, rosarū, maiorana an. M. i. bulliāt omnia in s. q. aquæ cōmunis usq; ad tertias, postea coletur, & usu seruetur, & ex ipsa irroretur; resoluit enim humores descendentes ad gingiuas, & confortat cerebrū. Deinde bis, aut ter in die gingiue molliter digitis à nutrice cōprimantur, ut tuberculorū humiditas ex cōpressione facilius discutatur. Postea R. olei chamæmelini, mellis, terebinthinæ an. drac. ij. omnia simul misceantur, & s. a. fiat linimentum, ex quo calefacto, gingiue, et tendines inungantur; etenim ex oleo chamæmelino, lenitur dolor, ex melle fit abstersio, & exsiccatio humorum, & ex terebinthina fit resolutio.

PROGNO-  
STICA.VICTVS  
RATIO.MEDIC.  
RATIO.

DE SUPERFLVA CARNE EX DENTITIONE  
ORTA. CAP. XXX.

**E**X Causis dentitionis prædictis in capitibus præcedentibus, in extremo molari dēte, infantibus oriri solet etiam pauca quædā caro superflua, quæ græcè uocatur *ερωλīs* ex qua interdū excitantur dolores, et febres, & inflammatio ipsius loci affecti. Propterea cum signa apparuerint tū ex carne ipsa

CAUSAE.  
DESCRIP-  
TIO  
MORE.  
PROGNO-  
STICA.

SIGNA.

Q 2 excre



MEDICA.  
RATIO.

excreſcente, tūc ex fluxione humoris copioſa ad os; tūc u-  
etus ratio nutrici in omnibus ſex rebus nō naturalibus eſt ſta-  
tuenda eo modo, quo in capite de prurigine oſtenſum eſt, & ca-  
ueat à uino, & cibus ſit conſuetudine leuior, & facilioris cō-  
coctionis, & melioris ſucci. Curationem autem ſecundum  
medicamentorum, & indicationis rationē perſtringere opor-  
tet, hoc pacto, R. amyli drac. ij. aquæ roſaceæ ꝯnc. i. pulueris  
tragacanthæ drac. i. miſce, et ex eis caro ipſa leniter fricetur,  
lentes decoctas infanti etiam ad maſticandum exhibe, & ex  
ipſis lentibus excorticatis fiat etiam cataplaſma, et circa ma-  
xillas apponatur, ex linimento etiam ex ipſis lentibus, parato  
in mortario, gingiuas inunge; nam exſiccatur, & prohibet ex-  
creſcentiam carnis, & generationem ueſicularum, quæ ſepē  
oriri ſolent eo tempore; Vel alio modo, R. uini granatorum,  
ſucci cidoniorum, diamoron an. dr. ij. & ex eis gingiuas frica;  
Vel R. ſucci portulacæ, plantaginis, lactucæ, diamoron an.  
drac. ij. miſce, & frica.

# DE VESICVLIS GINGIVARVM.

CAP. XXXI.

MORBI  
DESCRIP-  
TIO.  
CAUSAE.  
SIGNA  
PROGNO-  
STICA.  
VICTVS  
RATIO.

**S**i veſicula, quæ græcè dicitur κυστιδον, pariter oriatur  
in gingiuis infantum, ex cauſis prædictis, capitibus præce-  
dentibus de dentitione, cum ſigna ſatis innotescant, et affectio  
ſit facilis curationis, ad curationem ipſam breuiter deuenien-  
dum eſt, quæ perſicitur quantum ad uictus rationem, eo mo-  
do, quo oſtenſum eſt, capite de prurigine, quantum uerò ad me-  
dicamentorum rationem, etiam eo modo, quo declaratum eſt  
capite præcedenti de carne ſuperflua ex dentitione. Verum

enim



enim uerò præter ipsa remedia, ista sic curationi inungito R. fa-  
rina milij drac. ij. pulueris rosarum rubearum drac. i. aquæ  
rosaceæ, olei omphacini an. drac. i. s. sacchari albisimi drac. ij.  
misce pro linimento & f. inunctio uesicula. Vel R. pulue-  
ris myrrhæ, croci an. dr. i. mellis drac. ij. misce, & inunge;  
nam exsiccat, & abstergit. Si uerò oriatur uesicula ex de-  
fectu lactis corrupti nutriticis; quod perspicies exploratione, se-  
cundum huiusce artis primi libri institutionem, qui legendus  
est, tunc lac uel purificetur, uel alia nutrix lactet infantem.

RATIO  
MEDICA-  
MEN.

## D E D O L O R E D E N T I S.

## C A P. XXXII.

**E**T SI aliqui, cum dens sit os, sensum habere negant; &  
ex consequentia fieri non posse, ut ipse afficiatur dolore;  
nihilominus Gal. affirmat, dentes inter ossa euidentem sen-  
tiendi, uim habere, & confirmat in semetipso, se manifestè se  
fuisse, non dolentem modò, sed etiam pulsantem dentem, quem  
admodum carnosæ partes inflammatione uexatæ consueue-  
runt, & cum post dentium generationē ex superflua, & cru-  
da humiditate mordicante, & à cerebro destillante, uel etiā  
ab intemperie calida, aut ab aere, aut ab intemperie frigida,  
aut à mora in locis frigidis, aut a lactis defectu, ueluti à con-  
gelatione, dentis dolor aliquando in infantibus accidit. Pro-  
pterea à de ipso dolore pertractare hic nihil absurdum esse arbi-  
tratus sum, qui græcè uocantur *αλγος οδοντος* cui comitan-  
tur (si dolor erit ab humiditate, & si infantes ipsi loquela nō  
sunt præditi) ploratus, uigilia, & sæpè manuum adpessio ad

Gal. lib. 6. de  
usu part. c. 2.  
Gal. de ossi-  
bus cap. 5.  
Idē lib. 5. de  
comp. med.  
sec. loc. c. 8

CAUSAE.

DESCRIP-  
TI. MORB.

SIGNA.

os,



Gal. lib. 2. de  
comp. med.  
sec. loc. c. 1.  
PROGNO-  
STIC.

VICTVS  
RATIO.  
Gal. lib. 5. de  
comp. med.  
sec. loc. c. 8

MEDICA-  
MENT.  
RATIO.

os, & fluxio copiosa humiditatis ex ore, quæ si in caliditate peccauerit, tunc facies erit rubra, & totum corpus præter consuetudinem calidum; Et si in frigiditate excesserit, nec faciem rubram, nec caliditatem ipsam perspicias. Curatio istius doloris spernenda non est, cum inter maximos dolores numeretur dolor ipse, ex quo facile excitantur febres, conuulsiones, & alui duræ, & cruditates. Ratio igitur uictus statuenda est nutriti; si ab humiditate frigida, dolor sit, secundum ipsam indicationem, quæ uergat in omnibus sex rebus non naturalibus ad siccum, & calidum, & cibus sit uberior, nam dantiu tenuitas ob alimenti inopiam, curari non potest; Caueat ne infans in die statim post cibum dormiat. Alius in infante quotidie excernat, si non sponte, cum suppositorijs ex melle. Sonus concilietur in nocte longior solito, et quotidie fricetur, et mane balneetur ie iuno stomacho, semel tantum; deinde ex decoctione calida herbarum anodynarum in capite de abscessibus gingivarum descripta fiat irroratio super caput infantis. Mox R. caphoræ dr. i. s. acetum unc. iij. misce, & bulliat parum lento igne, & in infantis ore parum infunde; Vel R. opij gr. ij. aquæ ardētis unc. i. & cum coto super specillum inuolutum, cum ipsius gutta detem dolentem tange. Vel R. origani, calamintæ, hyssopi, satureiæ, dictami, radices tytimali, chamaeleonis, eryngij, uerbasci, ueratri nigri, capparorum, & cum aceto, uel uino nigro aromatino, bulliat omnia parum, postea dentes ablue. Irrorationes etiam ex oleo chamamelino, seu anethino, rutaceo conueniunt; Vel à proprietate (& hoc auctoritate Rasis) dentem hominis mortui collo infantis suspēde, & miraberis. Verum si dolor fuerit à mala intemperie calida, tunc uictus ratio nutriti instituat in omnibus

sex



sex rebus non naturalibus, ad frigidum uergēs, ut ex, ptisana, alica, lactucis, et cucurbitis, et similibus in cibo. In potu caueat à uino, & bibat iura carniū; alius quotidie deijciat, & fricetur infans; Et caueat à diurno somno, statim post cibum, à solis radijs, ab igne, & ab omnibus calefacientibus. Medicamentorū uerò ratio, hoc pacto, perficitur. R. radicū halicacabi, semperuini, portulacæ, parietariæ, glychirizæ, an. pugillum s. & omnia in s. q. aceti bulliant, postea in ore infunde, & abluere. Vel R. uiolas, cum uino decoctas, & in ore eas impone. Et si dolor augeatur, tunc folia hyoscyami, lactucæ, et semina papaueris in aceto coquito, & utere. Et animaduertendum est si adest inflammatio gingiuarum, quoniā tunc acetum non conuenit; gingiuas enim corrodit; propterea acetum ipsum, tãquā acutum, & hostilem gladium deuota. A' proprietate autem comendat Aetius lac asininum, & pimpinellā herbam tritam, & dentibus loco emplastri appositam. Et si lac nutricis propter eius uitium, est causa doloris, exploretur, secundum artem, deinde purificetur, et curetur, uel alia nutrix lactet infan-tem.

Aet. lib. 2.  
cap. 27.

Aetius ibid.

## D E A P H T H I S.

## CAP. XXXIII.

**V**LCERA quædā in superficie oris infantibus aliquando accidunt, quæ Græci & Phœas dicunt, & Arabes alcola, quæ sunt ut plurimum in ipsis infantibus, aut à lacte nutricis uitiatō, aut non probe ab ipso infante concocto, aut ab omni humore fluente, & superabundante, ut inditia indicabunt ex tactu, & uisu; ex tactu dum calor, & humor

DESCRIPTIO  
MORB.

CAUSAE.

Gal. lib. 6. de  
comp. med.  
sec. loc. c. 4.

SIGNA.

exci



Auic. lib. 3.  
F. 3. cap. 23.

PROGNO-  
STICA.

Gal. ibidem

VICTVS  
RATIO.

excitantur, ex uisu propter colorem: Nam album scilicet al-  
cola, est phlegmaticum, & salsum, citrinum, cholicum ni-  
grū, melancholicū, & rubrum sanguineū. Vlcus cholicū est  
uehementis inflammationis, sed omnibus malignius, & mā-  
gis letale est melancholicū, cuius crustæ nigrescunt. Aphæ  
in oris superficie uelociter dilatantur, & in temporibus plu-  
uiosis, & in febribus pestilentialibus multiplicantur; At in  
infantibus aphæ ipsæ, (de quibus institutum nostrum est  
scribere) facile curantur. Vlcera ipsa sunt diuturniora, atq;  
egre solubilia, & in progressu temporis putredinosi quidpiam  
acquirunt, quæ à medicis nomæ appellantur. Propterea in  
primis explorandū est lac, eo modo, quo in primo libro huiusce  
artis à nobis satis explicatum est, & cognita qualitate peccan-  
te, ea est in nutrice curanda, & interea per aliam nutrice sa-  
lubriorem lactetur infans. Deinde eligatur aer ad siccum,  
& frigidum uergens. nutrix exerceat se manè, & serò, una  
hora ante cibum, caueat à somno diurno, post prādium alius  
sit lubrica, uel spontè, uel arte, & præcipue in infante quotidie  
excernat. Caueat in cibo ab omnibus oleis, usq; ad oleum de  
oliuis. Caueat etiam ab aromatibus, ab acris, à salitis, à  
brasica, capparibus, lacticiuijs, caseo, melongijs, nucibus, auel-  
lanis, raphanis, allijs, cæpis, & porris, & ab omnibus, quæ ui-  
tiosos succos generare possunt. uescatur cibo leui, boni succi, et  
facilis concoctionis; Et si infans febricitat, caueat à uino, et bi-  
bat iura pulli, uel aquam cum seminibus coriandrorum co-  
ctam. at si non febricitat bibat uinum dilutum, in ferculis  
uerò lentem; mala cydonia, pyra, sorba, et corna ex fructibus  
cocta; ex oleribus uerò lactucam, solanum, portulacā, & endi-  
uiam



uiam permiscere, & manducare conuenit. Et si malè concoquit infans, nutrix procuret, ut ipsa primò cibum digerat, quòd assequetur, si cibus facilis concoctionis, & boni succi nutrietur; & si post prandium, spatium temporis horarum nouem saltem, ante cœnam transierit, postea stomachus infantis inungatur, oleis istis calidis R. olei de absinthio, de mastiche, de menta, de cydoneis an. partes æquales misce, & inunge. sacculus etiam ex absinthio, menta, chamæmelo, pulegio, abrotano, & rosis siccis, stomacho adhibitis præstat. Et animaduertendum est, nè lac emulgeat infans stomacho repleto, sed semper post digestionem, quæ facile in ipsis infantibus fiet per spatium horarum quinq; uel sex. Ad locum affectum uerò, si aphthæ rubræ fuerint, ut indicatio nobis ostendit conueniunt ea medicamenta, quæ facultatem habent moderatè adstringendi, & infrigidandi, ueluti sunt infra scripta, R. diamoron, succi rosarum portulacæ, plantaginis, an. drac. iij. farine ordei drac. ij. misce, & omnia simul bene conquassentur, postea aphthas illine; Vel R. uini granatorum, succi semperuiuæ, iuleb uiolati an. ꝯnc. s. pulueris rosarum rubrarum, lentium, ihu, an. dr. i. misce, & illine; Vel R. rubi, rosarum, balaustiorum, santalorum an. M. s. aluminis drac. ij. & omnia in s. q. aquæ bulliant usq; ad tertias, cuius decoctionis R. ꝯnc. ij. syrupi myrtini ꝯnc. s. misce, & utitor. Verùm si morbus, his peractis, non declinet, sed augeatur, addere poteris mel lis rosati ꝯnc. i. unguenti ægyptiaci drac. ij. Et si aphthæ ipsæ fuerint colore albæ, tunc, quia à pituita proueniunt. R. succi lyquiritiæ, thuris, myrrhæ, nucis cupressi, mastiches, corticis granatorum, foliorum myrtis, rosarum an. M. s. bulliāt

R omnia

MEDIC.  
RATIO.  
Gal. ibidem.



Auic. lib. 1.  
F. 1. doc. 3. c  
3.

omnia in s. q. aquæ ad tertias, postea coletur, cuius decoctionis R. ꝑnc. ij. mellis rosati ꝑnc. i. misce, & ex ipsa illinantur. Si colore flauæ aphthæ uideantur, tunc solano, & semper uiuæ succo, aut decoctione ipsorum cum diamoron, misce, & illinantur. Verum si liuidæ fuerint aphthæ, id, quod rarissime, aut nunquam in infantibus euenit, nam ætas ipsa in calore temperata est, in humiditate uerò non nihil excedens. Propterea difficulter ab isto melancholico morbo infantes ipsi corripuntur: nihilominus si contigerit, tunc R. passularum, enucleatarum, fumiterræ, boraginis, epithimi, rosarum an. M. s. bulliant omnia in s. q. uini albi astringentis, usq; ad tertias, postea coletur, cuius decoctionis R. ꝑnc. ij. mellis despumati ꝑnc. i. misce, & illinantur; uel R. pulueris florum chamæmeli, anethi, epithimi, fœnugræci, rosarum, an. drac. ij. mellis rosati ꝑnc. i. s. misce, & utitor.

DE INCISIONE FILETI SVB LINGVA  
INFANTIS. CAP. XXXIII.

DESCR.  
PT. MORB.  
DEFINIT.

CAVSÆ

Aetius lib. 8.  
cap. 36.  
SIGNA.

**S**i infans non expedite loqui poterit, propter id, quod uul-  
gus filetum uocat non incisum, quod nihil aliud est, quàm  
uinculum neruosum, quod nisi in ipsa teneritudine curetur,  
præpedimentum loquelæ parit; hoc genus morbi latine fibrarū  
linguæ colligamen, & græcè ἀγκυλωλωσσαν dicitur, Et ge-  
neratur à natiuitate, natura diminuta; Et aliquandò etiam  
generatur ab aliqua cicatrice, aut ulcere, de quo non erit ora-  
tio nostra. Qui laborant hoc morbo à natiuitate habent mē-  
branas inferiores, quibus lingua innititur, duriores, et mutile  
à na



à natura productas; & principio tardè in sermonem prorumpunt, ubi uerò loqui cœperint, citrà obstaculum, & satis festinanter loquuntur. Impediuntur tamen in prolatione nominum, & uerborum, quorum alias difficilis pronuntiatio existit, ueluti in quibus R. aut L. aut K. literæ frequenter occurrunt. Eximitur autem hæc affectio per solam chirurgiam, illo instrumento chirurgico, quod à Græcis ἀγκυλοτομον uocatur, sed mea quidem sententia in infantibus modò natis melius est eam sensim dissuere, quàm repente præcidere; Et dein de statim soluta lingua, exertanda, & super illinendum est rodumeli, & quando uolueris incidere linguam sursum attollere ad palatum oportet, et si membranæ ipsæ causa curuitatis existant, in curuo uncino eas apprehensas, & extensas exscindere, animaduersione habita, ne simul subiacentes uenas dissecemus. Ab opere autem patrato, aqua frigida, aut posca os collunt, postea inspergatur, manna, thures, imponanturq; linamenta conuulsa; sequentibus uerò diebus curetur ulcus colutione aquæ mulsæ, aut illitione unguenti ægyptij, linamentis conuulsis; simul impositis. Sed hoc intelligendum est (ut arbitror) in adultis potius, quàm in lactentibus infantibus. Obstetrices uerò probæ statim post ortum infantis, solent hunc morbum numuli acie, aut unguibus, digitisue dissecare, & hoc tutius est.

PROGNO-  
STICA.

Aetius ibid.

CURATIO.

Aetius ibide

OITAE  
ADICUM  
THAM

## D E R A N V N C V L O .

## C A P . X X X V .

**V**ENARVM tumor ad inflammationis similitudinē sub lingua infantibus maxime cōtigere solet, et adeò crescit,

Paul. lib. 5.  
cap. 16.  
MORBI  
DESCRIPT.

R 2 ac si



Auic. lib. 3. F  
6. c. 17.  
CAUSA.

SIGNA.

PROGNO-  
STIC.

VICTVS  
RATIO.

Aet. lib. 8.  
cap. 37.

RATIO  
MEDICA-  
MENT.

ac si noua lingua oriretur; Vnde à nōnullis affectio hac, glādu  
la uocatur, græcè uerò βετγαχος dicitur, ab Arabibus uerò,  
ut ab Auicenna ranula dicitur; quoniam ut ipse inquit, est  
similis ranæ. Et causa eius est humiditas uiscosa, à capite  
descendens. Ex colore simili ranæ, & tumore superficiei ue-  
narum lingue cognoscitur. Et in infantibus facile curatur  
hic morbus; Ex mutatione enim, & prædominio humorū per  
singulas ætates exsiccatur copia humiditatis, et sic ablata cau-  
sa tollitur, secundum naturam, affectus. In adultis uerò lin-  
guæ grauedo, ab ortu, per aliquot annos perdurās difficillimè,  
uel nunquā curatur. Victus ratio debet institui uergens ad  
siccum, & calidum, ut indicatio demonstrat. Curatio uerò  
istius ægritudinis, ab Aetio duplici modo instituta uidetur;  
uno in perfectæ ætatis hominibus, sectione uenæ, & alijs re-  
medijs, quæ apud eum leguntur; altero in infantibus collutio-  
nibus tantum, quarum ratio est ista, R. salis ammoniaci cō-  
triti, gallarum contritarum an. drac. ij misce, & locus affe-  
ctus cum eo puluere, & cum saluæ folijs sæpè fricetur. Vel  
R. pulueris origani, pulueris corticum granatorum, ammonia-  
ci, salis an. drac. i. s. misce, & utitor. Vel R. floris æris, traga-  
canthæ, aluminis an. drac. i. s. misce, & omnia conterantur,  
& diu fricetur (adhibito ipso puluere) locus affectus.

OM





LIBER  
138  
OMNIBONI FERRARI  
MEDICI AC PHILOSOPHI  
DE ARTE MEDICA  
INFANTIVM,

LIBER QVARTVS.

PRAEFATIO.



*V*M huius artis partem, quæ ad mor-  
borum curationes pertinet, nimiam ma-  
gnitudinem, respectu aliarum, sortitu-  
ram esse iudicauerim, tum etiam, ut  
facilius studiosi ad ipsius artis singu-  
larum partium cognitionem perueni-  
re ualeant; eam (aliorum approbato-  
rum scriptorum insequutus exemplum) in duos libros diui-  
dendam putavi; quorum in primo ægritudines capitis; in se-  
cundo omnes alias residui totius corporis complexus sunt. Et  
quia infantes multi a septimo mense, aut paulò post, uel secū-  
dum consuetudines regionum, uel propter necessitatem, man-  
ducare aliquid incipiunt. Propterea ubi curationem aliquam  
in hoc opere descriptam, nutrici tantummodò uictus rationem  
insti



instituentem inuenerint; & præter lactis emulsionem eo in morbo etiam aliquid infantem māducantem; operæpretium est, ut tunc etiam ipsi infanti instituant, in omnibus sex rebus non naturalibus uictus rationem, secundum qualitatem nutritici præscriptam, & loci, temporis, ætatis, et naturæ ipsius uires. Præterea etsi multæ ægritudines, ueluti sunt tonsillarum inflammationes, & asthma, & illæ, quæ descriptæ sunt ab Hip. lib. 3. aphor. 26. & aliæ nonnullæ, magis in tertia ætate, quæ est inter dentitionem, et pubertatem, & extēditur usq; ad duodecimum, & tertiumdecimum annum, quàm in lactentibus infantibus contingere solent; nihilominus de ipsis etiam scribere statui, ne quid in hoc deficere ars nostra uideatur, & studiosi omnia in hoc uno opere simul colligata habere possint.

Hip. lib. 3. aphor. 26.

Gal. ibidem in comm.

DE TONSILLARVM COLVMELLÆQ;  
INFLAMMATIONE. CAP. I.

Hip lib. 3. aphor. 26.

Gal. ibidem

DEFINIT.  
MORB.

CAUSA.

SIGNA.

**Q**UANTOQUAM in infantibus lactentibus, secundum ipsius Hip. sententiam, affectio ipsa tonsillarum cōtingere non solet, sed tantummodò in tertia ætate, ut expositum fuit à Galeno; tamen rationibus citatis, capite precedenti, excitatus, & ab experientia ductus, eius curationem perstringere uolui. Tonsillæ igitur sunt locorum ad isthmum attinentium inflammationes, et græcè *ταριστηρι* uocantur, quæ proueniunt in ijs infantibus ex influxu à capite humorum crudorum, ad ipsas partes gutturis; Dignoscuntur faciliè per uisum; si quis enim aperto plarimum ore toto linguam depri-  
mat, apostema, & ulcera apparebunt; difficultas, præter hæc, deglis



deglutiendi adest. dolor etiam, & interdum febris, undè ex ipso morbo hæc sumuntur præagia. In infantibus rarò accidit hic affectus, nisi cum ceruicis uertebra affectæ loco excidunt; quo in casu infantibus illis, seu medicamentum non recipientibus, ac tanquam deploratis manum admoliri non oportet. At si tumor fiat in collo, bonum, foras enim morbus deducitur; ueruntamen fauces, dolentes, stenues, cū quadā difficultate strangulantes uelociter exitium afferunt, qui enim, nec in ceruice, nec in faucibus conspicuum aliquid efficit, & plurimū doloris infert, ac spirationis difficultatem; hæc enim eodem die, & secundo, & tertio, & quarto strangulat. Indicatio autem istius curationis perficitur, si circā sex res nō naturales, administrentur ea, quæ habēt facultatem sistendi fluxionem, & humiditatē exsiccādi. Quapropter tā in aere, motu, & quiete, somno, & uigilia, cibo, et potu; quā in repletionē, et inanitione, & accidentibus animæ, nutrix eodē modo, quo statutū est in capite de sternutatione, cū destillatione catarrhi ab intēperie calida, regatur, ad quod se referat. Deindē infantis aluus, primò, ut præscriptū est in ipso capite, ex suppositorijs ex melle, & sale gēma, & colocyntida, si opus fuerit, ducēda, et proritatāda est, ex quibus humores facilius descēdūt postea circa initiū cum gargarismis ex diamorō, et aqua ordeī succurrendū est; sed quia infantes ipsi uti gargarismis minimè sciūt, propter illius ætatis imbecillitatē, Propterea uel cū coto specillo adalligato illinēda, uel lingēda est gula, aut irrorāda est, loco gargarismi: Cōueniunt etiā pro gargarismo diacariō, diameū, uel rob nucū, uel syrupus papauerinus, diatragacāthū, et tragacātha simplex. Verū circa statum mel rosaceum in gargarismis

Paul. lib. 3.  
cap. 27.  
PROGNO-  
STIC.

Hip. lib. 6.  
aphor. 37.

Hip. lib. 2.  
prorrh. 53.

VICTVS  
RATIO.

MEDICA-  
MENT.  
RATIO.



garismis iniungendum est, ad adiuuandam maturationem,  
 Gal. lib. 6. de comp. med. sec. loc. c. 3. & ficus, & passulæ iniungendæ sunt. Communiter enim cū  
 tonsillis, tūm columella inflammatis, aut exulceratis, in prin-  
 cipio conuenit quies, inedia, & consequens diæta; gargarismi  
 simplices leniter astringentes, in uigore morbi alius subduca-  
 tur; gargarismi ex decocto ficuum, aut ptysanæ succo, in quo  
 passulæ sint coctæ. Si uerò tonsillæ ad suppurationem ueniūt,  
 gargarismi fient ex decocto ficuum, aut aqua mulsa calida.  
 Solent etiam mulierculæ ad exsiccandam humiditatē cerebri,  
 apponere in capite infantis stuppam canabis calidam conne-  
 xam. Paul. lib. 3. cap. 26. At si in febricula tonsillæ, & columella inflaman-  
 tur, gargarizationes cum furfurum, aut rosarum, aut palmu-  
 larum, aut myxarum, aut lentium decocto competunt, &  
 etiam succus mali punici dulcis cum corticibus contusi par-  
 te vi. cum mellis parte i. simul ad mellis usq; crassitudinem  
 decoquantur, & inungantur commendo; similiter cinerem  
 syluestrium hirundinarum à proprietate; nec non lanis succi-  
 dis collum utiliter protegimus, siue irrigationibus olei oliua-  
 rum, aut fomentationibus ex oleo chamæmelino, ad sedandū  
 dolorem, & digerendum locum affectum, sæpè fouemus; Ca-  
 taplasmatibus etiam utimur confectis ex ipso cinere, & luto ni-  
 dorum hirundinum, & rosis contritis, & floribus chamæme-  
 li, & pinguedine gallinæ, & polenta ordeacea, uel simpliciter  
 lanam succidam, oleo chamæmelino intinctam apponi-  
 mus.



## DE TVSSI EX DESTILLATIONE.

## CAP. II.

**C**V' M nostrum consilium sit, uel prout nos docuit experientia, uel autoritas aliquorum approbatorum scriptorum, de morbis, qui latentibus infantibus contingunt, pertrahere. Propterea cum ego sepius nonnullos infantes tusculantes curauerim, & cum Hip. dicat, in etatibus autem talia contingunt paruis, & nuper natis puerulis, oris ulceræ, (quæ aphthæ uocantur) uermes, tusses, uigiliæ, pauores, umbilici inflammationes, aurium humiditates. Igitur de ipsa tuspiratione animam ad scribendum duximus, quæ nihil aliud est, quàm uehementissima efflatio, qua plurimus spiritus celerrimè foras erumpens impetu suo extrahit, exploditq; excrementa meatum ipsius obstruentia, quæ Græci appellant *βίχας*; huiusce autem morbi causa est in ipsis infantibus, ut plurimum, humor à capite, ad asperam arteriam destillans ab aeris frigidityte, caliditate uè excitatus congregatusq; : infantes enim in utero materno assuefacti ad aeris caliditatem, demum in lucem producentes, gelidi aeris causa prouocantur ad destillationem, ut dictum est capite proprio lib. iij. uel importuna lactis ingurgitatio ad ipsam asperam arteriam descendens, uel lumbrici stomachum infestantes, et tusculam paruum excitantes; Et ex signis istis percipies, an tussis à destillatione frigida proueniat; uidelicet si circa fauces aderit uiscosa pituita, uel superflua humiditas; Et si aderit pallor in facie infantis, sine siti, & si iuuatur a calidis. Verum si fuerit à destillatione catarrhi calidi, tunc erit ru-

S bor

Hip. lib. 3.  
aphor. 24.Gal. lib. 2. de  
sympt. caus.  
cap. 4.  
DEFINIT.  
MOR B.CAUSA.  
Aet. lib. 2.  
cap. 54.

SIGNA.



bor in facie, sitis, & à frigidis subleuari uidebitur. Et si prouenerit ab importuna lactis ingurgitatione, cum infans lactis emulsionē incipit, tūc tussis excitatur, & cessante emulsione, exiguo temporis spatio, tussis cessat; At si à lumbricis stomachum infestantibus proueniat, non inuenies in faucibus humiditatem, nec pituitosum excrementum, & tussis parua erit, quæ plerunq; perducit ad sputū sanguinis. At qui gibbi ex anbelitu, aut tussi efficiuntur, antè pubertatē intereunt. Et interdum ex uehementi, & inueterata tussi ducuntur infantes ad phthisim, & hecticam, & ad herniam. Curatio uero cum tribus indicationibus diuidatur; una est, quæ ad lumbricos; altera, quæ ad lactis ingurgitationē; tertia, quæ ad ipsā destillationē pertinet; Ea, quæ à lumbricis causam trahit in capite proprio de lumbricis, in isto libro absoluetur, et declarabitur: Et ea, quæ ab ingurgitatione lactis uiolēta generatur, curabitur; si nutrix summa cū diligentia lac exhibuerit infanti, adeo non ut in superflua quantitate pro qualibet uice ipse infans lac emulgeat; & tempore, quo optima in stomacho concoctio facta sit. Reliquum est, ut de tussi, quæ ab ipsa destillatione fit, uerba faciam, & bifariam diuidatur, uel ab intemperie frigida, uel à calida. Quoniam si ab intemperie frigida prouenit, tunc aer eligatur ad calidū, & siccum uergens, & nutrix exerceat se quotidie, hora una, antè cibū, caueat à somno diurno post cibum, & infans pariter; statim post lactis emulsionem in die non dormiat, & somnus sit breuior solito, & dormiat capite eleuato; nam supinum dormire, malū est; Aluus sit lubrica, & præcipue in infante, cum suppositorijs soluenda est, si opus fuerit; Caueat à uino, replet enim caput.

Auic. lib. 3  
F. 10. cap. 4.

PROGNO-  
STIC.  
Hip. lib. 6. a-  
phor. 46.

VICTVS  
RATIO.



& prouocat destillationem; caueat etiam in cibo ab acetosis,  
 salitis, oleribus, alijs, cæpis, porris, & raphanis, à fructibus, à  
 leguminibus; à piscibus, à carnibus bubulis, ouillis, grossis,  
 humidis, uiscosis, crassis, et ijs, quæ sunt difficilis concoctionis,  
 & mali succi. Deinde quotidie secundum consuetudinē fri-  
 cetur, & balneetur infans, et quia expedit, ut in primis, quod  
 fluit, & tusim generat, prohibeamus, postea, quod fluxū est  
 euacuemus. Propterea ad prohibendum, & diuertendū, con-  
 ueniant fricationes, & balnea, ad tollendum uerò quod flu-  
 xum est, laudo, prout ego feliciter sepius expertus sum, ut  
 infanti manē, & sero, & præcipue cum tussis eum infestat,  
 exhibeatur cochleare unum, uel duo olei amygdalarū dulciū  
 recentis admisti, cum s. q. pulueris sacchari candidi, aperit .n.  
 uentrem soluit, tusim emollit, & leniter sine nocumento pi-  
 tuitam educit, mox ad corroborandū cerebrū, & resoluendā  
 materiā illā crudā destillationē facientē, ablutiones capiti in-  
 fantis ex ista decoctione facere poterunt R. chamæmeli, me-  
 liloti, baccharis, maioranæ, rosarum, an. M. i. misce, & omnia  
 diligenter in lineo panniculo, postea bulliant in s. q. lixiuij dul-  
 cis usq. ad tertias, & ablue, & post ablutionem cum pannicu-  
 lis calidis caput exiccetur, nec non pectus, & totus thorax  
 inungatur ex isto linimento calido R. olei amygdalarum dul-  
 cium, unguenti pectoralis, butyri ueteris, an. ꝑ. unc. s. misce, &  
 inunge. Exhiberi etiam poterit sepe in die modicum ex in-  
 fra scripto electuario R. mellis optimi despumati, olei amyg-  
 dalarū dulciū, succi liquiritiæ an. dr. iij. pulueris myrrhæ, tra-  
 gacanthæ, galbani an. scrup. s. misce, et f. electuariū, et utere, et  
 præcipue cum tussis infestat; Et si fuerit difficultas anhe-

MEDICA-  
 MENT.  
 RATIO.

S 2 litus,



litus, pulvis seminum lini cum oleo amygdalarum dulcium  
 recenti admisceatur, & præbeatur infanti. Verum si tussis  
 generetur à destillatione catarrhicalidi, tunc aer potius ad fri-  
 gidum uergat, quàm ad calidum, & nutrit, & infans rectè  
 se habeant in sex rebus non naturalibus, prout supra præceptū  
 est; Et caueat ab omnibus supra statutis, & prohibitis; Nec  
 non ab omnibus, quæ rationem habent calefaciendi, prout ab  
 igne, à sole, à uentis, ab aere nocturno, et similibus, capitis etiā  
 ablutionibus, et nihil capiti infantis superponatur. fricationes,  
 & balnea quotidie fiant, lingua infantis, mane ante lactatio-  
 nem, molliter comprimatur, ut facilius euomat; nam uomi-  
 tione mirum in modum pituitam euacuabit, & deinde ea ho-  
 ra, qua magis tussis infestat, infanti tribuatur ex oleo amyg-  
 dalarum dulc. & saccharo candido in puluerem resolutis, ut  
 dictum est, cochleare unum, uel duo ad lambendum, uel R.  
 sacchari penediati dr. ij. syrupi iuiubini ꝑnc. s. misce, & cū  
 tus sit ad lambendum detur, nam momento tussim ipsam se-  
 dat, & emollit; Vel R. sacchari candidi contriti dr. ij. aquæ  
 uiolatæ ꝑnc. i. succi lyquiritiæ drac. s. misce, & da ad lambē-  
 dum. Pectus pariter ex oleo amygdalarum dulcium, tantū  
 calido inungatur manè, & serò. Vel si erit infans ætatis an-  
 norum duorum, uel circa, tunc R. seminum cucurbitæ, cucu-  
 meris, melonum, citrulli, lactucæ, endiuie, scariolæ, portulacæ  
 an. scrup. i. contendantur omnia, & ex eis s. a. cum aqua  
 uiolarum fiat lac, in quo dissolue lochsani, & experti ꝑnc. i.  
 confervæ uiolarum, rosarum an. drac. s. rob granatorum, mu-  
 sorum, rob de ribes, oximellis simplicis an. drac. s. misce, & co-  
 letur, & ex eo ad lambendum sæpè detur; Ego etiam sæpè  
 fæli



fœliciter in destillatione expertus sum ( dummodo lac nutriti-  
uitiatum non sit ) lac eius tantum cum puluere sacchari can-  
didi admistum infanti, cum tussis infestat, quē leniter emol-  
lit, & sedat.

## D E A S T H M A T E.

## CAP. III.

**C**V M Infanti aderit modica respirandi difficultas, hic  
affectus à Græcis uocatur *Ασθμα* & cum uehemen-  
tior sit, & spirare æger sinè anhelitu, & sono non potest, tunc  
uocatur *ἄσπλη*, si uerò accadat in spirando, ut non nisi re-  
cervice spiritus trahatur, tunc *ὀγτώσπλη*, nominatur; Vnde  
sic definitur sicca orthopnœa ea est spirandi difficultas, quæ  
sine sputis, uel tussi usq; adeò uehemens, ut inclinari citrà suffo-  
cationem, qui ita afficitur, non possit. Sed multæ sunt spirā-  
di difficultates, tamen solam illam Hip. consuevit asthma  
nominare, in qua contingit satis crebrum anhelitum fieri, quā  
Auic. inter ægri tudines infantium uocauit anhelitus mali-  
tiam, & ipse Hip. dixit loquens de ipsis infantium ægritu-  
dinibus; Cum uerò iā magis adoleuerint, crebri anhelitus, quos  
Græci asthma uocant. De qua anhelitus crebritate, seu  
asthmatis specie sola à nobis pertractare decretū est, in sequen-  
tibus iudicium ipsius Hip. & Auic. qui in infantibus de  
omnibus alijs speciebus, tanquam superfluis, scribere præter-  
miserunt; Et quæ prouenit à materia crassa, à capite descen-  
dente, cum in pulmonis bronchijs fuerit infarcta, & excita-  
tur à caliditate, uel frigiditate aeris extranea, à casu, à per-  
cussione, à nimia agitatione, à fumo, & à malis uaporibus, &  
odo

DESCRIP-  
TIO  
MOR B.

Gal. lib. 4.  
de ui&rat.  
acu.com. 21

Gal. lib. 6.  
aphor. 46. in  
comm.

Auic lib. 1.  
F. 3. doc. 1.  
cap. 3

Hip. lib. 3.  
aphor. 26.

CAUSA.  
Gal. lib. 7. de  
comp. med.  
sec. loc. c. 6.



SIGNA.  
 Auic. lib. 1.  
 F. 3. doc. 1.  
 cap. 3.  
 PROGNO-  
 STIC.  
 Hip. lib. 4.  
 aphor. 50.  
 Hip. lib. 6.  
 aphor. 46.  
 Auic. lib. 3.  
 F. 10 cap. de  
 sig. asthma-  
 tis:  
 VI CTVS  
 RATIO.

Auic. ibidem  
 MEDICA-  
 ENT  
 ATIO .

Auic. ibidem

odoribus. Et cognoscitur ex anhelatione frequenti, & spi-  
 randi difficultate; & quia interdum materia faciens asthma  
 est, (prout dictum est) in pulmone infarcta, & aliquādo in  
 aspera arteria, si erit in pulmone, tunc aderit grauitas pecto-  
 ris, sreatus, tussis laboriosa, & difficultas anhelitus. Si uerò  
 erit in aspera arteria, sonus aderit, qui est ueluti in dormiēti-  
 bus oregmō in respirando, et tussis, et sreatus facilis erit. Hæc  
 affectio in febre intermittēte, leihale; Et qui gibbi ex asthma-  
 te, aut tussi fiunt, antē pubertatē moriuntur, et asthma in se-  
 nioribus forsan nō sanatur, et iuuenibus, ut plurimum, est dif-  
 ficilis, & longa. Verū curandi indicatio, prima est electio ae-  
 ris tēperatæ caliditatis, & siccitatis; postea nutritrix, & infans  
 recte se habeant, in omnibus sex rebus non naturalibus; Et  
 caueant ab omnibus tā in cibo, quā in potu; quæ descripta  
 sunt capite precedenti de tussi, nec nō caueāt a malis uapori-  
 bus, & odoribus a fumo: Bibat nutritrix decoctionē pectoralē,  
 quæ hoc modo paratur R. ordeï mundi, passularum enuclea-  
 tarum, lyquiritiæ rasæ, capillorum ueneris, uiolearum an. M. i.  
 iuiubarū, num. xij ficuū num. x. bulliant omnia in s. q. aquæ  
 pluuiialis, usq. ad consumptionem tertiæ partis, postea coletur,  
 et usui seruetur. Deinde primū infantis aures, collū, et linguæ  
 radix inungatur quotidie ex oleo oliuarū, uel ex oleo amyg-  
 dalarum dulcium, & pectus pariter inungatur, cum inunctio-  
 ne in capite precedenti de tussi, descripta; quibus inunctionibus  
 facile concoquantur, & intercipiuntur cruditates illæ super-  
 fluæ, quæ tam per adenes descēdunt, quā quæ in pectore sunt.  
 Præterea Auic commendat, ut cōprimendo linguam infan-  
 tis uomitū excitemus; ex quo summum beneficium affertur  
 infanti;



infanti; cōmendat etiam, ut in ore ad lauandum, & absterge-  
 dum linguam uulam, & colli regionem aqua calida irrore-  
 tur; demum laudat hunc lābitium R. seminis lini in pulue-  
 rem resoluti ꝑ. s. mellis crudi ꝑ. i. misce, & f. s. a. lam-  
 bitium, de quo ad quantitatem unius fabæ infantis pro qua-  
 libet uice exhibeatur, & si opus fuerit, cymini contriti, parū  
 iniungito; Cuminum enim ipsum humores pituitosos uiscidos  
 incidit, & asthmaticis confert. Vel R. loboc de pino, diaprasi,  
 diapapaueris, syrupi de hyssopo an. drac. ij. misce, & utitor, in  
 quantitate unius fabæ. Oregmon uerò, qui in dormientibus  
 infantibus asthmaticis contingit, nil aliud est, quā pectoris so-  
 nitus, curatur pariter eo modo, quo supra dictum est, de ipso  
 asthmate: At non ille curatur oregmō, qui prouenit à perip-  
 neumonia præcipue, & ab alijs morbis, quoniam est indicatiū  
 proximæ mortis: Fæliciter etiam curatur sonus, siue oregmon  
 in asthmate, si sæpe infantis exhibeatur huius electuarij pro  
 qualibet uice quantitas unius fabæ R. conseruæ nimpheæ, ro-  
 sarū an. dr. ij. manus christi, trochisorū de cāphora, diarhodon  
 an. dr. s. electuarij de gemmis frigidi scrup. ij. syrupi de hyssop-  
 o q. s. ad incorporandum misce, & f. s. a. lambitium.

Auic. ibidem

## D E S T O M A C H I D E B I L I T A T E.

## CAP. IIII.

**S**TOMACHI imbecillitas in infantibus, quæ nihil aliud est,  
 Quā ipsius uentriculi uirtus, in coquendo minime functio-  
 nem suam obire potens, ut plurimum à mala lactis quali-  
 tate, uel à corruptione aeris generatur, uel etiam fit

DEFINT.  
 MORE.  
 Auic. lib. 3. F  
 13. trac. 2. c. 4  
 Gal. lib. 8. de  
 comp. med.  
 fec. loc. c. 3.  
 CAUSAE.

ex



ex copiosa humiditate in ipso sinu, & uentriculi spatio, sine uitio contenta, & hoc præcipue, in infantibus, qui copiosa humiditate abundant, et affectio ipsa græcè *ὑγροσύνος* uel *ἁσθενία*

SIGNA.

*ὑποκρίνου* uocatur. Signa si à mala qualitate lactis nutriticis proueniat, ex uisu, et experientia apparebunt, si periculū fiat, & lac exploretur, prout à nobis ostensum est in primo libro huiusce artis, qui legendus est, ut tota res facilius intelligatur. Apparebunt postea si ab aeris corruptione, uel à copiosa humiditate prouenient signa ipsa, non tam ex difficultate digestionis, alui constrictione, & gravitate, et cibi fastidio, quā ex ructibus acidis, & aliquando ex nausea, & uomitione. Quod

Gal. lib. 1 de  
loc. affe. c. 4PROGNO-  
STIC.

si humor quispiam in ipsis uentriculi tunicis cōtineatur, nausea quidem uexabit. Et quia ex hac affectione aliquando sequuntur diuerse agritudines, & præcipue, quæ à cruditate proueniunt, propterea statim succurrendum est. Et si à lactis qualitate originem trahat, alia nutritrix lactet infantem; Et prima curetur, secundum indigentiam ipsius lactis. Ipsi

VI CT VS  
RATIO.

nutrici uerò, quæ nutrit infantem, prout sumitur ex ipsa indicatione in sex rebus non naturalibus uictus ratio instituitur ad calidum, & siccum uergens; Et si alius infantis naturaliter non excernit, quotidie subducenda est suppositorijs ex melle, & sale gemma compositis. Deinde stomachus infantis ex musco, cum aqua rosacea, uel myrti admisto inungatur; roborat enim ipsum stomachum, & suauissimè etiam corroborat cerebrum; nec non exhibere poteris aliquantulū ex isto electuario, quotidie stomacho ieiuno, R. succi cydoniorum, succi mentæ an. ꝑ. ij. s. sacchari ꝑ. ij. misce, & parum bulliant; postea adde pulueris caryophyllorum, cinamomi, galangæ

Auic. lib. 1. F  
3 doc. 1. c. 3:



langæ, mastiches an. scrup. s. misce, & s. a. f. electuarium, et  
 utere. Vel alio modo R. succi cydoniorum clarificati ꝑnc. iij.  
 galliæ, muscatæ, zingiberis, mentæ, mirrhæ an. scrup. s. conte-  
 rantur omnia subtiliter, & cum saccharo q. s. misce, & f. lam-  
 bitium, de quo sæpè sumat quotidie, uel R. specierum aro-  
 matici rosati, specierum aromatici caryophyllati, secundum  
 descriptionem Mesuæ, specierum diacymini an. dr. i. saccha-  
 ro, & aqua rosacea an. q. s. misce, & lento igne. s. a. f. confe-  
 ctio in rotulis unius dragmæ pro qualibet rotula, ex quibus  
 quotidie stomacho ieiuno unam suscipiat infans; poteris etiam  
 quotidie manè stomachū infantis inungere ex oleo de absyn-  
 thio, uel ex masticeis, uel ex menta; & si opus fuerit etiam ex  
 caryophyllis, & de nuce moscata; sacculi etiam parari solent  
 ex rosis siccis, menta, absynthio, chamæmeli, abrotano, pule-  
 gio, calamento, & stomacho adhiberi, qui ualdè concoctionem  
 adiuvant, & uentriculum ipsum corroborant.

## D E V O M I T V .

## C A P . V .

**C**UM stomachus expellit per os ea, quæ noxia sunt, tūc  
 dicitur uomitus, græcè autem, <sup>ἐμετός</sup> & differt uomi-  
 tus à nausea; Nausea enim præcedit ipsum uomitum, & ni-  
 hil aliud est, quàm quidam conatus ad uomitionem, quæ græ-  
 cè dicitur <sup>ναυτία</sup>. Vomitus uerò est affectus uentris superio-  
 ris, uel multitudine grauati, uel ciborum, excrementorumue  
 qualitatem non ferentis, similis diarrheis. Vomitus autem  
 infantibus fieri par est, propter lactis, quod assumunt multitu-  
 dinem.

DESCRIP-  
TIO  
MORB.DEFINIT.  
NAUSAE:Gal. lib. 3. de  
nat. fac. c. 15  
DEFINIT.  
MORB.Gal. lib. 3.  
aphor. 24. in  
comm.  
CAUSAE.



dinem. Et præter ipsam causam, fit etiam propter imbecillitatem ipsius stomachi, uel propter aeris corruptionem, uel mali odoris; et semper uomitionem præcedit, ut dictum est, nauſea, subuerſio, tremor labiorum, & hypochondriorum tensio.

Auic. lib. 3.  
F. 10. trac. 5

Et si multæ differentiæ enumerari poterint à diuersis causis excitatis; nihilominus cùm à Galeno in ipsis infantibus, una tantum enarrata sit causa, quæ est à multitudine lactis; et ea, quæ est ab imbecillitate uentriculi, propter humiditatis multitudinem, iam satis in præcedenti capite declarata, & præscripta sit, & ea, quæ fit, uel ab aere, uel à malo odore, mutatione tantum curatur. Reliquum est, ut ego quoq; auctoritatem ipsius Gal. sequens, de ipsa tantummodò uerba faciam. Quæ cum proueniat ex copiosa lactis assumptione,

SIGNA:  
Hip. lib. 7.  
aphor. 3.

PROGNO-  
STIC.

Auic. lib. 4.  
F. 2. trac. 1.  
cap. 29

Hip. lib. 2:  
prognost. c.  
7. tex. 38  
VI CT VS  
RATIO.

Auic. lib. 1  
F. 3. doc. 1. c.  
3:  
MEDIC.  
RATIO:

apparebit circa stomachum tensio, & grauitas, & post uomitionem subleuabitur infans; à uomitu enim singultus, & oculorum rubor, malum, & uomitus colore albus, aquosus, citrinus, & rubrus uehementer, & obscurus, est malus, et deterior est, qui est sicut flos aeris, & niger; Et cui succedit spasmus interficit statim. Vomitus autem utilisſima est, quando est, pituitosa, & bile permixta. Curatio, quantum ad victus rationem, ut indicatio ostendit, instituat, magis uergens ad calidum, & siccum, quàm ad humidum, & frigidum; Et nutrix uescatur cibis boni succi, & facilis concoctionis, & multitudinem lactis infanti interdicat. Et aluus infantis quotidie excernat, uel sponte, uel arte, cum supposito-  
ris prædictis, capite præcedenti, & pluribus alijs in locis. Deinde nutrix caryophillos mastice, & in os infantis decenter immittat, & sic pariter cinnamomum, commendatur

tur



tur etiam emplastra, cum medicamentis debiliter uomitum  
constringentibus. prout, R. pulueris rosarum rubeorum, sanda-  
lorum rubeorum, granorum myrti, mentæ an. ꝛnc. s. olei cydo-  
niorum, de mastiche an. partes æquales q. s. misce, & f. empla-  
strum. Verum quia aliquando contingit, propter assiduam vo-  
mitionem, lac ipsum putrescere; propterea, ea, quæ excernuntur  
conspicienda, et odoranda sunt. Etenim si odor acidus sit, tunc  
R. thuris contriti, pulueris rutæ, mentæ, an. scrup. s. syrupi de  
rosis siccis ꝛnc. s. misce, & infanti ad lambendum præbe; cõ-  
uenit etiam admiscere cum ipso syrupo parum ex pulueribus  
cymini, & sumachij, & infanti exhibere; omnia etiam, quæ  
descripta sunt capite præcedenti conueniunt; uel si opus fuerit;  
R. pulueris mastiches, ligni aloes an. drac. s. galliæ, acatiæ, oli-  
bani, caryophyllorum an. scrup. i. panis usti ꝛnc. i. olei de mē-  
ta, uel de cydoneis q. s. ad incorporandum misce, & f. empla-  
strum, & stomacho adhibeatur calidum.

## D E S I N G V L T V .

## C A P . VI.

**Q**UANDO stomachus ex deprauatis functionibus ex-  
pultricis, et retentricis, quasi conuulsio oris eius, motum  
quendam uehementē, & uiolentū facit, ex quo rē, quā appetit os  
eius, et à retētrice nō secūdū naturā amplectitur, infestātē ex-  
pellere conatur; affectio ipsa à Latinis singultus, & à Græcis  
αγμος, uel αγξ uocatur, causa traditur ab Hip. dicēte cōuulsio  
fit, uel ex repletionē, uel inanitionē, ita uerò, et singultus, nihilo-  
min⁹ magna ex parte à plenitudine fit sigult⁹, ut indicāt pueri

DEFINIT.  
MORB.  
Gal. lib. 3. de  
caus. sympt.  
cap. 2

Hip. lib. 6. a.  
phor. 39.  
Gal. lib. 6. a.  
phor. 13.  
CAUSAE.

T 2 crebrò



Gal. lib. 8. de  
comp. med.  
sec. loc. c. 3.

SIGNA.

PROGNO-  
STIC.  
Hip. lib. 6. a-  
phor. 13.  
Hip. lib. 5  
aphor. 3.  
Hip. ibidem  
Hip. lib. 7.  
aphor. 2.  
Hip. ibidem

crebrò singultientes, cum sunt repleti; raro autem ab inanitione; Nec non Gal. ipse asserit singultum etiam fieri uidisse ex acribus, & serosis humoribus, & medicamentis stomachum mordentibus, quos ubi uomitu reiecerint, statim singultu liberantur. Qui etiam ex deuorato pharmaco, ex tribus piperis generibus constante, uel ipso met piperi tenuiter cribrato, si statim uinum postea biberint, & praesertim calida aqua temperatum, omninò singultiunt, & subiungit. Quamuis pueris maximè ob corruptionem alimenti in uentre, aut ob eiusdem partis frigiditatem singultus accidat. Et si singultus ex repletionem fit, signa erunt motus singultus subitus, sine aliquo morbo, & post uomitionem, uel alui deiectionem, liberatio, ante cibum stomachi alleuiatio, post uerò grauedo. Si ex inanitione, diuturna alui solutio, dysenteria, febris, uel immodicus sanguinis fluor, si ab erosione stomachi ex humoribus acrioribus post concoctionem suscitatur singultus. Et si ex tribus piperibus singultire contingat; quanquam in infanti raro, aut nunquam hoc accidat, nihilominus ex relatione uel infantis, uel nutricis, si infans loquelæ expers non sit, facile percipi poterit. At in ipsis infantibus, plerumq; post copiosam lactis emulsionem contingit, & praecipue in ijs, quorum nutrices sunt humidae, & habent corpus plethoricum, & plus, quam oportet edunt, bibuntq;. Prognosticandum uerò est, fore ut singultus sternutatio superueniens tollat, & ubi sanguis multus fluxerit, singultus, aut conuulsio superueniens, malum, et ex superflua purgatione similiter conuulsio, aut singultus superueniens, malum. Item à uomitu singultus, & oculorum rubor, malum. Indicat enim, uel cerebrum, uel uentriculum pati inflammationem,



tionem, Et similiter si ab ileo singultus fiat; Et si singultus in altiore sopore, aut animi deliquio, aut tetanis obortus fuerit, mortem non longè abesse denuntiat. Victus ratio autem, si à plenitudine est singultus, ut nobis ostendit indicatio, in omnibus sex rebus non naturalibus, instituatur, uergens ad calidū, & siccum, & quotidie prouidendum est infanti, omni diligētia, ut aluus excernat, uel sponte, uel arte, adhibitis supposito-rijs, aut clysterijs. Postea sternutatio cum modico puluere piperis, uel sinapis, uel castorei in naribus insufflato, excitanda est. At si opus fuerit, uiolentiore motu, linguam eius aut digito comprimendo, aut pēna oleo intincta uomitus excitetur, ut materia peccans euacuetur, & cum infanti accidit singultus, tunc ei danda est nux indica cum saccharo. Vbi uerò quis ex tribus piperibus sumpserit pharmacum, & singultiat, olei amygdalarum dulc. ꝛnc. iij. uel aquam ordeī, cyathum unū sumat calidum, uel uomitum excitet. Singultus autem si à lactis mala qualitate proueniat, tunc alia nutrix lactet infan-tem, donec primæ lac reducat ad æqualitatem, & sani-tatem. Et si ex frigidis humoribus generetur singultus, deā-bulationes, fricationes extremarum partium conueniunt, & somnus longior solito, & inunctiones ipsius uentriculi ex oleis de castoreo, sycionio, styrace, & mastiche, & spiritus retentio, & admotio lin-teorum calefactorum non rarò iuuat. Verum ubi ab inanitione ortus fuerit singultus, curabitur per alimen-ti conuenientis assumptionem; & balneo calido ex aqua dul-ci, uel ex lacte balneandus est quotidie, manè, stomacho ieiu-no, & postea oleo amygdalarū dulciū inungendus; Et si per etatē licet, cibā dus est ptisana, et aquæ melonū bibēdæ sunt.

Aetius lib. 9  
cap. 5.

VICTVS  
RATIO.

Hip: ibidem

MEDICA-  
MENT.  
RATIO.

Gall. lib. 8: de  
co mp: med:  
fec: loc: 3

Auic lib. 8  
F. 3. doc. 1.  
cap. 3.

Aetius ibidē

D E



## DE COLICO SEV VENTRIS DOLORE.

## CAP. VII.

DEFINIT.  
MOR. B.  
Gal. lib. 12.  
met. med. c. 7

**C**UM nihil aliud sit dolor, quā trīstis sensatio, à subita, ac uiolenta mutatione facta, ad tactum tantummodò pertinens, & omnis dolor euenire soleat, aut per cōsensum, aut primario affectu, si in uentre infantium contingat; ut aliquā dō fieri uidetur, adeò ut torqueantur, et miserrimè plorent, cū est in toto uentre, erit in omnibus intestinis; & tunc à Græcis uocatur αλγος γαστρικος cū uerò erit in parte, prout in crassis intestinis, tantummodò ab affecto loco dicitur καλινη διαθεσις. Si in gracilibus intestinis, tunc uocatur uoluulus à Latinis, et à Græcis, ελκος, sed de ista specie morbi scribere opus nō esse iudicaui in hoc opere; quoniam eam in infantibus nunquam contingere uidi, nec auctorem approbatum de ea scribentem; propterea de solo colico dolore agendum esse censeo, cuius causa, ut plurimum est in infantibus, humiditas cruda, qua ualde abundant, uel propter lactis malam qualitatem, uel propter imbecillitatem uentriculi, excitatam ab hypochondriorū partibus obstructis, etiam uel à balnei frigiditate, uel etiam à frigiditate pedum, propter humiditatem generatur; Et aliquandò si aliquid præter lac, sumpserit in cibo, à mala ipsa qualitate cibi, ueluti à fructibus fugacibus, & similibus; indicabūt signa ista; si cum ploratu continuè infans contorqueatur, & si aluus constricta sit: Et si aliquandò uomitus infestet, & si sitis intensa, & uigilie perseuerent. Et si à cruda humiditate dolor ipse excitatur, tunc uomitus, & tensio, & tormina aderunt. Verū si à flatu dolor generetur, tunc ructus plures, & flatus abundabunt, & dolor

CAUSAE.

SIGNA.

Gal. lib. 2. de  
loc. affe. c. 5  
Auic. lib. 6.  
trac. 3. c. 7.



lor mobilis erit, adeò ut quandoq; in uno, & quãdoq; in altero loco percipiatur. Prædicere autẽ dolores cõuenit, qui cũ febre affligũt circà lũbos, et inferas sedes; si præcordia attigerint, inferas sedes relinquẽtes, exitiales admodũ sunt. Et quibus tormenta, et circà umbilicũ labores, & lũborũ dolor, qui neq; medicamẽto, neq; aliter soluitur, in aquã inter cutẽ siccã firmatur. Et dolores uẽtris sublimes leuiores, qui uerò non sublimes fortiores, et in forti dolore uẽtris partiũ extremarũ frigiditas, malũ, et à uẽtris dolore diuturno suppuratio. Indicatio autem istius curationis, hoc pacto, perficitur, cũ oĩs dolor in genere dupliciter curã admittat. Primo in remotione eius causæ, qua ablata tollitur affectus, .s. dolor. Vel alio modo in sedatione ipsius doloris. Propterea si à lactis qualitate prouenit, ut remoueatur ipsa causa, alia nutrix lactet infanẽ, donec prima secũdũ artẽ curetur. Si uerò ab humore crudo, tunc nictus ratio instituatur ad calidum, & siccum, uergẽs in oĩbus sex rebus nõ naturalibus, et nutrix uescatur cibis boni succi, et facilis coctionis. Veruntamẽ quia Hip. lac dare, quibus ilia suspẽsa murmurant, esse malũ docet. Propterea si infans est ætatis annorũ duorũ, uel circà, si possibile erit, per diẽ salẽ naturalẽ, lac non emulgeat, sed nutriatur ferculis cum pane, uitellisq; ouorum, & oleo amygdalarum dulcium, conditis: Et statim (prout ego sæpẽ fæliciter expertus sum) exhibeantur ipsi infanti ꝛnc. iij. olei amygdalarum dulc. recentis, per horas quatuor antẽ cibũ: soluit .n. uentrem, & dolorẽ lenit: Deindẽ perseuerãte dolore fiãt fomẽtationes, hoc modo paratæ R chamæmeli, meliloti, thymi, pulegij, rosarũ, an. M. i. seminum lini, anisorũ, fænigreci an. drac. ij. misce, & omnia bulliant in s.q.

PROGNO-  
STIC.  
Hip. lib. 2:  
prognost. c.  
13.

Hip. lib. 4. 2-  
phor. 11.  
Hip. lib. 6  
aphor. 6.  
Hip. lib. 7  
aphor. 26  
Hip. ibidem

VICTVS  
RATIO.

Hip. lib. 5. 2-  
phor. 64

RATIO  
MEDICA-  
MENT.

uini



uini albi; mox cum spongia infusa, bis in die, per horam unā, ante cibum, & postea optimè expressa, statim calida, fomentetur ter, aut quater locus dolens, & inungatur oleis istis calidis. R. olei anethini, de ruta, de chamæmelo an. ꝯnc. s. misce, & inunge. Verùm si à flatu prouenerit dolor compertum est tantummodò cum fomentationibus præmissis dolorē ipsum sedare; sed tamen prius aliquo clystere communi aluo subducta, hunc in modum parato. R. florum chamæmeli, meliloti, thymi, maluarum an. M. i. seminum anisorum, cumini, an. drac. ij. misce, & bulliant in s. q. aquæ ad tertias. postea coletur, cuius decoctionis R. ꝯnc. vi. olei de ruta ꝯnc. ij. mellis rosati ꝯnc. ij. sacchari ꝯnc. i. salis q. s. misce, & cum parua ad scribendum penna anseris, utroq; capite reciso alligata ad collum uesticæ unius, in qua prius posita sint omnia, clystere parata penna intromittatur in anum, & s. a. f. clyster. Vel apponatur super locum dolentem cucurbitula sicca sine scarificatione, resoluit enim mirum in modum flatus omnes, & uidetur habere incantamenti similitudinem.

Gal. lib. 12.  
met. med. c. 8

# DE FLUXU VENTRIS.

## CAP. VIII.

DEFINIT.  
MORB.

Auic. lib. 1:  
doc. 1. cap. 3

CAUSAE.

Auic. ibidem

**F**LEXVS Ventr̃is, qui dicitur græce Διαρροια est alui profusum diuturnum, copiosum, sine phlegmone, et exulceratione, de quo intelligere uoluit Auic. cum dixit; Et ex eis, quæ infantibus accidunt est ventris solutio, & proprie cū dentes nascuntur. Et de quo nūc uerba facere, & curationem perstringere institui; cuius causa duplex est; una à materia calida; altera à frigida proueniēs; quæ à calida excitatur,

ut



ut plurimum, fit à dolore ex dentium productione suborto; à frigida uerò ab aeris ambientis qualitate, uel à multitudine humorum superflua. Infantibus enim accidit uentris solutio, cum dentes nascuntur, & quidam sunt, qui dicunt, quòd sit propter superfluitatem salitam; sed fieri potest etiam alio modo, immò propterea quod natura impedita in generando membrũ, non bene digerit. Aliquandò etiam gignitur iste morbus à mala qualitate lactis serosa. SIGNA, si fluxus est à materia calida, excremẽta erunt colore citrino intincta, & excernuntur cum aliquo acore, et sine mora. Si uerò à materia frigida, excrementa pituitosa, alba, et cum tormine excernuntur. Et si à lactis mala qualitate, experientia docebit, si periculum fiat. Prædicendum uerò est, in longis intestinorum leuitatibus, si ructus acidus fiat, qui prius non erat, signum bonum esse indicat. Et omnia uentris profluvia post ægritudines acutas symptomata esse mortalia, quia corruptio nem repentinam portendit. Curatio si rectè institui debet, in primis animaduertenda sunt ea, quæ iudicantur, & iudicata sunt integrè; nam neq; mouere, neq; nouare aliquid, si uè medicamentis, siue aliter irritando, sed sinere oportet. Et si hoc paucum fuerit, non de eo debes laborare. Tota igitur curatio naturæ permittenda est; & b ijs enim, quæ lædere poterant, sic per ipsum fluorem corpus expurgatur. Verum si profluium ipsum perseueret usq; ad dies sex, uel septem ad summum spatium, & perseuerantia ipsius periculosa est; aliquandò enim tormina, & febres excitat, uiresq; consumit. Propterea transactis diebus sex, si adhuc perseueret, Si nutritis lac peccat, tunc alia lactet infantem; postea si excrementa biliosa erũt;

SIGNA.

PROGNO-  
STIC.  
Hip. lib. 6. a.  
phor. 1.

Auic. lib. 3.  
F. 16. trac. 1  
cap. 2.

Hip. lib. 1.  
aphor. 20.

Auic. ibidem

V . ui



VICTVS  
RATIO.Paul. ægin.  
lib. 1. cap. 9.MEDICA-  
MENT.  
RATIO.  
Auc. ibidem

Nota 7. 3.

Victus ratio nutrici instituat<sup>ur</sup> circà sex res non naturales, ad frigidum, & siccum uergens, prout indicatio nobis ostendit eo modo, quo præscriptum est in capite de alui profluvio nutricis in primo libro huiusce artis, qui legendus est; somni in infante sint longiores solito, caueat ne infans balneetur, et simplices fricationes fiant. Postea ei quotidie succurrendū est epithematis, quæ comprimendi facultate prædita sunt, cōpescere conabimur, inspergentes lanæ uel cuminum, uel anethum, uel apiū. Proderit etiā semen rosarū inserere, & in uniuersum calefacientibus arefacere; Et succurrendū erit ei embrochando uentrē eius ex semine rosæ, aut cymino, aut aniso, aut semine apij, aut uētri ipsius emplastrū superponendo, ex cymino, & rosis madefactis cū aceto, aut prout dicūt Arabes cum giaures v. z. panico decocto cū pauco aceto. Et si nō inuerit hoc, hædi coaguli sexta pars drachmæ unius, et quod est supra cū aqua frigida dāda erit; sed cauere oportet, ne ea die, in qua coagulū sumit ipse infans, lac emulgeat ne in ipsius stomacho cogetur, & caseus fiat. Et loco lactis nutriatur ex uitellis ouorū, et ferculo ex pane, quod Itali panatellā uocant, in iure carniū cocto; uel si hæc nō suffecerint R. papaueris, granorū myrti, libani, thuris masculi, cyperi an. drac. s. cōterantur omnia subtiliter, postea cū lacte nutricis q. s. aut syrupi de myrto misce, & infanti aliquid ex eo ad propinandū præbe. Conuenit etiā exhibere, si fieri poterit, syrupū de rosis siccis, uel de myrto, uel muā cydoniorū cū succo mentæ, uel cū lacte nutricis, uel parū sanguinis draconis; Et uentrē quotidie inūgere præstat oleo myrtino, de cydonijs, uel mastichino. Porrò si à materia frigida pituito saq. profluvium generetur, tunc uictus ratio institua-  
tur



tur ad calidū, & siccū uergens, & stomacho adhibeatur saccu-  
lus ex menta, absinthio, origano, abrotano, pulegio, et rosis sic-  
cis, et pulueribus caryophyllorum, cinnamomi, olibani, galāgæ,  
et similium; inungatur etiā quotidie totus uēter, et stomachus  
ex oleis de absynthio, de spico, de myrto, et de cydonijs; Deinde  
℞ pulueris galliæ, olibani, spodi, an. drac. s. miuæ cydoniorum  
unc. i. misce. & ex eo ad lābendum præbe; Vel ℞. cōfectionis  
de corneis, cōfectionis de sorbis, de mespilis an. unc. s. corallio  
rū rub. seminum rosarum rubearum. acaciæ, hypocistidos an.  
scrup. i. misce, & cōterenda conterantur; postea cum succo cy-  
doniorum q. s. f. mixtura liquida, de qua quotidie infāti exhi-  
beatur manē, & uesperī drac. i. necnon parare poteris empla-  
strum hoc, si opus fuerit, ℞. farinae ordeī, milij an. unc. ij. pul-  
ueris rosarum, thuris, croci, boli armeni, sāguinis draconis, ma-  
stiches, balaustiorum an. dr. i. s. lutei ouorum duorum, aceti  
fortissimi q. s. misce & f. emplastrum, quod calidum applice-  
tur uētri. Postremò si ex prædictis fluor non cōpescatur, tūc  
℞. acaciæ, cerusæ an. drac. i. opij grana ix. & s. a. f. supposito-  
riū, quo alui osculo intruso, statim arcere profluium uidebis.

## D E D Y S E N T E R I A.

## C A P. VIII.

Q V A E à Latinis difficultas intestinorum, seu tormina,  
& à Græcis δυσεντερία uocatur, nihil aliud est, quā in-  
testinorum ulceratio cum phlegmone, & cruentorum, fæciq;  
similium strigmentorum secretionē, nō sine alui intestinorūq;  
morsu, ac cruciatu, causæ plures sunt, sed in infante, aut  
ab aeris frigiditate, caliditate ue, aut à lactis acrimonia, &

Gal. lib. finit.  
med:  
DEFINIT.  
MORB.

CAUSAE.

V 2 serofi



SIGNA.  
Gal. lib. 6. de  
loc. affe. c. 1.

PROGNO-  
STIC.

Hip. lib. 4. a-  
phor. 24.

Idē aphor.  
26.

Idem lib. 6.  
aphor. 3.

Idem lib. 2.  
aphor. 14.

Idem lib. 7.  
aphor. 24.

Auic. lib. 16  
trac. 1. c. 1.

VICTVS  
RATIO.

serositate, humores generante, qui postea intestina paulatim erodunt, prout bilis, & pituita salsa. Signa sunt dolor uētris, punctio, & frequens deijciendi cupiditas, in qua frustra intestinorum cernuntur, excrementa sanguinolenta, saniosa cum excoriatione, & odore foetido; at quia materia, quæ ad intestina fluit semper peccat, aut in caliditate, aut in frigiditate. Propterea si materia erit calida, tunc excrementa erunt colore citrino, sanguinolenta, biliosa, & agritudo uehemens. Et si fuerit à frigida intemperie, tunc exhibunt excrementa uirulenta, aquositate albida, & odore grauiā. Verum si ab atrabile incaperit difficultas intestinorum lethalis est; Et à difficultate intestinorum habito, si ueluti carunculae exeant lethale est, quia carnem in his concresecere, uel cicatricem induci nō speramus, Et in lōgis difficultatibus intestinorum inedia ex fastidio, malum, & cum febre peius. Et in profluuijs alui mutationes excrementorum iuuant, nisi ad mala mutatio fiat. Et à deiectione syncera difficultas intestinorum, malū; Et magna effusio sanguinis puri post dysenteriam, ualdē mala; Secundum, ulcera intestinorum perducunt ad hydropem. Tertium, conuulsio, uomitus, singultus, & conturbatio rationis post dysenteriam, mortem; Quartum, qui habet dysenteriam, et apparet post eius aurem sinistram, ueluti res nigra, similis orobo, cum uehementi siti, moritur in decima; & nō tardat, nec euadit. Restat ut de curatione ipsa (his peractis) uerba faciam, tametsi rarō morbus hic infantibus et præcipuē lactentibus contingat; nihilominus, si euenerit facta in primis experientia, si lac in causa erit, quod si erit, tunc alia nutrix (lactente infirmo) lactet ipsum infantem. Victus ratio institua



stituat<sup>r</sup> nutritici, circa sex res non naturales, habita prius ratione, & inuestigatione indicationis, an à materia calida, an à frigida proueniat dysenteria, eo modo, quo institutum est, capite de diminutione lactis ab alui profluui<sup>o</sup> nutriticis libro primo huiusce artis. Nec non medicamentorum ratio statuenda est cum inunctionibus, emplastris, & sacculis, qui stomacho, & ventri instituti sunt in precedenti capite. Postea consentiente etate, si possit fieri, infanti exhibeatur reubarbari electi, & mundi, contriti scrup. i. uel scrup. s. cū saccharo rosato, uel iure pulli, aut lacte nutriticis, Deinde perseverante morbo, si opus fuerit, sumat aliquid ipse infans ex istis syrupis, scilicet ex rosis siccis, ex menta, ex myrto, ex cydonijs, et similibus, ita ut opus est dissolutis cum aquis plantaginis, endiuie, et similium, & si ipse infans nihil ex ipsis syrupis sumere poterit, nutritici quotidie, si lactet ipse infans, in diluculo syrupus exhibeatur, hoc pacto, R. syrupi ex rosis siccis, ex myrto, min<sup>u</sup>a, cydoniorum an. ꝛnc. s. aquarum plantaginis, endiuie, portulacæ an. ꝛnc. i. misce pro syrupo. Mox si opus fuerit, denuò cū fuerit facta aliqua digestio, reubarbaro contrito, materia peccans educatur. Ultimo loco excoriationem intestinorū lauare, & demum conglutinare opus est. Lauatur excoriatio clysterijs, hoc modo, paratis. R. aquæ orde<sup>i</sup> lib. s. uitelli unius oui, sacchari rubes ꝛnc. i. misce, & f. clyster, uel R. lactis ouilli, uel uaccini, uel caprini lib. s. uel ꝛnc. viij. (aut plus, aut minus, etatis ratione habita) lei rosati ꝛnc. ij. sacchari rub. ꝛnc. i. misce, & fiat clyster, & quotidie lauare oportet excoriationem bis, aut ter in die. Ad conglutinandum excoriationem uerò, R. iuris carniū pinguiū ꝛnc. viij. albuminis duo-

MEDIC.  
RATIO:

rum



rum ouorum, adipis renum caprarum liquefacti drac. iij. gummi arabici drac. ij. misce, & f. clyster. Nec non ut citius conglutinetur, clysteribus iniungere poteris bolum armeniā, tragacātham in puluerē redactā an. dr. i. & loco iuris carniū, lac ouillum etiā conuenit. Et si excoriatio cum ulcere iuncta sit, tūc abstergere, & mundare, & demum cōsolidare ulcus operæpretium est. Ad abstergēdum fiant clysteres ex sero lactis, uel ex decoctione furfurum frumenti, uel aqua mellis. Et ad consolidandum, in clysteribus decoctum hoc inungito R. lētiū, balauſtiorum, corticum granatorum, sumachij, coriandrorum, an. partes æquales puta M. s. bulliant omnia simul lento igne in s. q. aquæ, postea s. a. f. decoctio, cuius decoctionis R. vnc. viij. pulueris boli armeni, terræ sigillatæ, sanguinis draconis, thuris an. drac. i. binos uitellos ouorum, misce, & f. clyster, & quotidie exhibeatur, usq; ad consolidationem.

## DE TENESMO.

## CAP. X.

SEQUITVR aliquandò, sed rarò, in ipsis infantibus etiam morbus ille, qui uocatur à Græcis *τενέσμος*, & à latinis quibusdā *tenesmus*, et *tinesmus*, & ab alijs etiā *tenasmus*, ut à Plinio, qui nihil aliud est, quàm dispositio recti intestini ad partes inferiores pertinēs, in qua impetus, cupiditatesq; desidēdi plures, sed paucae excretionēs sequuntur. Causa uel est in lōganone, siue recto intestino inflāmatio, de qua mea nō erit oratio, tāquā in paruulis ipsis infantibus superflua, uel prout plurimum accidit caliditas biliosa, aut frigiditas illuc ab humiditate pituitosa, & crassa collecta, excernēdi cupiditatem inducens.

Plin. lib. 28.  
cap. 14.  
Gal. lib. 6.  
nit. med.  
DEFINIT.  
MOR B.  
Paul. lib. 3.  
cap. 41.  
CAUSA.

Auic. lib. 3.  
F. 6. trac. 1.  
cap. 16.



cens. Signa sunt desidendi cupiditas, cum conatu ad excernē dum; ubi primo pingue, deinde cruentum egeritur. Et facilius curatur teneſmus, quod nō fit poſt dysenteria. Et Paulus etiā aſſerit teneſmum per ſe ortum, aliquātulumq; progreſſum cō quieſcere. Vicitus ratio igitur nutrice iſtituatur, ſi infans ad huc lacte nutritur, ſi erit à materia frigida, prout ſigna, et excremeta indicabunt, ad calidum, et moderatè ſiccū uergēs; Et caueat à ualdè ſtypticis, et cōſtringētibus. Et ſi prouenerit à materia calida, bilioſa, tunc uici⁹ ratio iſtituatur, ad frigidū moderatè, et humidum uergēs, et caueat à uino; Et cum tu ei bas, cibus eius ſit lac recēter mulctum, decoctum, quoniā retinet fluxum de ſuper, et lenit locum, et caueat à uino, à ualdè amaris, acris, ſaliſis, acetosis, et ab oībus, quæ ſæcē exſiccāt, et exaſperāt. Indicatio curationis ipſius teneſmi, uertitur ad cauſā ipſius morbi; et tripliciter diuiditur. Prima, prohibitio materie imbibitæ in inteſtino. Secunda eius reſolutio. Tertia eſt ſe datio acuitatis materie, et malæ cōplexionis eius. Propterea quoad prohibitionē materie, ſi fuerit cauſa apoſtema calidū, ſtude in retinendo id, quod currit ad apoſtema; id eſt caue à rebus calidis, Et cum imminutione cibi, prout à nobis decretum eſt, immò ieiunet. Verū quod ad reſolutionē attinet, ſi fuerit ſæx ſicca, cura cum clyſteribus lenitiuis, puta cum lacte uaccino, aut aqua ordeī calida, cum albumine oui, aut oleo roſaceo, aut iure carniū ſimplici, ut mollietur, aut cum cerato ex oleo chamæmelino, aut anethino, cū bdellio, et cera uēter molliſcetur, aut cum oleo calido ſimplici, in quo ponas ſpongiā, et appropinques loco. Quod uerò ad ſe dationē acuitatis materie peccātis attinet, Si fuerit cauſa frigus adueniēs cū potionibus. Et

SIGNA.  
Auic. ibidem  
PROGNOSTICA.  
Paul. ibidem

VICTUS  
RATIO.

Auic. ibidem

RATIO  
MEDICA-  
MENT.

Auic. ibidem



clysteribus calidis; prout uaporationibus cum pannis calidis, et cum furfure, cum quo uaporabuntur anus, & coxæ, et pecten, & emunctoria, & sedeat infans super milium, & salem calefactum, & prius ambobus in panniculo positis, aut fomentetur anus, cum spongia expressa ex aqua calida, quæ prius ebullierit cum rebus anodynis, ueluti chamæmelo, pulegio, thymo, origano, calamintha, rosis, seminibus anisorum, fœnugræci, lini, postea statim post fomentationem inungatur anus oleo chamæmelino, anethino, & de cydonijs. Vel abluatur ipse anus uino calido, & oleo omphacino mistis; aut sedeat infans in balneo aquæ calidæ, uel sedeat super terram calidam. Nutrix prætereà si tenesmus excitatur à frigidis, et humidis, quotidie, manè, ieiuno stomacho, sumat cum iure carniū drac. i. istius pulueris. R. seminum anisorum, nasturcij, cumini an. drac. ij. torresiant, postea s. a. f. puluis subtilissimus, & si etiā scrup. i. cum lacte de ipso puluere infanti præbere poteris quotidie, mirum iuuabit; si tamen, ut dictum est, tenesmus erit à materia humida, & frigida, quoniam si fuerit à materia calida nocebit.

## DE ALUI CONSTRICTIONE.

## CAP. XI.

DESCRIPT  
MORB.

Auic. lib. 1  
F. 3. doc. 1. c.

3:  
Hip. lib. 3. a-

phor. 25.  
Gal. ibidem

in comm.  
CAUSAE.

Gal. lib. 2.  
aphor. 20.

CONSTRICTIO siue astrictio alui, quæ græcè dicitur  
στασις κατὰ μέρος, accidit interdum in infantibus; et ijs præsertim pueris, qui crassissimi sunt, & aluos duras habent; causa, ut plurimum est, crassities, quæ sua frigiditate à partibus uentris, bilem, quæ deiectionem stimulat, expellit; Quapropter excrementa, sine ipsa bile ægrè excernuntur, uel etiam ge-

nera



neratur ob longiorem solito somnum, uel si infans assuetus fuerit ad balneum, & fricationes, propter earum carentiam, uel quia si bilis aliquo modo petat ad aliquid membrum supra petus, adeo ut ad hepar, & ad aluum nihil fluat. Vel propter cibi maiorem, aut minorem assumptionem, quam hepatis, uiribus congruat. Vel ob retentiuæ robur excrementa exsiccans. Signa per se satis manifesta sunt. Propterea prædicendum est, infantem ipsum ab alui siccitate, aut astrictione facile corripitur, à uētris, uel stomachi, uel capitis dolore, et ab alijs diuersis ægritudinibus. Indicatio autem istius curationis perficitur, si in sex rebus non naturalibus, nutrix regatur ijs, quæ habent facultatem calefaciendi, et humectandi. Infans igitur quotidie fricetur, & balneetur; postea succurrendum est cum supposito rijs ex stercore muris, aut ex solo melle, uehementer coctum, aut cum mentastro, aut cum radicibus ireos, sicut sunt, aut combustis, aut ad comedendū detur eis parum mellis, aut terebenthinæ, secundum quantitatem unius ciceris, & uēter eius fricandus subtiliter est oleo, aut liniatur ipsius umbilicus felle bovis, & ut dicunt Arabes buchormariem, idest cyclamino. Nec non clysterijs ex iure carniū, uel decoctione herbarū quatuor communium, uel ex oleo dulci oliuarū, uel amygdalarū dulciū addendo, si opus fuerit, clysteribus, parum mellis rosmarini, & suppositorijs parum salis gemmæ, & hieræ picræ.

SIGNA.  
PROGNO-  
STIC.

VICTVS  
RATIO.

Auic. ibidem  
MEDICA-  
MENT.  
RATIO.

## DE INFLATIONE VENTRIS.

### CAP. XII.

**A**CCIDIT etiam infantibus morbus ille, quē uentris inflationem Latini, & Græci *εμφυσμα* καὶ *αἰσχος* uocant;

DESCRIP-  
TIO  
MORB.  
CAUSAE.

X qui



Gal. lib. 3. de  
sympt. caus.  
Paul. lib. 3  
cap. 38

SIGNA.

Alexander  
Tral. li. 2. c. 2

PROGNO-  
STIC.

VICTVS  
RATIO.

MEDICA-  
MENT.  
RATIO.

Paul. ibidem

qui prouenit à spiritu flatuoso, & calore imbecilli existente, generatur in intestinis, & peritoneo, & etiam quandoq; colligitur in uentriculo; sed ego etiam expertus sum prouenire in ipsis infantibus, quasi hydropem ab aquositate lienis, aut hepate obstruente, propter malam uictus rationē à nutrice præteritam. Et præcipue in ijs infantibus, qui comedere incipiūt uel qui antè temporis usum ab lactati sunt. Signa si ab aquositate, propter uiscerum obstructionem prouenerit, erunt tumor, tensio, & durities in hypochondrijs. Si uero à flatuosa materia uenter intumescat, tunc percussus ipse instar tympani, sonum edit; communiter autem uentris inflatio spirandi difficultatem, tumorem, grauitatem, ac uitiatum calorem inducit. Et morbum à flatu facile curatum iri prædicendum est; ab aquositate uerò, & obstructione, curatio difficilis est. Victus ratio instituatur uergens ad calidū, & siccū. Et indicatio cū aperiētibus, et emollientibus, si uiscera sunt obstructa, succurrendū esse demonstrat. Nutrix caueat ab aqua, ab oleribus, ab humidis, à leguminibus, à crassis frigidis, & duris, & à rebus flatuosis, uescatur cibis calidis, & exsiccantibus, & boni succi, & facilis concoctionis. Quotidiè exercitio incumbat, uitet diurnum somnum, post cibum, alius excernat, & præcipue in infante, uel sponte, uel arte. Et si à spiritu flatuoso prouenit, tunc curationis indicatio est corpori raritatem inducere, & attenuare ipsos medicamentis afferentibus calorem, competit elixantes oleo cymini, apij, herbe rutinalis, & dauci semen & eo calido uentrem inungendo. Cōuenit etiam decoctum nepetæ, admisto mellis exiguo, & piperis drachma, et uentri superpositum; sufficit etiā fofus ex milio



lio. cucurbitula uerò amplissima umbilicum undiq̃ comple-  
 tens sepe numero liberat. Fomentationes etiam, uel ex rebus  
 anodynis, uel ex summitatibus sambuci, & ebulli in uino al-  
 bo ebullitis flatus discutiunt, & morbum tollunt; si uerò pro-  
 pter obstructionem lienis, aut hepatis ab humore crudo, aut  
 aquoso inflatio facta sit; tunc in primis, si infans sit in ætate  
 cōpetenti, paulatim à lacte dimoueat. Nā lac dare, quibus  
 hypocondria suspensa murmurant, malū est; postea cū fomen-  
 tationibus ex rebus anodynis ebullitis in uino albo, quotidie  
 manē, et uespere succurrendum est, per horā unā ante cibū, po-  
 stea statim cum inunctionibus emolliendū est iecur, uenterq̃,  
 et præcipue si ipsum iecur obstructum sit ex oleo ex absynthio  
 confecto, uel ex eupatorio, ex chamæmelo, ex spica, & simili-  
 bus calefaciētibz moderate. Nec nō cū emplastris ex absyn-  
 thio, chamæmelo, et rebus anodynis, et farinis, seu pulueribus  
 fœnugræci, seminū lini, et anisorū. Lienī uerò succurrendū est  
 cum fomētationibus prædictis ex rebus anodynis, et radicibus  
 capparorū, asparagorū, cetrac, cetauræ minoris, et aceto acerri-  
 mo decoctis, et cū oleis ex capparibus ex lilio, ex ruta, et anethi-  
 no, et ex amygdalis amaris, et similibus, et cū emplastris de me-  
 lilot, et ceratis ex ammoniaco, bdellio styrace, opponace, &  
 galbano, ex adipe gallinaceo, medulla ceruina, et pulueribz sco-  
 lopēdrj, corticū capparorū, aceto dissolutis, et secundū artem  
 paratis, & si fieri poterit, infanti præbeatur, tã propter lienis,  
 quã propter hepatis obstructionem, aliquid reubarbari contri-  
 ti, uel cum passulis præparati, uel cum saccharo rosato Verū  
 si cū passulis quotidie cochleare unum exhibeatur, si cum sac-  
 charo ros. scrup. s. de tertio in tertium exhibeatur, secundum

Hip. lib. 5. a.  
 phor. 64.



exigentiam ætatis; poteris etiam cum ferculo, quod uocant panatellam exhibere draci: quotidie pulueris cetrac, si lien affecta sit; nam mirum in modum confert, obstructions aperiendo. Quibus rationibus medicamentorum, adultos etiam hac affectione laborantes sanauit, ut mihi testis est ANTONIUS BEFFA de Negrinis, uir nobilis Brixienfis, in studio bonarum literarum à pueritia uersatus, & uerè ad fœlicia, & elegantia carmina diuina quadam propensione naturæ, & ingenio fœlici pangere natus, & mei amantissimus, qui in Augustino eius fratre, liene laborante, hanc rationem medicamentorum (me consulente) fœliciter expertus est.

## D E L V M B R I C I S.

## C A P. XIII.

Hip. lib. 3. aphor. 26.

Gal. ibidem in comm.

DESCRIP-  
TIO  
MORB.  
CAUSA.  
Arist. lib. 5.  
de nat. ani-  
mæ cap. 19.

**T**AMETSI lumbrici, qui à Græcis, *oxyuris* uocantur in ijs infantibus qui magis adoleuerint, ut plurimū contingat, scilicet ijs, qui mediā habent ætatē, inter illos, qui iā dentes ediderunt, & qui sunt pubertati proximi; quoniam in ipsis tenellis infantibus (ante dentiū productionē, uel cibi solidi comestione) propter imbecillitatem caloris innati minimè, et in adultioribus materia idonea est, ad animalium talium generationē; nihilominus testor ego uerè me infantes bimos, uel circa à lūbricis sæpè uexatos uidisse, & curasse; propterea ab huiusce artis nostræ libris, curationē ipsorū rescribā haud quaquā censeo. Lumbrici igitur uidentur, prout alijs animalibus proportionaliter gigni, qui non ex semine, sed ex putredine habent generationē, quēadmodū in magno mūdo, ita & in corpore humano sunt genera ipsorū, quorū unū est teretis alterū latorū;

ter



tertiū ascaridū. Ascarides autem sunt tenues quidā lūbrici, qui in parte præcipuè inferiori crassi intestini gignūtur. Aliud uerò genus lūbricorū est rotundorum, hoc est teretū qui in superioribus magis intestinis generātur, adeò quòd ad ipsum quādoq; uentriculum ascendunt; Multò uerò plures hi, quā ascarides gignūtur in pueris. Rarior autē lumbrici lati est generatio, qui et est lōgissimus. Et sæpè per tota extenditur intestina. Verūm quoniā de hoc genere nullā fecit Hip. in infantibus, tāquā superflua mentionē, loquens de morbis ipsis infantibus contingentibus; propterea de ipsis tantummodò rotundis, siue teretibus. Et ascaridibus lumbricis, non tantum ab ipsa aucto-ritate ipsius Hip. excitati, quantū ab experientia edocti; erit intentio nostra uerba facere; in infantibus. n. fateor ego ingenue nūquā uidisse alterius, quā rotundæ formæ. Causa igitur istius egritudinis est putredo, quæ nascitur, ut plurimum, ex crassa, et pituitosa materia. Signa rotundorum sunt hæc, in superiore uentriculum procurrunt; proinde sequitur incredibilis morsus stomachi, uentris, et intestinorum, per os nō raro eijciuntur, nōnullis uerò per nares, et magna quidē ex parte cum febre existunt, et cum tussi exigua, siccitate, in somno tremore, et præter cōsuetudinē excitatione, clamore, terrore, singultu, et extrā os linguæ missione, oculorum clausura, et aliquādò ta-riturnitate, et cum molestia uigiliarum, et ira, et dentium fremitu, et comestione superuacanea, præsertim si infantes fuerint quidā eorum neglecti motu, pulsuq; destituuntur, ac refrigerātur, tenuē, ac frigidum sudorē exsudant, in facie color rubrus apparet, et uariatur, prostratio appetitus, decubitus transmutat nauseabundi, multis etiā aluus descendit, corruptos cibos

ege

Gal lib. 14.  
met. med. c.  
15. & 18. &  
19.  
DESCRIPT  
MOR B.  
Gal lib. 9.  
aphor. 26. in  
comm.

Hip. ibidem

CAUSAE.

Gal. ibidem

SIGNA.

A etius lib. 9  
cap. 19.paul. lib. 4.  
cap. 57.



Acti. ibidem egerens, & in modum tympani uenter eis inflatus, sonū edit,  
 Paul. ibidem & oculos quidā sanguine suffusos habent. A scaridum uerò  
 signa sunt, uehemens pruritus in imo uentre, et quandoq; usq;  
 ad animi deliquiū, grauitas præcordiorū, & dorsi, ac assidua  
 Gal. ibidem ad egerendum irritatio. & excrementa, quæ excernūtur gra-  
 uè olēt, ueluti apparet in iumentis, malè cibū cōcoquentibus,  
 quorum malā concoctionem fætor indicat excrementorum.  
 Signa autē omnium lumbricorum cōmunia sunt, oris fætor,  
 deliriū, lethargus, dolor capitis, palpitatio cordis, uomitus cre-  
 ber, & imbecillis pulsus, qui in infantibus ipsis creberrimus est  
 à natura, distentiones comitiales, oris spuma, tormina, et co-  
 lici dolores, & interdum alui suppressio. Præfagia autē, quæ  
 ex lumbricis sumuntur, sunt hæc, lumbricos quoq; teretes eun-  
 te in iudicationē morbo, descendere idoneum est; magnā autē  
 curā habere cōuenit, circa eorum curationem, præsertim tere-  
 tum, nā multi nulla lumbricorum cura habita exesi ab ipsis  
 Paul. ibidem sunt, et conuulsi interierūt; alij dicunt se lumbricos uidisse,  
 qui ex inguinibus egri eruperint; Et alij etiā prout IOHAN-  
 NES Baptista Caballaria, uir doctus, et in arte medica clarus  
 honorifico stipēdio publicè à Cōmuni Meduli in agro Mātua-  
 no cōductus, qui asseruit mihi se lūbricos uidisse, qui ex umbi-  
 lico eruperint cuiusdā infantis annorum trium, plus minus.  
 Paul. ibidem Paulus uerò inquit, circa febrium initia geniti lumbrici sub-  
 sistētīā ex subiecta habent corruptione, circā cōsistēdi uigorem  
 ex morbi malignitate, circā declinationem omninò ad melius  
 Actius ex He- proficiunt. Et lumbrici in febribus, et absq; febribus fiunt mul-  
 rodoto lib. 9 titudine, magnitudine, colore, & tēpore inuicē differētes; dete-  
 cap. 39. riores uerò sunt maiores minoribus, multi paucis, rubri albis, et  
 uiuen



uiuētes mortuis. Et in incipiētibus acutis morbis, si lumbrici  
 teretes uiui deijciūtur, pestilētes morbos indicāt; inclinātibus  
 autē mortui, malū, interutrunq; tēpus quoquo modo appareāt,  
 malum est; Lumbrici etiā deiecti sanguine conspersi, malum;  
 Et ex ipsis lumbricis frequēs in infantibus anhelitus frigidus,  
 tumescēte adhuc corpore, lethale, sequēti .n. die mortem prae-  
 nuntiat; sunt etiā quidā; Alaharauij fortasse auctoritate per-  
 suasī; qui dicunt, ascaridibus infestos breuioris uitae fore; haec  
 de prognosticis. Restat ut de curatione uerba faciā, quae, ut no-  
 bis indicatio ostendit, perficitur hoc pacto: Et primo quod ad  
 uictus rationē attinet, aer ad calidum, & siccum uergens eli-  
 gatur. Nutrix (si infans lacte nutritur) caueat à somno diur-  
 no post cibum, & nocturnus sit secundum solitum, caueat pa-  
 riter ab ocio, & exerceat se bis in die, per horam, antē cibum,  
 & secundum consuetudinem. Aluus quotidie excernat, &  
 praecipue in infante, si non sponte, cum molli balano ex melle,  
 & sale gemma parato, uel clystere cōmuni. Animi affectus  
 omninō uitādi, sunt, cibi sint boni succi, et facilis cōcoctionis;  
 & in omni lubricorum genere abstinentia maxime prodest  
 qua eorum generatio prohibetur. Sed cum infantem infestāt,  
 tunc exiguo cibo, seu lacte, frequenti tamē, utendum est. Ne  
 lūbrici morsus inferāt, comedat ipsa nutrix panē bene fermen-  
 tatum (azymus .n. lumbricos generat) et cum modico sale, &  
 seminibus anisorum bene subactum, & satis coctum, carnes  
 uitulinas, ueruecinas, hēdinas, & gallinaceas, & auium ter-  
 restrium; Inter olera, si nō adest febris, comedere poterit in fer-  
 culis, nasturcium, betā, mentā, petroselinum, abrotanū, absin-  
 thium, apium, sinapim, cappares, raphanum, acetosam, &  
 se

VICTVS  
 RATIO.



RATIO  
MEDICA-  
MENT.

Paul. lib. 4.  
cap. 57.

Paul. ibidem

semina brassicae, et eruca, et oleosa conueniunt. Et si alui profluuium adsit, ex quo lumbrici magis abundare solent, tunc misceantur in cibo, et ferculis, praecipue ea, quae descripta sunt capite de alui profluuiio. Et caueat à leguminibus, nihilominus lupini conueniunt, & iura cicerum rubeorum; caueat à piscibus, à cibis dulcibus, frigidis, & ualdè humidis, crassis, et uiscosis, & breuiter in uniuersum, omnia calefacientia, exsiccantia, incidentia, acria, amara, salsa, acida, & attenuantia conueniunt. In potu uinum conuenit, sed aquosum. Hactenus de uictus ratione. Ea uerò, quae ad medicamentorum ratione attinent, qua potero breuitate perstringere conabor; à suffimentis loci, ubi decumbit infans, incipiens. Ignis igitur in cubiculo succedatur, si fieri poterit, ex lignis iuniperi, aut citri, aut persici, odoramenta fiant ex coma absinthij, rutae, et folijs persici, & ex myrrha, & aloe, uel ex rosis, santalis, muscho, ambra, caryophyllis, thure, & gallia moscata. Deinde ea, quae in primis lumbricos necant, sunt exhibenda; Etenim dum uiuunt semper occasionem nocendi habent; Inter ea uerò, quae miram habent uirtutem necandi lumbricos, est aloe; Et quoniam pueri aloem non admittunt, propterea à instrumento quo os diuarcatur supinis, fasciola ipsis uiolenter detentis, ore distento per clysteridium quodpiam, fistula non fragili munitum, inuitis aloem quantum poterit interius transmissam injiciamus; quae quidem admiranda curandi ratio puerorum moleste aloem ferentium est; sed si fieri poterit, ut cum lacte nutricis exhibeatur aloe; uel cum oximelite simplici ad pondus diobolorum trium, cum pauco puluere cornu cerui deusti. Vel ipsi infanti praebeatur  
si



si febris non adest, aut saltem si est exigua, chamamelorum,  
 uel mixariorum decoctum, & choclearia duo olei immaturi,  
 amarissimi exhibeantur. Amara enim lumbricos enecant.  
 Et cunctis uerò tam infantibus, quàm adultis febrientibus,  
 & non febrientibus confiderenter exhiberi possunt, etiam si  
 trimestres fuerint infantes. Vermes terreni in puluerem re-  
 soluti cum sapa, & si sapa non admittunt, cum hydromeli-  
 te, aut ut libet, præbeto, nihil ueritus, neq; utilitate contem-  
 pta septemnumero dato, cataplasma etiam confici poterit  
 ex lupinorum farina in hydromelite decocta, imponendum  
 uentri, cui aliquandò etiam bryoniæ, & filicis, tormentillæ  
 radices adijciantur. Umblicus autem felle taurino expleatur,  
 aut melanthio cum lacte muliebri trito, aut absynthio, aut a-  
 brotano, aut bryonia, pinguibus, ficubus admistis, uel R pulpa  
 colocynthidis, fellis taurini an. partes æquales misce, et cū suc-  
 co absynthij q.s. f. emplastrū, et umbilico superponatur, poteris  
 etiam dorsi spinam uniuersam ex medulla ceruina inūgere,  
 Et bouis talus ustus, cum lacte potus, lumbricos teretes educit.  
 Ego uerò sæpè fœliciter expertus sum hunc puluerē ad pondus  
 unius drachmæ eum indifferenter exhibendo, tã infantibus,  
 quàm adultis, cū febre, & sine febre, uel cum lacte nutricis, si  
 æger lacte nutritur, uel iure pulli, uel uino albo, si uinum bibit,  
 uel cū syrupo de acetositate, aut corticib' citri potatū; qui hoc  
 modoparatur, R musci marini, seminis origani, seminis citri,  
 portulacæ, cornu cerui usti an. dr. s. pulueris, quē lūbricorū uo-  
 cāt, semencinæ, seu corallinæ an. dr. ij. seminū mētæ, absynthij  
 an. dr. i. misce, et s. a. f. puluis subtilis. Nec nō inūgere etiā so-  
 leo nares, & tēpora, stomachū, et umbilicū infantū exmithri

Aet. ibidem

Aet. ibidem

Gal. de cōp.  
 theriacæ ad  
 Pisonem.

Gal. ibidem

Y data



dato electo; uel ex theriaca, quā ille optimus simpliciū medica-  
 metorum cognitor FRANCISCVS CALCEOLARIVS clarā  
 Veronae cōposuit, adeo ut ea ad lōginquas regiones pretio tradu-  
 eta, sicuti ego testis sum a' Clariss. Medicis, Liguribus, Pedemō-  
 tanis, Bononiensibus, Mātuanis, Brixianis, Fridētinis, Venetis,  
 Germanis, et alijs quā plurimis asidue pro indigentibus poni-  
 tur in usum summa cū laude ipsius Calceolarij. Vel alio mō,  
 pulvis mirae uirtutis ad lūbricos educēdos, tā teretes, quā asca-  
 rides, hoc modo paratur R. reubarbari, agarici, scordij an. dr. i.  
 musci marini dr. iij. corni cerui usti, seminum portulacae an.  
 dr. i. aloes illotae dr. iij. s. misce, & s. a. f. pulvis, de quo scrup. i.  
 cū uino, uel cū iure carniū, uel cū syrupo de acetositate, aut de  
 corticibus citri infantibus innoxie exhibetur. Et si infans pa-  
 rum adoleuerit ex ipso puluere scrup. ij. ex succo mētae, aut ab-  
 synthij, pilulas tres cōficere poteris, et ipsi infanti praeberē. Verū  
 si lūbrici infestāt cum alui fluore infantē, etenim cessante fluo-  
 re, ut plurimū lūbrici quiescūt; procurādum est ut aluus post  
 quartum, aut diem sextum ad summū, astringatur modis, ac-  
 legibus institutis in hoc libro, capite proprio de alui fluore. Et si  
 astricta pariter fuerit aluus citāda est modo instituto, capite  
 proprio, et eodem modo, cum uomitu, singultu, et alijs sympto-  
 matibus succurrendum erit secundum proprias curationes.

DE INFLAMMATIONE UMBILICI.  
 CAP. XIII.

Hip. lib. 3. a-  
 phor. 24.  
 DESCRIPT  
 MOR B.

CAUSA.  
 Gal. ibidem  
 in comm.

Cum cōtingere interdū soleat paruis, et nuper natis pueri-  
 lis praeter alias aegrotationes, etiā umbilici inflammatio,  
 quae grācē dicitur φλεγμονή ομφαλον. Propterea mihi uidetur, ra-  
 tioni cōsonum esse curationē ipsius affectionis perstringere. In-  
 flāmatio igitur ipsa prouenit ab incisione ipsius umbilici, recē-  
 ter



ter. n. natis infatibus accidūt, nō secus, ac si qua alia pars foret  
ulcerata, aut à dolore præcisionis, aut ab aere, aut à ligatura  
perperā facta, excitata. Indicia satis nota sūt, quoniā visu pa-  
tēt. Vnde præsagia hæc sumūtur, si recte, & statim curetur hic  
morbus facile sanabitur. Verū animaduertēdū est, ne natura,  
quæ pridē in utero matris urinā huc deferebat isti functionis  
nōdū oblita propter corrosione ipsius inflātionis denuò lotiū  
ibi nō trāsmittat, et difficile curationē reddat. Propterea i pri-  
mis instituat uictus ratio, uergens ad humidū, et moderatē  
calidū; nutritrix caueat à uino, ab aromatibus, ab alijs, à cæpis,  
porris, raphanis, acetosis, balsamētis, à leguminibus, à flatuosis,  
ab oleribus, præter spinachiā, a triplicē mētā, petroselinū, lactu-  
cā, et blitū, et caueat ab ijs, quæ ualdē calefiūt, et à cibis grossis,  
et difficilis cōcoctionis, exercitationi uacet, bibat iura carniū,  
uel aquā cum seminibus coriandrorū coctā; Alius quotidie ci-  
rāda est in infante, aut spōte, aut balanis ex melle. Postea sta-  
tim debemus lenire dolorē cū emplastris, et inunctionib. hoc pa-  
cto paratis R. maluarū decoctarū et contusarum m. i. farine  
ordei, lupinorum, fænugraci an. drac. ij. olei rosacei, pinguedi-  
nis gallinæ, butyri an. drac. iij. misce, & s. a. f. emplastrum, et  
calidum applicetur umbilico, maturat. n. & dolorem sedat.  
Vel R. medullæ panis frumentacei tritæ unam, lactis uaccini  
q. s. misce, et lento igne parū bulliat. Postea adde croci scrup.  
i. olei rosati ꝑnc. i. misce et f. emplastrum, calidūq. applicetur.  
Si uerò inflammatio uenerit ad suppurationem, tūc cum un-  
guento ex cerusa, et lithargyrio manu chirurgica curetur; uel  
ex isto linimento R. terebenthinæ ꝑnc. s. uitelli unius oui,  
olei rosacei ꝑnc. ij. misce, & confice linimentum, ex quo pan-

Y 2 niculi

SIGNA.

PROGNO-  
STIC.

VICTVS  
RATIO.

MEDICA-  
MENT.  
RATIO.



Auic. lib. 8.  
F. 3. doc. 1.  
cap. 3.

niculi linei infusi superponatur, feliciter. n. & sine dolore curant. Vel R. pulueris nardi celtici ꝓnc. s. terebinthinae ꝓnc. iij. olei sesamini, amygdalarum dulcium ꝓnc. i. misce, et f. linimentum.

DE TUMORE SEU EMINENTIA VMBILICI.

CAP. XV.

MOR. B.  
DESCRIPT.  
Auic. lib. 1.  
F. 3. doc. 1.  
cap. 1.  
CAUSAE.

**A**CCIDIT etiam aliquando in ipsis infantibus tumor ipsius umbilici citra inflammationem, qui graece uocatur ομφαλον <sup>οιδημα</sup>. causa est, uel multus fletus, uel uociferatio, aut tussis, aut casus, aut materia ibidem aquosa, uel flatuosa decurrens. Signa innotescunt satis. Propterea praedicendum est affectionem ipsam facile admittere curationem, si recte, et cito curetur, nec cum mora, plusquam, conuenit trahitur de necessitate ad cauterium ueniendum sit. Quapropter cum in quocunque morbo semper adest, quod sit, et quod factum est; quod sit debemus prohibere, & quod factum est resolueret, et euacuare; unde si causa ex ploratu infantis proueniet, ueluti ut plurimum euenit, tunc statim ad prohibendum quod sit, & ad somnum conciliandum, recurrendumque est, ut a nobis descriptum, & institutum est capite proprio, libro secundo huiusce artis, ad quem se referat lector; Et ita si a tussi oriatur pariter recurratur ad proprium capitulum in libro hoc. Ad resoluendum uero, quod factum est, ut sumitur ex istius morbi indicatione, in sex rebus non naturalibus uictus ratio instituat; si lacte nutritur infans nutrici, ad calidum, & siccum uergens, & caueat a rebus flatuosis, frigidis, & humidis, tam in cibo, quam in potu, & cibis utatur boni succi, & facilis concoctionis, in quibus aliquid misceatur, quod habeat facultatem expellendi flatum, cuiusmo

VICTVS  
RATIO.

Gal. lib. 11.  
met. med. c.  
31.



cuiusmodi sunt, semina anisorum, coriandrorum, fœniculi, quotidie aluus, tam in ipsa nutrice, quàm infante excernat sponte, sin minus arte, balanis ex melle, & sale gemma confectis, in infante citanda erit. & caueat ne ipse infans ploret, uociferetq̃, nec motum faciat, et supinus, sine panniculatione decubat. Ad locum autem affectum conuenit emplastrum hoc adhibere R. pulueris amei drac. iij. albuminis ouorum duorū, misce, & cum stuppa applicetur, & fascia stricte ligetur. Vel R. pulueris myrrhæ, corticum cupressi, & nucū earum, aloes, acaciæ, mastiches, lupini amari usti, amei an. drac. i. albuminis ouorum q.s. misce, & f. emplastrum, & cum stuppa applicetur. Nec non ego sæpè expertus sum fœliciter sequens emplastrum in infante bimo, qui triduo sanatus est. R. pulueris thuris, myrrhæ, mastiches, collæ, siue glutinis piscium, sarcocolle, psyllij, aluminis, carabe, nucum cupressi an. dr. i. antimoniij, croci, aloes non lotæ an. dr. s. albuminis ouorum q.s. misce, & cum stuppa umbilico applicetur, & stricte ligetur. Vel post fomentationem ex decocto corticum mali punici, balaustiorum, acaciæ, myrti sumachi an. partes æquales, emplastrum hoc administra, R. picis, aloes, thuris, mastiches, terræ armeniæ, sanguinis draconis, lithargyrj, resinæ, ammoniaci galbani, gallæ, uisci quercini, lapidis hæmatitis, seui hircini, pilorum leporis, corticum granatorum an. drac. i. misce, & omnia contundenda contundantur, & in decoctione præordinata macerentur, postea adde albuminis ouorum q.s. misce, & f. emplastrum;

MEDICA-  
MENT.  
RATIO.  
Auic. ibidem

DE



## DE CALCULO VESICAE.

## CAP. XVI.

Hip. lib. 3. a-  
phor. 26.  
Gal. ibidem  
in comm.  
DESCRIP-  
TIO  
MORE.  
Gal. ibidem  
Paul. agin.  
lib. 3. c. 45.  
CAUSA.  
Gal. ibidem

Gal. lib. 2  
de nat. hu-  
man. rex. 13.  
SIGNA.  
Gal. lib. 1. d  
loc. affe. c. 1.

Auic. lib. 3.  
F. 18. trac. 1.  
cap. 16.  
PROGNO-  
STIC.

Auic. ibidem

Hip. lib. 1.  
aphor. 14.  
Gal. ibidem  
in comm.

**I**N Infantibus, qui magis adoleuerint, .s. qui habent etatem  
mediam inter illos, qui iam dentes ediderunt, et qui sunt pu-  
bertati proximi, morbus ille, qui calculosus uocatur à Latinis,  
et à Græcis λιθιασς, contingit, immò calculus, aut lapis ipse  
maximè propria passio est talium puerorum in uesica. .s. in ea  
.n. concrefcere consuevit, propter edacitatem, ex qua non pau-  
cos crudos humores coaceruant, ex quibus pars crasior unà cū  
urinæ ad uesicam perueniēs, fit lapidum generationis materia.  
Accedit altera causa uehementia caliditatis. Signa lapidis  
in uesica sunt urina, similis aquæ, in qua subsident sabulosa  
quædā; laborātes assiduè pudendum scalpunt, idq. uel laxum,  
uel intentum præter modum; postea de repente urina suppri-  
mitur, doloresq. in eodem loco permanentes. Quòd uerò ad præ-  
dictionem attinet, scire oportet in illo, in quo est sedimen areno-  
sum, nō facile aggregari lapidem; materia .n. non est coarcta-  
ta; sic autē habeto, morbum hunc (ut inquit Auicenna) parum  
accidere infantibus, & mulieribus, propriè lapis in uesica, quo-  
niā uesica earum ad exteriora breuior, ac latior est, et pauco-  
rum anfractuū, quæ sentētia uera esse potest in mulieribus;  
quoad generationem, quia ex fluxione menstruorum facilius,  
quàm in uiris omnia superflua expurgantur, & calorem non  
adeò uehementem habent, ut materia in lapidem facile uerti  
possit; uera etiā esse potest, quoad expulsionem in infantibus, et  
mulieribus propter breuitatem meatus, & anfractuū uesi-  
cæ. In pueris uerò, qui habēt plurimum caloris innati, et multa  
humiditate abundāt; etsi meatus breuiiores habent, tamē sunt  
angu



angustiores, quàm in adultis. Verum esse potest, ut generatio calculi in uesica, sit maxime propria passio ipsorum; Et si citò non curetur, cum induratus ualde, et in lapidem redactus erit calculus, & adeò magnus, ut per collum uesicæ exire non possit, necessario deueniendum erit ad incisionem, quoniam uix eo tempore frangitur in uesica. Reliquum est, ut de curatione uerba faciam; Et primo uictus ratio secundum indicationem instituat ad calidum; et humidum uergens, et nutritrix, si infans lacte nutriatur, caueat à somno diurno post cibum, & ab otio, exercitationi incumbat; alius tam in ipsa, quàm in infante, uel sponte, uel arte, quotidie excernat, caueat à crassis, uiscosis, flatuosis, & qui sunt difficilis concoctionis, & mali succi, cibis. Deinde quoad rationem medicamentorum in cibo, ut in ferculis, quotidie comedat ea, quæ habent uim frangendi lapidem, prout saxifragiam, cetrac, lithospermum, polygonum, flores genistæ, cinerem, uel puluerem leporis adusti, bdellium, cardamomum, balsamum, lapidē iudaicum, lapidē spongiæ, lapidem fellis bubuli, & eryngium. Postea infantes quotidie balneare præstat ex aqua calida ebullita cum chamæmelo, pulegio, origano, calamintho, anetho, fœniculo, parietaria, enula, althea, malua, rosmarino, rosis, siccis, saxifragia, seminibus anisorum, fœnugræci, lini, & statim à balneo abstergere, & diligenter pannis calidis exsiccare; postea pudenda, & pectinem ex oleo liliorum alborum, uel scorpionum calido inungere, & emplastrum infra scriptum pectini calidum apponere R. uitella ouorum coctorum num. x. pulueris foliorum enulæ campanæ, parietariæ, petroselini, apij, saxifragiæ, an.

VICTVS  
RATIO.

MEDIC.  
RATIO.



an. drac. ij. pulueris lapidis iudaici, scorpionū ustorum, sanguinis hirci, an. drac. i. misce, & omnia in mortario bene ducantur; postea cum oleo nardino, & scorpionum an. partes aequales q. s. misce, & f. emplastrum. Infanti etiam aquam distillationis saxifragiae, & iringi exhibere pro potu, mirum in modum praestat; nec non puluerem saxifragiae ad pondus drac. s. in ferculis quotidie, si aliquid, praeter lac sumit, uel cum lacte etiam exhibere nimirum praestat. Plura descripta sunt alia remedia in cura de retentione urinae, ad quam habeatur regressus. Verum si lapis supramodum creuerit, adeo, ut per collum uesicae exire non possit, tunc manu chirurgica amouendus est eo modo, quo docet Paulus Aegineta, qui consulendus est.

Paul. aegin.  
lib. 6. c. 60.

## DE VRINAE INCONTINENTIA.

## CAP. VII.

Gal lib. 3.  
de usu part.  
cap. 16

Gal. libidem  
& lib. 6. de  
loc. affe. c. 3

DEFINIT.  
MORB.

Paul. lib. 3.  
cap. 45.  
CAUSA.

**C**'M Musculus, qui uesicae collum circumambit triplicem habeat usum, unum, ut nihil in uase urinario relinquatur; alterum, ut ori uesicae claudendo opituletur tertium, ut excernendorum excretionem acceleret, resolutus est, morbus fit, qui à Latinis urinae incontinentia, seu praeter uoluntatem excretio dicitur, et laborantes morbo ipso Graeci εὐουγούτας uocant; morbus uero dicitur ακουστὶς τὸν οὐγόν, scilicet inuolutaria urinae excretio. Causa in infantibus, ut plurimum, est frigidorum, uiscidorum, ac crassorum humorum abundantia, aut ab aere ambiente, aut à lactis mala qualitate, aut à mala intemperie ipsius infantis, aut à nimio potu, & cibo, si quid praeter lac sumit, aut à casu, aut à uulnere, aut à uertebra



brarum luxatione excitata. Signa satis innotescunt. Prædicere autem licet, si ex aliqua externa causa, musculo infrigidato, generatur morbus, celerius curatur, quam si citra manifestam causam proveniat. Qui enim urinam sine voluntate emittunt, ob ceruicis uesicæ uulnus, aut casum, aut uertebrae luxationem superuenientibus, quæ mortem fatentur notis, nulla medicina periculo liberat; Et quantò plus eis contingit (urinæ scilicet inuoluntaria emissio) eo minus periculo sunt obnoxij. Propterea de ea incontinentia urinæ, quæ à mala intemperie frigida, & à mala uictus ratione in infantibus excitata provenit, scribere decreuimus. Igitur si lac in causa est, alia nutrix, dum prima curatur, lactet infantem, & uictus ratio uergat ad calidum, & siccum, infans quotidie prouocet uel sponte, uel arte uentris deiectionem; caueat à somno diurno post cibum, nutrix exercitationi incumbat bis in die, ante cibum, perturbationes animi uitet. & infans aliquandò excitetur ad iram, quæ interdum in hac ægritudine cōfert; cibi sint facilis concoctionis, & boni succi, cuiusmodi sunt carnes columborum, gallinarum, perdicum, turdorum, alaudarū, & similibus. & præcipuè si assæ fuerint, et si quid comedit, ferula comedat, parata, uel cum pipere, aut amomo, cinnamomo, aut zingibere, et similibus. In iure etiā concoqui poterit parum hyssopi, sampsuchi, saluie, satireiæ, fœniculi, et similiū. Verum indicatio medicamentorū perficitur, si æger suprà petinem foueatur, bis in die, per horam, ante cibum, ex æneleo calido. Et si gallinæ guttur combustum, reiuno stomacho, cum iure pulli, aut lacte præbeatur; Et pariter si drac. i. quotidie exhibeatur pulueris florum leucanthemi, uel leporis testiculi

SIGNA.  
Gal. lib. 4. 8.  
loc. affe. c. 4.  
PROGNO-  
STIC.  
Paul. lib. 3.  
cap. 48.

VICTVS  
RATIO.

Paul. ibidem

Paul. lib. 3.  
cap. 45.

MEDICA-  
MENT.  
RATIO.



Aeti. lib. 11.  
cap. 45.

culi tosti, uel uesica porcina, aut ouina, aut pulueris calaminthæ, & myrrhæ, antè cenam, aut cum iure carniū, aut lacte, etsi non amplius lactet, cum uino odorato. Conueniunt etiam cataplasmata, & malagmata per rubefacientia, ex sinapi apparata. Nec non iniectio arenæ à sole feruēfactæ, similiter confert; Et balneis etiam, tam arte cum rebus anodynis paratis, quàm naturalibus, & maximè sulphurulentis, & bituminosis, primum calidis, postea etiam frigidis, curare conuenit; Et partium ipsarum fricationes, & exercitationes mirum præstant auxilium.

# DE RETENTIONE VRINÆ.

C A P. XVIII.

Gal. lib. 6. d.  
locis aff. c. 3.  
DEFINIT.  
MORB.  
CAUSAE.

SIONA.

**S**I INFANTI contingit affectio illa, quæ à Grecis ἰσχυρία, & à Latinis urinae retentio dicitur, nihil aliud est, quàm exacta prorsus urinae supressio, mortis periculū affrens. Causæ huius morbi multæ sunt, sed in infante, ut plurimum, sunt tres. Vna, debilitas ex pultrici, ab intemperie frigida, adeò, ut cū circà id, quod cōtinetur cōtrahi nō potest ipsum exprimere nequeat. Secunda obstructio in inferiori meatu, à crassis humoribus facta. Et tertia à lapide in ipso meatu impacto. Et si retentio ipsius urinae satis manifesta sit, cū fletu, & infantis uigilijs, nihilominus illud attendendū ē, si à debilitate excretoriæ facultatis prouenerit, cū cōpressionē uehementi suprà pubem, et infrà umbilicū urinā excerni. Et si minus per compressionem urina excernatur, tunc erit signū obstructionis à materia crassa; & præcipuè si nutrix, aut infans in precedenti uictu multis cibis crassis, ac uiscidis usus fuit. Et si erit à lapide, signum est si intromissa parua fistula



*flula aenea lapidem remouendo, urina euacuetur. Prædicen-*  
*dum uerò est, cum lotium non eiiciunt, quòd subiecta mem-*  
*bra debiliora fiunt, & paulò post moriuntur. Propterea suc-*  
*currendum est statim; Et cum primum causam morbi co-*  
*gnoueris, facilis erit cura; nā suppressiōis urinæ causas amo-*  
*uere, est curationis indicatio. Si igitur ab humoribus crassis*  
*fiat, & infans lacte nutriatur, tunc alia nutrix lactet infan-*  
*tem, uel si cum ratione ætatis tutè fieri poterit, a lacte amouea-*  
*tur paulatim, sin minus, uictus ratio in omnibus sex rebus nō*  
*naturalibus instituat, uergens ad calidum, & siccum, tēpe-*  
*rato modo, & caueat à cibis crassis, humidis, frigidis, duris,*  
*acribus, acetosis, a caseosis, a piscibus, a leguminibus, a pulmen-*  
*tis, et a similibus. Caueat a somno diurno post cibū, exercitio*  
*incūbat, alius deijciat quotidie uel sponte, uel arte. Deinde o-*  
*leo anethino calido, aut chamæmelino, aut liliorum alborum,*  
*aut scorpionum inungendo pubem, & pectinem illi succurri-*  
*tur. Fomentationes etiam ex rebus anodynis, cum parietari-*  
*is, & uino albo ebullitis competunt, & emplastra ex rebus*  
*prædictis, et farinis ordeï, fænugræci, seminum lini, & oleis*  
*prædictis. s. a. parata præstant. Balnea etiam ex decoctione re-*  
*rum, & herbarum anodynarū mirum in modū iuuant; immò*  
*aliquando solo balneo liberantur, et si cum prædictis urina nō*  
*excernatur, oleū chamæmelinū, aut anethinū, aut scorpionū,*  
*quod dissoluit per syringā mittendū ē in uesicā. Et similiter si*  
*a debilitate expulsricis ob intēperiem frigidā proueniat inun-*  
*ctiones, fomentationes, emplastra, et balnea suprā instituta cō-*  
*ueniunt, Hoc unū tamen animaduertendū est, in oī genere re-*  
*tentionis urinæ, in uictus rōne uitare oportere urinam cientia,*

PROGNO-  
STIC.

VICTVS  
RATIO.

MEDICA  
RATIO.

Z 2 ne



ne maior, uel obstructio, uel extensio, circa uesicam, fiat, ob urinae multitudinem. Nihilominus postquam uasa urinaria aperta, et dissoluta fuerint, laudatur puluis maxillarum leporum, piscium salitorum, & cum uino aromatico ad pondus dr. s. per tres dies continuos, ieiuno stomacho, exhibitus. Parum etiam uini decocti, cum radice filipendulae, confert; Prouocat etiam a proprietate (ut dicitur) urina, si uirga infantis immittatur in os cucurbitae antiquae, in qua retentum fuit oleum, prius in aqua calida calefacta, dum modo in ipsa non ingrediatur aqua. Dicunt etiam si mittatur lapidum acutum in ignem, adeo, ut ardeat, si fuerit puella, ante eam uelit, uel nolit statim minget. Verum si lapis urinam supprimat a loco excutiendus est, uel parua fistula aenea, uesicae intromissa, uel infante cubante supino, et crura eleuata sursum parum agitentur, et concutiantur, mox ad frangendum lapidem ipsum confert, Si bolus unus cardamoni, cum aqua decoctionis corticum, uel radicum lauri sumatur. Et secundum recentiores, pro secreto, exhibent puluerem istum, R. sanguinem unius leporis, & cum ꝑnc. viij. radicum saxifragiae uratur in olla rudi, et fictili, et de cinere hoc, detur cochlear medium, uel scrup. i. cum uino albo, si infans uinum bibit, sin minus cum lacte, aut iure pulli, stomacho ieiuno, quotidie: uel si sanguis hircinus s. a. preparatus eodem modo exhibeatur, frangit lapidem in uesica. Nec non auis, quae dicitur caudatremula, siue motacilla, ut supra in olla fictili combusta, et in puluerem redacta auxiliū praebet, si modo, ut supra exhibeatur. Adhibere etiam emplastrum hoc pectini, frangit lapidem, R. amygdalarum amararum, et dulc. an. ꝑnc. iij. terantur, postea cum resina pini, & terebinthina, et oleo scorpionum q. s. secundum

Dioscorides  
ib. 2. cap. 5.



dum artem f. emplastrum; conferunt etiam simplicia multa, prout lapis iudaicus, lapis spongiæ maris, lapis serpentis, lapis uesicæ, semen syon, saxifragia, radix graminis, radix rusci, genistæ flores, senecion, amygdala, & cubebæ, si cum ratione ætatis, & temporis s. a. exhibeantur. composita uerò oleum de cerasis, de granis iuniperi, & multa alia, quæ in infantibus timenda sunt prout antidotum hemagogum, electuarium dulce, lithontripton, iustinū, mithridatum, & theriaca, sed si premissa non suffecerint ad frangendū ipsum lapidem, ad sectionē transeundū erit eo modo, quo à Paulo ægineta præcipitur.

Paul. ægin:  
lib. 6. c. 69.

## DE HERNIA SEV TUMORE INGVINIS.

CAP. XVIII.

**A**FFECTIO ea, quæ à Latinis dicitur hernia, seu ramex, à Grecis κηλὰς uocatur, quo nomine omnes fere testiū comprehenduntur tumores, qui numero sunt octo, ut patet ex Galeno; at nos omisiss omnibus alijs tumoribus, tanquam nō necessarijs in infantibus de hernia inguinali tantū uerba faciemus, quæ nihil aliud est, quā tumor præter naturam in inguine ex distensione, aut rupturæ peritonei ortus; Et ut plurimum, generatur à frequentia fletus, eiulatusq, aut ab immoderata repletione, et forti in egerēdo expresione, cū aliis astricta est, & interdum à redundātia flatuum. Signa innotescūt, undè hæc præsagia sumuntur. Intestinorum hernia qualiscunq, fuerit, semper aquosa deterior. Pro curatione uerò, in sex rebus nō naturalibus uictus ratio instituenda est, ad calidū, et siccū uergens: Alius quotidie deijciat, uel spōte, uel arte in infante, caueat à nimia repletione cibi, à fletu, à rebus flatuosis, à uociferæ

Gal. lib. de  
tum. præter  
nat. 17. 18.

DEFINIT.  
MORB.  
Gal. ibidem  
CAVSÆ.

SIGNA.  
Aetius lib.  
14. c. 24.  
PROGNO-  
STIC.

VICTVS  
RATIO.



MEDIC.  
RATIO.

feratione, a motu; Nutrix etiam lactante infante, caueat a præmissis, a rebus frigidis in cibo, a leguminibus, ab aquosis, a flatum parientibus, crassis, & crudis, & difficilium concoctionum. Ratio verò medicamentorum, quoniam Indicatio istius morbi, cum illa, quæ de tumore umbilici inscribitur, conuenit; propterea eo modo perficitur, quo statuta est in ipso capite, quod legendum est, et ex præscripto ordine ipsius procedendum.

## DE PROCIDENTIA ANI.

CAP. XX.

Aulic. lib. 1:  
F. 3. doc. 1  
cap. 3.  
DESCRIP-  
TIO  
MORB.  
CAUSAE.Cor. Celsus  
lib. 6. ca. 18:  
SIGNA.

Celsus ibid.

Aet. lib. 14.  
cap. 8.  
PROGNO-  
STICA.  
VICTVS  
RATIO.

**A**LIVANDO accidit infanti, ut ei eueniat egres-  
sio recti intestini, siue procidentia ani, quam Græci ap-  
pellant *το γαστρωσι αεχου ητο γαστρωσι τοις αεχου* Quamobrem de  
ipsa agere, non erit absurdum, quæ generatur, ut plurimum, a  
nimia uentris lubricitate, et humiditate, aut a resolutione mu-  
sculorum, qui ipsum anum sursum attollunt, uel ab aliqua in-  
flammatione ipsius ani, musculos ipsos cogente, uiolenter di-  
stendi. Signa, si ex inflammatione anus procidat, sunt dolor,  
tumor, & tensio ipsius ani qui cum rubore, & mucositate ap-  
parebit. Si uerò erit, sine inflammatione facilis erit cognitio;  
apparebit enim sine dolore, tumore, & mucositate. Et si eue-  
nerit ob lubricitatem alui præteritā, aut humiditatem, ex qui-  
bus orta fuerit imbecillitas, & resolutio neruorum, adeo ut ip-  
sum foras prolapsum, sursum retrahere nequeant, facile signa  
apparebunt per relationem astantium. Et prædicere conuenit;  
si citrà inflammationem est affectio facilius curationem ad-  
mittere. Victus ratio, ut sumitur ex ipsa indicatione, in sex re-  
bus non naturalibus, ad calidum, & siccum uergens institua-  
tur. Infans caueat ab omni motu inferiorum partium; & si  
sine



sine inflammatione est, tunc paretur balneum aquæ calidæ, in quo sedeat ipse infans per modicum spatium temporis, ieiuno stomacho; & balneum ipsum prius ebullitum sit cum verbenâ, malicorio, folijs myrti, rhu, rosis, gallis, balauſtijs, acacia, et hypocistide; postea statim, post ipsum balneũ, digitis molliter, et legitime intromittatur anus. Deinde liniatur pice liquefacta, & super asperso puluere aloes intrudatur. Vel alio mō, puluere isto aspergatur, cū animaduersione, quod astringētia, ueluti pulueres, & olea nō sunt administranda, nisi ano prius intromisso. R. aloes, thuris, gallarum, myrrhæ, mastiches, antimonij, sumachij, balauſtiorum, an. drac. ij. & in puluerē reducuntur, et misce et utitor; Vel R. olei de myrto, de mastiche, de cydon. an. dr. s. misce, et inunge. Et si denuò foras anus, ex multa humiditate procidere tentabit, tunc decoctio balnei fiat in uino astringenti nigro, & decoctioni adde bdellium, pini corticem, pilulas cupressi, unguā caprinā, alumē scissile. Vel R. gallæ omphacinæ, malicorij sicci, rhoscoriarij an. dr. ij. plūbi uſti. dr. iij. spumæ argenti dr. viij. & in puluerē tritū inspergito. At in infantibus astringentiũ usum remittere oportet, et mitiora adhibere, ueluti ego expertus sū cū balneo loci affecti tātum ex uino nigro astringenti parū, prius ebullito cum rosis siccis, & menta; & chamæmelo, & sola inunctione post antromissionem, cum oleo mastichino, & de cydonijs; confert etiam urina ipsius infantis calida, statim post mictionem superfusa. Et ne anus ubi repositus introfuerit, denuò foras excidat, probè deligandus est cruribus inter se deuinctis. Si uerò anus ex inflāmatione excidat, quod rarò in infantibus contingit; nihilominus, tunc uictus ratio, in omnibus instituatur uergens ad humidum, & frigidum temperate in principio,

MEDICA-  
MENT.  
RATIO.

Gal. lib. 9. de  
comp. med.  
sec. loc. c. 6.  
auctoritate  
Aesclepiadis  
Aetius ibid.

Paul. lib. 3.  
cap. 6.



postea in statu ad calidum. Et caueat infans à motu, et exercitatione inferiorum; deinde in principio inungendus est anus oleo rosaceo calido, et postea chamæmelino, et anethino, et sedere conuenit in balneo calido aquæ dulcis, in quo ebullitæ sint prius maluæ, altheæ, et rosæ, et flores chamæmeli, et statim inungere oleis prædictis. Nec non R. uitellum unius oui cocti, & contundantur cum tragacantha, postea cum oleo rosaceo, syrupo rosarum an. q. s. misce, & f. linimentum s. a. fomentationes etiã cum sponsia factæ, quotidie ante cibum, ex decoctione prædicta calida præstant, & inungere statim ut supra. Postea cum aliquantulum inflammatio remissa fuerit, anus intror mittendus erit, et eundem inungere, & aspergere ex præmissis oleis, et pulueribus astringentibus, et eundem ligare præstat, postquã intus repositus fuerit, ut supra ne iterum exeat.

## DE INTERTRIGINE COXARUM.

## CAP. XXI.

Auic. lib. 1.  
F. 3. doc. 1.  
cap. 3.  
DEFINIT.  
MORB.  
CAUSAE.  
SIGNA.

PROGNO  
STICA.

VICTVS  
RATIO.

**I**NTERTRIGO coxarum infantis, nihil aliud est, quàm Excoriatio, seu cutis attritio, quæ Græcè uocatur *ωρεξ* et *γυρεξ* et causatur hæc affectio, ut plurimū ex urinae acrimonia, aut deterfione excrementorum, et ut breuiter dicam, ex immunditia inuolucrum, propter nutricis incuriam suborta. Signa satis innotescunt. Prædicendum est ex ipsa excoriatione, seu attritione facile suboriri inflammationem, seu exulcerationem, et dolores, & uigilias. Igitur statim ad curationem properandum est, quæ facile perficitur, si nutrici uictus ratio instituatnr, ad frigidum, & siccum uergens, & si abstineat ab ijs, quæ in cibo calefaciunt, ueluti ab acribus, ab allijs, porris, cepis, & rapha-

1155



nis, ab aromatibus, & salsamentis, ab amaris, & similibus;  
Et quotidie, si tam in nutrice, quàm in infante, uel sponte,  
uel arte, alius deiecerit; et si ipse infans, quotidie, reietis fri-  
cationibus, balneetur, si tempus balneandi erit, & si aqua  
balnei, ante ipsum balneum, parum prius bulliat cum uiolis,  
althea, rosis, maluis, ordeo, & furfuribus, & si statim post  
balneum abluantur partes affectæ, cū uino calido, & postea  
istò puluere inspergantur. R. spumæ argenti per se, uel cum  
myrto, sicca, trita. q. s. uel alumen in testa ustum, & tritum  
inspergatur, aut fici folia usta, ac trita cum oleo illinian-  
tur. Et caueat ne cum inunctione salita infans inungatur.  
Nec non si rosarum capita, & flores terantur, & inspergan-  
tur, conferunt; uel alio modo R. plumbaginis drac. iij. galla-  
rum drac. i. s. aluminis, myrrhæ, an. dr. s. misce, & omnia  
conterantur, & cum hoc inspergantur, conferunt etiam myr-  
tus contrita, aut radix ireos, aut rosæ, aut cyperum, aut ordeï  
farina, aut lentium.

MEDICA.  
RATIO.

Aet. lib. 14.  
cap. 12.

Aet. ibidem.

Auic. ibidē.

DE PAPVLIS SEV VARIOLIS.

C A P. XXII.

**E**RUPTIONES Similes his, quæ a feruida aqua am-  
bustis emergunt, & sponte per uniuersam infantis cu-  
tem florescunt, a Græcis ἐξανθήματα, & a Latinis papulæ, &  
pustulæ uocantur. Et duplices ipsæ papulæ uidentur, quædam  
enim sublimes, quædam uerò latæ. Sublimes a uulgo medi-  
corum morbilli uocantur. Et latæ, & humiles uariolæ; ge-  
nerantur ex crassis, & cuti impactis humoribus, & ubi  
densior pelliculæ superficies extiterit, propullulant morbilli,

DEFINIT.  
MORB.

Auic. lib. 1.  
F. 3. doc. 1.  
cap. 3.  
Paul. lib. 4.  
cap. 8.

CAUSAE.  
Gal. lib. 6:  
aphor. 9: in  
comm.

A a seu



seu sublimiores pustulae a calidiore, & tenuiore humore sunt; latae uero seu uariolae, a frigidiore, & crassiore. Neoterici, ut plurimum in infantibus causam esse dicunt, sanguinis ebullitionem, superuenientem per modum putrefactionis, uel nutrimenti menstrualis reliquias, uel propter conceptum foetus tempore mensium fluxionis. Attamen omnes papulae nascuntur, natura corporis profundum expurgante. Quamobrem paucissimi uidentur, qui ad legitimam aetatem perueniant, & hunc morbum effugiant. Signa sunt febris, dolor uehemens capitis, & dorsis, difficultas spiritus, pruritus narium, & aurium, punctiones totius corporis, pādiculationes, & oscitationes crebrae, & initio morbi, facies maculas quasdam ostendit, quae, uel in morbillos tolluntur, uel in uariolas extenduntur. Sublimiores, in tumorem manifestum cutē attollunt, exulcerant, & pruritum excitant. Latæ exiguum tumorem efficiunt, neque tamen exulcerant, neque etiā pruritum excitant; Quare, ob duplicem causam, latæ pustulae nō pruriunt; Vna, quia diffiantur in latitudinem, circū extenta; Altera, quia humor faciens ipsas minorem acrimoniam habet; Et si a sanguine proficiantur, per colorem rubrum, si a bile, per spicuum; a pituita per albedinem; a bile atra per liorem, cum nigredine apparebunt. Et pustularū ipsarum magna ex parte infantibus, & iuuenibus, rarissime, & cum difficultate senibus, fit eruptio, & progressio ijs, quorum cutis crassa, & densa existit. Difficilior autem semper laticum est exitus, quia ex crassioribus humoribus oriuntur, propterea quod magno labore cutem penetrare possunt. Quamobrem si accidit cutis densitas, sepe intus pustulis detentis, moriuntur, at in eruptione

Hip. lib. 6.  
aphor. 9.  
Gali. ibidem  
in comm.

PROGNO-  
STICA.



ptione sublimium pustularum, propter caliditatem, & tenuitatem humoris ipsas facientis, qui eruptionem faciliorem reddit, pauci pereunt. Et quæ ex eis pustulis sunt ulceroſæ, uel spiffæ, sublimes, rubræ, & parua, cum febre, uel nigræ, mortales sunt. Veluti eæ, quæ anno 1574. per uniuersam ferè Italiam, in infantibus grassatæ fuerunt, adeò, ut ferè omnes ab earum nequitia affecti, medicina nihil proficiente, interierint. Quæ autem sunt albæ, rubræ, raræ, latæq; saniores sunt; Et secundum sententiam Neotericorum, qui semel a morbilis, seu uariolis corripitur, non amplius ab ipsis afficitur. In curatione autē cum omnes pustulæ procreentur, natura corporis profundum expurgante, ut supra dictum est: propterea cauere oportet summa cum diligētia, ne naturæ motus impediatur. Ex indicatione igitur istius morbi: aer eligatur calidus, & frigidum deuitare oportet, cutem enim densat, & sic pustularum eruptiones prohibet, & infans in lectulo, aut ulnis, stragulis calidis ab iniuria frigiditatis aeris, cooperiatur, & probe muniatur, non tamen adeò calidis, ut syncope correptus suffocetur. Nutrix legitima fruatur diætā: caueat a fructibus oībus recentibus; et præcipue fugacibus, quia facile putrescunt: ab aromatibus, a salitis, ab acribus, ab allijs, porris, cæpis, raphanis, ab oleribus, et ab oībus faciliè calefaciētibus, et putrescentibus, et duræ digestionis, et mali succi, et a uino: Ex his. n. sanguis augetur, et humores exacuuntur, et utilissimū erit nutrice dulcioribus ferculis pasci, et infante, neq; pleniore, neq; nimis tenui cibo ali. caueat ab animi perturbatione, et a somno diurno post cibū, et quotidie se exerceat, secundum consuetudinem, & alius tam in nutrice, quàm in infante, uel sponte, uel

Auic. lib. 7.  
F. 3. doc. 2.  
cap. 3.

VICTVS  
RATIO.

Paul. lib. 7.  
cap. 61. 2.

Aa 2 arte,



Hip. lib. 1.  
aphor. 20.

MEDICA-  
MENT.  
RATIO.

arte deijciat. Verum si natura ipsas probè excreuerit pustulas, nullo medicamento, aut alio negotio indigemus. Quae enim iudicantur, & iudicata sunt, integrè, neque mouere, neque nouare aliquid, siue medicamentis, siue aliter irritando, sed sinere oportet. Si uerò satis non defloruerint, solemus infantes inuolucris rubris inuoluere, ut ad crebrum illius aspectum intuentes, ad exteriora, atque adeò summam cutem ferantur humores, & decoctum ficuum, uel lentium loco potus praebeatur. Vel si fieri poterit, infanti ad adiuuandam pustullarum excretionem haec praebeatur decoctio. R. radicū apij, alaminthæ, fœniculi petroselinian. M. s. seminum anisoforum, asparagorum, rusci an. dr. ij. caricarum ficuum an. numero vi. coquantur omnia in s. q. aquæ, usque ad consumptionem mediæ partis, postea coletur, & cum saccharo q. s. et adiectione syrupi acetosi simplicis unc. iij. misce, & s. a. f. porio, de qua detur quotidie infanti mane, & uesper. unc. iij. aut plus, aut minus, secundum ætatis rationem. Verum si infans, sumere decoctum ipsum non poterit, nutrici exhibeatur ad pondus unc. vi. Est ubi bene pustulae defloruerunt, si minus periculose sunt, dimittantur, donec maturentur, deinde curentur. Si uerò ulceratæ fuerint, fiat eis unguentum ex cerusa, & accidit etiā ut necesse sit lauare eas aqua mellis, & pauco nitro, & similiter alchola; cum autem spissæ fuerint, indigebunt eo, quod sit uehementius lauabuntur tunc ex aqua nitri, cum lacte mista, ideò, ut tollerari possit; quod si cutis eorum uesticabitur, uaporetur, & lauetur aqua, in qua coctæ fuerint myrtus, & rosæ, & squinantbum; Et folia arboris mastiches, & tamarisci. Et quia oculis aliquando ex  
isto



isto morbo euenit affectio illa, quæ uocatur a latinis albedo, et a Græcis λευκωμα. Propterea ne infans ab ipsa macula corripatur a loco pellucido, siue luminoso, atque rerum intuitu rubrarum remouendus est, oculiq; eius cum collyrio aquæ rosacæ, in qua nonnihil sumachij insit, abluendi, & conseruandi sunt. Et si guttur etiam, aut ulceribus, aut erosionem afficiatur, ut euenire quandoq; solet in isto morbo succurrendū est cum succo mororum, uel diamorum, aut uino granatorū, adhibita aqua ordeī, gargarizando. At si in facie infantis, propter ipsius assiduam frictionem, signa uariolarum permanere post morbi resolutionem uidebuntur, tunc R. pinguedinis humane, pinguedinis ursi, medullæ ceruinæ, medullæ bubulæ, balsami ueri, pulueris camphoræ an. partes æquales, musciparum misce, & signa inunge. Vel R. pulueris seminis erucæ, pulueris chrysocolle, alcyonij primi, & secundi, farinæ fabarum, pulueris sulphuris, lithargirij argentei, cornu ceruiusti, pulueris ireos, pul. tartari albi, pulueris thuris an. dr. s. radices brionie oleo decoctæ, & subtilissime contusæ, olei amygdalarum dulcium, olei è luteis ouorum, olei de myrrha an. unc. s. unguenti rosati. unc. i. misce, & in mortario plumbeo s. a. fiat linimentum, & utitor.

## DE SCABIE.

## CAP. XXIII.

**Q**VONIAM uerò sæpè ob contagionem facile penetrantem in corpora nostra, infantes a scabie uexari, & tentari uidemus; propterea de hac ipsa affectione in hoc libro silendum nobis non est. Porrò ea nihil aliud est, quàm durior cutis rubicunda, ex qua pustulæ cum pruritu oriuntur, quæ

DEFINIT.  
MORB.  
Cel. lib: 5:  
cap. 28.  
Paul. lib. 4.  
cap. 21.



quædam humidiores, quædam sicciore, uel est, quæ summâ corporis cutē uaria erosione figurat, fursureaq; ex se corpuscula edit, cū pruritu, & corporis colliquatione, & à Græcis *Logæ* uocatur. Causa in infante interdum excitatur ob cōtagium, uel si lac sugit propter cibos à nutrico ingestos salso, & nimis calidos, & aromata acuta, amaraq;. Duplex autem ab ipsa scabie sumitur indicatio; cū una humidior sit; altera sicciore; quæ enim humidior est, generatur a sanguine, cui admiscetur phlegma salsum. Altera, quæ sicciore est, existit a sanguine bile flaua permisto; Signa uerò sunt pruritus, cutis rubicunda, & pustulæ quædam latæ, quædam eminentes, a quibus sanies interdum glutinosa, interdum tenuis fluit; cæterum ex ijs, quæ eminentiores sunt, quoniam a calidiore humore generantur, pruritus efficiunt, quod latæ non item; diffilatur enim, & in latitudinem extente, & facientem ipsas humorem minus acrem habent. Et scabies excorticata multiplicatur in autumno. Pruritus materia aggregatur inter duas cutes. Et scabies quidem sæda attrahit exituras, & permutatur ad impetigines, alsabafati, & inducit corporis colliquationem. Scabies uerò si humida est, uictus ratio in omnibus sex rebus non naturalibus (ut indicationis rationem obseruare uideamur) ad frigidum, & siccum uergat; si sicca parum declinet ad humidum. Et nutrix, si infans lac sugit, exercitationi incumbat; euitet diurnum somnum, post cibum; aluus quotidie deijciat, uel sponte, uel arte, clysterijs communibus, uel balanis ex melle, perturbationes animi fugiat; Et inter olera comedere poterit endiuuiam, lactucam, spinachiam, cichoream, lupulos, & melones, & cucur

CAUSA.

SIGNA.

Hip. lib. 6.  
aphor. 9.  
Gal. ibidem  
in comm.

PROGNO-  
STIC.  
Auic. ibidē.

VICTVS  
RATIO.



cucurbitas, & similia. Euitet in cibo ea, quæ habent facultatem calefaciendi, prout sunt aromata, salsa, oleaginosæ, acuta, & acria, ut allia, porri, cape, & raphani; abstinat à uino geperoso, uestatur cibus boni succi, & facilis concoctionis. Quod uero ad ipsam curationem attinet, duplici ea modo perficitur; uno cum purgatione corporis; altero loci affecti inunctione. Purgatio statuenda est, hoc pacto. Nutrix si lactat infantem, quotidie sumat decoctionis infra scriptæ. unc. vi. diluculo, per dies septem continuos, quæ hoc modo perficitur, R. fumiterræ, endiuie, cichoreæ, boraginis, lupulorum, epithymi an. M. i. bulliant omnia in s. q. a. usque ad tertias postea coletur decoctio; cui adde sacchari optimi. q. s. & denuò lento igne bulliat una leui ebullitione; deinde in uase cooperito seruetur. Infanti uero, si ablactatus est, uel si aliquid sumit, exhibere possumus hanc potionem per dies quinque continuos, loco syrupi, diluculo; R. aquæ lactis. unc. iij. succi fumiterræ. unc. i. misce pro syrupo. Verum postquam assumpserit nutrix decoctiones supradictas, sumat, per horas duas, ante cibum, manè, bolum istum. R. electuarij lenitijs de dactylis, diacatholicon an. unc. s. misce, & cum saccharo. f. b. uel sumat similiter ante cibum per horas quatuor pilulas has. R. pilularum de fumoterræ, de agarico Mesuæ an. dr. s. cociarum scrup. i. misce, & cū melle rosato reformatur p. v. & aurentur. Infanti uero si bimus est, post syrupos detur agarici præparati drac. i. uel cum saccharo rosato, uel cū ferculo, quam Itali panatellā uocant, aut reubarbari electi, et mundi, contriti scrup. i. cum saccharo rosato. Deinde  
sic

MEDICA.  
RATIO.



sic facta purgatione, ad inunctionem deueniendum est, quæ pluribus modis perficitur, at in infante propter uirium eius imbecillitatem, mitibus, lenibusq; inunctionibus utendū est. Quotidie igitur per tres, aut quinque dies continuos, serò antequam dormitum uadat in loco calido apud ignem nutrix; si scabies humida est, corpus suum in loco affecto unguento hoc inungat R. succi lapatij acuti. unc. iij. olei de nucibus. unc. i. picis. unc. s. misce, postea parum bulliant lento igne, mox coletur, & colaturæ addantur sulphuris contriti subtiliter, pulueris tartari an. drac. i. misce, & fiat unguetum. Vel ad siccam scabiem hoc unguento illinito. R. cerussæ, amyli an. unc. s. anchusæ M. i. ceræ, olei rosacei an. unc. ij. anchusam unā cum rosaceo elixato; deinde reliqua inijcito. Vel solo oleo sulphuris puluere misto, calefacto inungito. Infante uerò post lauacrum, ad ignem, si scabies humida est unguento hoc illinito; R. olei rosacei, laurini an. unc. ij. pulueris salis, nitri, sulphuris. an. drac. iij. styracis drac. ij. misce & inungito. Et si scabies sicca est, hoc unguento inungito. R. terebinthinæ lotæ unc. i. s. butyri unc. s. succi limonum, succi lapatij, & utitor. Vel R. aquæ rosaceæ, aquæ ex floribus malorum medicorum an. unc. ij. terebinthinæ, nitri, lithargyri, an. dr. iij. misce, & utitor. Vel uitis ueteris corticem in uase fictili frigito, eoque locum scabiosum fricato butyroq; illinito. Pruritus uerò a scabie excitatos, aqua marina calida, aut aceto calido perlue. Demum post inunctionem nutricis, & infantis corpora uniuersa abluere aqua calida oportet, & ea induere ad euitandam contagionem uestimentis mundis, nouisq;.

Pau. ibidem

Orib. lib. 7.  
cap. 8.

DE



**F**EBRIS Etiam, quæ græcè dicitur πυρετος aliquan-  
do infantibus accidit. In progressu enim cum iam den-  
tire incipiunt, gingivarum prurigines, et febres superueniunt,  
& hoc per consensum ex dolore, et cruciatu pruriginis gingiva-  
rum inflammationem excitantibus. Signa, ex uigilijs per tactū  
caloris extranei, & frequentia pulsus, satis innotescunt. Et  
curatio facilis est, nā probè uictus ratio instituta tantum, post  
ortū dentium, cessante inflammatione, febris cessabit. Igitur nu-  
trici, (si infans lacte nutritur) uictus ratio in oībus institua-  
tur ad humidū, & frigidum uergens, comedat in ferculis, la-  
ctucā, blitā, endiuia, acetosam, spinachiā, atriplicē, ordeū, et si-  
milia, quæ simul refrigerāt, et humectāt, lacq; augēt, ueluti ē  
amgdalarū dulciū lac, & ptisana, et syrupus de endiuia, de  
acetosa, uiolarū, acetosus simplex, et similes, tam nutrici, quā  
infanti cōueniunt, pro nutrice hoc mō, R. Syrupi acetosi simpl.  
unc. i. de endi. unc. s. aquarū endiuia, acet. an. unc. i. s. misce pro  
syrupo. Pro infanti uerò, si ablactatus ē, R. Syrupi acet. simpl.  
de endiuia an. unc. s. aquarū endiuia acet. an. unc. i. misce pro  
syrupo, et magis, et minus secūdū atatis rōnem, morbi, tēporis,  
et loci exigentiā. Et febre perseuerāte, post ortū dentiū, &  
post assumptionē syruporū quinq; digesta materia, eā educere  
poteris, adhibito uno scrupulo reubarbari electi, cōtriti, uel cū  
saccharo rosato sumpto, uel in infusione cū suis correctiuis, s. a.  
cū decoct. florū, & fructuū cordialiū disoluto, et in diluculo  
per horas quinq; ante cibū assūpto. Quies ēt ī infante statuēda  
ē, et alius, ut sepe dictū ē, uel sponte, uel arte quotidie deijciat.

Hip. lib. 3.  
aphor. 25.  
CAUSA.  
SIGNA.  
PROGNO-  
STICA.

VICTVS  
RATIO.

MEDICA  
RATIO.

Bb

Et



Et si uigiliæ superuenerint, aut stomachi dolor uomitus, & alia symptomata succurrendum est ipsi infanti, prout a nobis in suis proprijs capitibus, declaratum est.

## DE AMBUSTIS.

## CAP. XXV.

DESCRIP-  
TIO  
MORB.  
CAUSA.

SIGNA.  
PROGNO-  
STIC.

VICTVS  
RATIO.  
MEDICA.  
RATIO.

**I**NTERDUM Per incuriam nutricum infantibus accidit etiam, ut uel casu in ignem, uel feruenti aqua, aliquo modo comburantur, quorum corpora combusta *αὐγμῶντα*, Græci uocant. Causa patet. Signa sunt dolor, bullæ seu pustulæ, & exulceratio. Qui morbus si non recte curatur, ex ipsis ulceribus relinquit, & in facie, & in alijs partibus corporis signa monstruosa, & partes affectæ, aliquando exsiccata, capta, debilesq; remanent. Propterea statim succurrendum est, & uictus ratio in omnibus nutrici instituta ad humidum, & frigidum uergens: loco ambusto hoc modo in principio linimentum hoc, sine ulla dubitatione apponito: Ego enim ipsum expertus sum feliciter cum multis ambustis, & præcipue cū Angela filia mihi carissima, quæ dum tertium decimum mensem ageret in ignem ob incuriam eius nutricis cecidit, et totam ferè faciem sibi cōbusit. R. albuminis duorū ouorum, olei rosati. unc. ij. aquæ rosatæ unc. i. misce, & simul omnia optimè conquassentur: postea panniculus albus, subtilissimus aut lini, aut serici, qui non sit nimis strictæ texturæ, madefactus prius in dicto linimento, superponatur loco ambusto, & ligetur, & nunquam auferetur, donec conualescat, sed quotidie bis, terue sine remotione ipsius panniculi, locus affectus super ipsum panniculum inungatur, & illinatur, transacto



facto uerò principio, & hoc usque ad diem ambustionis quartum loco albuminis ouorum, ponantur, & conquassentur in dicto linimento uitelli eorum, & semper super ipsum panniculum inungito, donec uideatur cutis regeneratio noua fieri; tunc uerò cum forfice paulatim, de die, in diem, ubi noua cutis ipsa, & sanitas apparuerit, panniculum incidere debemus, adeò ut totus paulatim auferatur, quo ablato, uidebitur locus affectus, procul dubio, sine ullo signo permanere. Et huius rei amplissimum testimonium omnibus afferre possunt **PETRVS**, & **BALTHASSAR CAROTTI** Humanissimi fratres, probi, ac peritissimi pharmacopole in ciuitate Veronæ ad signum aurei plaustrum, ubi eorū clara officina medicamentorum salutarium plenissima, assidue ad quotidianum usum pro infirmis a medicis frequentatur; qui modo prædicto, ac uirtute istius linimenti sola ab omnibus signis faciei, & totius corporis, infantes quamplurimos combustos, reuocatos, ac incolumes uiderunt. Multa alia inueniuntur remedia ex **Paulo Aegineta**, & **Aetio**, ad istum morbum attinentia, & ex multis alijs approbatis scriptoribus, qui tibi sunt consulendi. Sed ego fateor ingenue coram Deo, & hominibus, me nunquam expertum fuisse hoc linimentum, modo superius assignato, nisi fæliciter, & quod penes me, tantquam arcanum habere decreueram; nihilominus utilitatis publicæ causa, in medium mihi proferendum putauit ad laudem, & gloriam

D. O. M.

**F I N I S.**

Paul. lib. 4.  
cap. 11:  
Aet. lib. 14.  
cap. 64.



## ERRATA, QVAE IN HOC OPERE

impresso penitus vitari non licuit,

sic corrigenda.

Pag.			Pag.		
2.	Pro Bilioſi	lege Bilioſi	76.	ui expreſſus	ui expreſſa
7.	nutrimētiue	nutrimentumue	eadem.	excedens	exedens
15.	emplastei	emplaſtri	eadem.	Poſtulæ	Puſtulæ
16.	Pupillarum	Papillarum.	eadem.	apparent	appareet
20.	in	ſi	77.	cryſipelas	eryſipelas
21.	roſſati	roſati	79.	miſta	miſtæ
22.	rater	præter	80.	ſulphariſ	ſulphuriſ
37.	pereunt	pereant	84.	faraminibus	foraminibus
55.	aliquo	aliqua	111.	facili	faciliſ
56.	uirum	uirium	127.	medicamētorā	medicamentorū
58.	inuidiores	uiuidiores	eadem.	iudicabunt	indicabunt
59.	incedendam	incedendum	185.	reietis	reiectis
70.	amare	amaræ	186.	alaminthæ	calaninthæ

